

Sises Ekareei Isaan N#menuka'p# Ekamanin

Sises Ekareei Isaan N#menuka'p# e'menukasa' ennin nan uya apurito' pe, Sises esi ekamasa' r#p# pika'tinin wann# pe, Papa Mumu, apuri t#uya'nokon wini t#uko'manto' kon epoto' pe to' uya (20:31).

Ekama t#po siyaro' pe ri Papa Maimu pe Sises e'to', iye'sara'tito' wini wak# itekare uya ekama tu'kan ni eke, Papa t#rawasooi e'ku'sa' r#p#, Sises esi ekamasa' r#p# pika'tinin wann#, Papa Mumu pe iyesi tukai' enpoikanin pe. Miri pikiri si i'ri enpoikanin pe eke, Papa t#rawasooi e'ku'sa' tawon. Seri airi kareta uya ekama ka'pon am# uya Sises apuri'p#, miripan kon ena'p# ipikiron kon pe, t#ron kon uya ri ewa'noma koro'tau, anapuripai p#ra ri niri. 13 awonsi'ki, 17 p#k# pona isekamato' airi ita'sisa' kusan pe ri a'ko pe a'sam#t# pe t#poitor# ton pokon pe iyesi'p# ta'si ewarup#i#i tau, imaimu to' koneka pe to' pori'mapit# pe isaurok#p# r#p# kurusu' pona t#pokapi'to' rawiron ko'mamiri yau. Iu'mat# winik#i'no isekama to' airi iyesi Sises a'si'p# r#p# i'tupit#p#, kurusu' pona ipokapit#p# miri awonsi'ki iye'm#sa'ka'p# terik#p# apai, miri t#po isenpoikapit#p# t#poitor# ton piya'.

Isaan uya kuru ekama tiwi ri uko'man nito' epoto' Sises K#rai poro, epoto' epiya'ti seri pe

ri kamo Sises pi' ewai' tawon nu'san, ite'ma pe, i'napairon pe miri awonsi'ki uko'man nito' pe iyesi pi', piya' iyepu. Isaan uya enpoikato' iwini tensen ton wai kaisa ri yai a'kwaru eseru ton ekamato' iya yai esi'pu, tuna, paru, iweyu, karimeru amu' pa'simanin miri awonsi'ki itikan non, miri awonsi'ki kare' e' miri awonsi'ki iteperu ton.

Iyawon Ekamanin

Isara'tinin (1:1-18)

Isaan Pa'tes miri awonsi'ki wapiyaro' kon Sises poitoru ton (1:19-57)

Annau Sises e'turawasoma'pu (2:1–12:50)

Iweyu u'matu ton Surusiran po miri awonsi'ki ipiyau (13:1–19:42)

Iteperu e'mu'sa'kasa' miripan usenpoikapitu'pu (20:1-31)

I'makanin: Turon ni kanan isenpoika'pu Kiyarari po (21:1-25)

Main Ni Ena'pu Ka'pon Pe

¹ Iyepiya'ti yau Main esi'pu, Papa piyau Main esi'pu, Papa pe ri Main esi'pu. ² Miri ri esi'pu iyepiya'ti pe Papa piyau.

³ Tanporon ni ekoneka'pu iporo; i'ri ri ekonekasa' paru iyesi ipura iye'tane. ⁴ Uko'man nito' esi iyau,* uko'man nito' esi ka'pon amu' weyu pe. ⁵ Miri iweyu e'wei'ti'pu ewarupi yau, e'tane ewarupi uya ito'ka'nuku'pu pen.†

* **1:4** Uko'man nito' esi iyau; miri pe para, I'ri ri ekonekasa' para iyesi ipura iye'tane, arune para uko'man nito' esi pi' iyau † **1:5** ewarupi uya ito'ka'nuku'pu pen; miri pe para, ewarupi esi'pu pen itentai.

⁶ Moro ka'pon esi'pɛ Papa nennoko'pɛ, Isaan itese'. ⁷ Kɛri ri uyee'pɛ iweyu enpoikai' tanporon kon uya apurito' pe tɛporo. ⁸ Iweyu pe iyese'pɛ pen, e'tane iweyu ekamanin pe enno'sa' pe iyese'pɛ.

⁹ Miri esi'pɛ i'napairon iweyu, tanporon kon ka'pon amɛ' non pon kon wei'tinin pe iyepɛ esi'pɛ.

¹⁰ Non po iyese'pɛ, non ni ekonekasa' e'tane iporo, e'tane non pon kon uya i'tu pɛra iyese'pɛ.

¹¹ Tɛtonpa ton piya' iyee'pɛ, e'tane itonpa ton uya isanoma'pɛ pen. ¹² E'tane kamoro tɛsanomanin nɛ'san, tapurinin nɛ'san repasa' iya merunti ke, Papa munki pe to' enato' pe. ¹³ Mɛre amɛ', entu eseru yau iyentusa' kon pen, ipun eseru awiri pen, warawo' eseru awiri pen ni niri, e'tane Papa iwano' pe kuru.

¹⁴ Miri Main enasa' esi'pɛ ka'pon pe, miripan uko'mamɛ'pɛ ina piyau. Ina uya a'kwa ene'pɛ, tikin nan nɛ'kwi kuru ri imu a'kwarii, Ikaipɛnɛ wini iye'sa', eke pe ri wakɛ nonkasa' miri awonsi'ki i'napairon esa' pe.

¹⁵ Isaan uya ekama'pɛ eke pe tɛuki'pi'nɛnse, "Pɛse ri si kɛri ri unekama'pɛ, 'Kɛri ri si uye'ma'pɛ tau tɛuye'ton esi miri eke uyentaino, penaro' uwapiyaro' rɛ'pɛ ri,' " ta'pɛ iya.

¹⁶ Eke pe wakɛ nonkasa' esa' pe e'ni wini wakɛ ke upɛremasa' iya 'nokon eporo ise'ma'pɛ tau'ne ri.‡ ¹⁷ Main e'tɛrɛ'pɛ Mosi' poro, e'tane wakɛ nonkasa' miri awonsi'ki i'napairon uyee'pɛ Sises

1:6 Ma'siu 3:1; Ma' 1:4; Ƴru' 3:1-2 ‡ **1:16** eposa'nokon si'kiri ri wakɛ ton eporo ise'ma'pɛ tau'ne ri; miri pe pɛra, eposa'nokon wakɛ ton tɛron ni ton ensimapiɛ iya ke isipata'pɛ ya'ne wakɛ ton ke.

Kurái poro. ¹⁸ Inu' uya Papa ensa' p̄ra iyese; tikin nan kuru ri Papa Mumu, tak̄ir̄un̄u enau te'sen k̄ari ri uya riken enpoikasa' i'tuto' pe.

Isaan Pa'tes Uya Kurái Pen Uri Ta'p̄u
(*Ma'siu 3:1-12; Ma' 1:1-8; Uru' 3:1-18*)

¹⁹ Ser̄i esi Isaan maimu ru'p̄u, Esuwer̄u am̄u' epuru ton Surusiran pon kon uya Esuwer̄u am̄u' use'mato' turawasomanin nan mir̄i awonsi'ki Ripai am̄u' enno'sa' Isaan ekama'pose'na a'taino, inu' pe iwesi tukai'. ²⁰ Iye'wapu'ti'p̄u pen, e'tane isekama'p̄u, “Kurái§ pen uri,” tukai'.

²¹ To' uya ekama'po'p̄u, “Inu' pe ken iwesi? Iraisa pe?” ta'p̄u to' uya.

“Kane,” ta'p̄u iya.

“Pu'kena' kati?”* ta'p̄u to' uya.

“Kane,” ta'p̄u iya.

²² Mir̄ipan kon uya ta'p̄u ipi', “Inu' pe ken iwesi, ina enno'nin n̄a'san pi' ina uya ekamato' pe. Inu' pe iwesi ta auya ken?” ta'p̄u to' uya.

²³ Isaan uya eiku'p̄u pu'kena' Aisaya maimu yai, “Uri k̄ari ri rimono' tau ka'pon uki'pi'n̄un̄pit̄u, 'To'sa ri Itepuru e'ma ikonekati',† tawon,” ta'p̄u iya.

²⁴ Kamoro esi'p̄u tatonpa kon enno'sa' Pari'si am̄u' uya pe. ²⁵ To' uya ekama'po'p̄u, “I'ri pe ken iyese pi' imir̄i uya to' pa'taisima, Kurái pe p̄ra ri, Iraisa pe p̄ra ri, pu'kena' pe p̄ra ri iwe'tane?” ta'p̄u to' uya.

§ **1:20** Kurái (Kiri' maimu), mir̄i pe p̄ra Me'saya (Ipuru maimu), Papa Nan̄am̄u'p̄u ta e'kwa pe; v. 25, 41 yau n̄iri. **1:21** Mara'kai

4:5 **1:21** Isu'taronomi 18:15-18; Saira' 48:10-11 * **1:21** Pu'kena'—Tauye'ton, tauye'sen Me'saya ekare'tise tasa' ru'p̄u ipi'.

† **1:23** Aisaya 40:3 (LXX)

²⁶ Isaan uya to' eiku'p_u, “Uri uya to' pa'taisima tuna ke. E'tane moro man i'koro'tau'nokon, ini'tun_u kon pen. ²⁷ K_uri ri esi t_uuye'sen uye'ma'p_u pe, isapatooi euka uya pokena' pen ni,” ta'p_u iya.

²⁸ Seri ton e'kup_u'p_u Pe'tani pata yau, Isotan tuna ratoi po, Isaan uya ka'pon am_u' pa'taisimato' airi.

Sises, Papa Iwano' Karimeru M_ure

²⁹ Miri ema'sa' yau, Isaan uya Sises uyep_u tekare pi' ene'p_u, miripan uya ta'p_u, “P_use ri si Papa iwano' karimeru m_ure, non makooi mo'kanin!

³⁰ P_use ri si k_uri ri unekama'p_u, ‘Uye'ma'p_u tau ka'pon uyep_u eke kuru uyentaino, penaro' uwapi-yaro' ru'p_u ri,' ukataine'. ³¹ Uri uya ri k_uri ri i'tusa' p_ura iyesei, in_u' pe iyesei tukai', e'tane uye'sa' na'ne' esi pa'taisiman nise'na tuna ke Esuwer_u am_u' ena' enpoika pe,” ta'p_u iya.

³² Miri a'tai Isaan uya se ekama'p_u: “Iya'kwar_u u'ti ene'p_u uya Ep_un poi wako'wa kasa, miripan uta'si'p_u ipona. ³³ I'tu uya p_ura ri mari iyesei'p_u. E'tane uyenko'nin n_u'p_u pa'taisimanin pe tuna ke uya uyauro'kasa' esi'p_u, 'In_u' ri pona Iya'kwar_u uyep_u ene auya a'tai, uta'si ri niri ipo te'ton pe, k_uri ri si k_uri ri Wak_u A'kwar_u ke pa'taisimanin,' ta'p_u iya. ³⁴ Unene'p_u si ekama uya, p_use ri si esi Papa Mumu pe,” ta'p_u Isaan uya.

Wapiyaro' Kon Sises Poitor_u Ton

³⁵ Miri ema'sa' yau, miri yau ri mari Isaan esi'p_u, asa'ron kon t_upoitor_u ton pokon pe. ³⁶ Sises usari uya tentaka kon ensa' t_uuya a'tai, “P_use ri si Papa iwano' karimeru m_ure!” ta'p_u iya.

37 Asa'ron kon ipoitor_u ton uya isaurok_u etasa' a'tai, to' uya Sises e'ma'puka'p_u.

38 Miri a'tai, Sises era'tisa' uya te'ma'puka to' uya ene'p_u. "I'ri warinpa auya'nokon?" ta'p_u iya to' pi'.

"Rapai (Ti'sa ta e'kwa pe), nai airi apata'se' esi?" ta'p_u to' uya.

39 "Entan_u'ti'," ta'p_u iya to' pi'. To' uti'p_u ipata'se' ense'na. Ipiyau to' uko'mamu'p_u miri w_ui a'tai, ap_une p_ura pata uko'mansa' esi'p_u (4 a'kura' e'to' airi pata esi'p_u).

40 Isakon, Isaan usaurok_u etanin n_u'p_u, Sises e'ma'pukanin n_u'p_u esi'p_u Anturu, Saiman Pi'ta akon. 41 Wapiya kuru t_urui Saiman warinpai' iti'p_u, miripan uya ta'p_u ipi', "Ina uya Me'saya eposa' man, K_urai tato' ipi'," ta'p_u iya.

42 Miripan uya Sises piya' inee'p_u. Sises uya ene'p_u, miripan uya ta'p_u ipi', "Imiri k_uri ri Saiman, Isaan mu, Ke'pas[‡] pe iyesa'to' oton (Ti' ta e'kwa pe)," ta'p_u iya.

Sises Uya Piri' Miri Awonsi'ki Na'taniyer_u Ki'ma'p_u

43 Miri ema'sa' yau, Sises ekoneka'p_u Kiyarari pona t_ututo' pe. Piri' eporo'p_u iya, ta'p_u iya ipi', "Upiki'ri isi'ki." 44 Piri' esi'p_u Pe'saita winon, Anturu miri awonsi'ki Pi'ta pata'se' winon pe.

45 Piri' uya Na'taniyer_u eporo'p_u, ta'p_u iya ipi', "Mosi' namenuka'p_u Main yau, pu'kena' ton ni niri namenuka'p_u ipi', Sises, Nasare' winon, Iose' mumu eposa' ina uya man," ta'p_u iya.

‡ 1:42 Ke'pas (Arami' maimu yau), miri pe p_ura Pi'ta (Kiri' maimu yau), asa'ri ri mari esi ti' ta e'kwa pe.

46 Na'taniyeru uya ta'pu ipi', "Waku pe' epa'ka mi Nasare' poi?" ta'pu iya.

"Apune entanu'ki," ta'pu Piri' uya ipi'.

47 Sises uya Na'taniyeru uyepu tekare pi' ensa' a'tai, ta'pu iya ipi', "Apune enki, Esuweru kuru ri, enku'tinin pen ni," ta'pu iya.

48 Na'taniyeru uya ta'pu ipi', "I'ri kasa ui'tu auya?" ta'pu iya.

Sises uya imaimu eiku'pu, "Piri' uya iki'ma wapiya, pi' e' o'no iwesi a'tai, iyene'pu uya," ta'pu iya.

49 Na'taniyeru uya ta'pu ipi', "Rapai,§ imiri esi Papa Mumu pe, imiri esi Esuweru amu' Kin pe!" ta'pu iya.

50 Sises uya imaimu eiku'pu, "Pi' e' o'no iyene'pu uya tasa' uya ipi' pi' ri pe' uyapuri auya? Miri entaino kuru ento' auya oton miri. 51 I'napairon ekama uya ipi'nokon, seri tupo Epan uta'koka ento' auya'nokon oton, Papa inseruui ton u'tipitu miri awonsi'ki enu'pitu Ka'pon, Papa winon pona," ta'pu Sises uya.

2

Temari'masan Kena Po

1 Asa'ri wui tupo moro temari'masan esi'pu Kena po, Kiyarari airi. Miri yau, Sises san esi'pu. 2 Sises miri awonsi'ki ipoitoru ton ki'masa' to' uya esi'pu miri pona.

3 To' yuku, waain u'ma'sa' a'tai, isan uya, "To' yuku, waain u'matu'pu man," ta'pu ipi'.

§ 1:49 Rapai, Ti'sa ta e'kwa pe 1:51 Iseneses 28:12

4 Sises uya eiku'pu, "Mirī iku'ki kukai upi', ma'non. Uweyu e'seposa' p̄ra ri mari man," tukai'.

5 Isan uya nin si ta'pu miri to' poitoru ton pi', "Mirī iku'ti' ta iya maku'tai'," ta'pu iya.

6 Esuweru amu' eseru esi'pu ekorukan tawon, miri to' nin si 6 kaisaron tuna yen ton ti' ka'pi'sa' wai amu' esi'pu miri, eke ton kuru ri, 20, 30 kiyaran e'to' airi tuna a'sinin. 7 Sises uya nin si, "Se ton wai amu' ipe'tipi'ti' tuna ke," ta'pu miri to' poitoru ton pi', miripan pe'tipitu'pu to' uya ite'pi ton tepopi'se. 8 Miri awonsi'ki nin si, "Imati' si, ari kon pa uta're'tin epuru piya'," ta'pu iya to' pi', miripan kon uya ari'pu itena'.

9 Miripan uya onpa'pu, tuna si enasa' waain pe. I'tu iya p̄ra iyese'pu nai wini iye'seposa' tukai' (e'tane to' poitoru ton uya riken i'tu'pu). Miripan uya warawo', temari'masen ki'ma'pu, 10 miripan uya, "Tanporon kon ni sa'ne wapiya waku kuru waain ekannin nan ko, tanporo iki'masa' kon uya nin si; ensika'sa' a'tai te'sen nu'kwi ri nin si ekamu to' uya miri. E'tane waku kuru ri enkurunpasa' auya man ko seri pu'ku pona!" ta'pu iya.

11 Seri si miri ti'tuto' ipikiri ku'pitu tauya sara'ti'pu Sises uya Kena po, Kiyarari airi. Miri si tameruntiru enpoika'pu iya, miripan apuri'pu ipoitoru ton uya. 12 Seri pata'pu pe, iu'ti'pu Ka'paneyan pona, tusan, takon non miri awonsi'ki tupoitoru ton pokon pe. Miri yau to' uko'mamu'pu aka'ne' pe ri.

²¹ E'tane use'man nito', ipureman nito' iwu' Sises nusauro'ai'ne' ipi' esi'pu miri tumiri pun pi' ri nin.

²² Miripan nin si e'ma'sa'kasa' a'tai teriku tupo, ipoitoru ton enu ya' iyee'pu miri, seri ta'pu iya ru'pu, miripan kon uya pena iye'menukasa' ru'pu itekare apuri'pu, miri awonsi'ki Sises maimu ru'pu.

²³ Sises esi koro'tau Surusiran po, To' Epoi Iti'pu Weyu Ru'pu kupu to' uya a'tai, tu'kan kon uya ri apuri'pu, eke Papa tarawasooi ti'tuto' ipikiri kupu iya ene tauya'nokon pi'. ²⁴ E'tane Sises uya to' apuri'pu pen, apune para miri waraino kon tukai' to' i'tu tauya wenai. ²⁵ Inu' uya ri ipana'tito' para iyese ka'pon amu' pi', apune para to' ewan ni i'tu iya wenai.

3

Sises Uya Nekutimas Enupa

¹ Moro ka'pon esi'pu Nekutimas itese', Esuweru amu' epuru, Pari'si amu' tonpa pe te'sen. ² Iti'pu ewarupi nau Sises piya', miripan uya ta'pu ipi', "Ina uya i'tu, Rapai,* Papa nennoko'pu pe. Inu' uya ri i'tuto' ipikiri kupu para ri iyese miri maku'ai'ne', Papa para iye'tane tapiroau," ta'pu iya.

³ Entakanoma pe Sises uya ekama'pu, "Tnapairon ekama uya ipi', inu' uya ri Papa e'to' esa' wanni pe ene para ri iyese iyakon ite'kwa pe iyentuka'sa' para te'tane,"† ta'pu iya.

* **3:2** Rapai, Ti'sa ta e'kwa pe; v. 26 yau niri † **3:3** iyakon ite'kwa pe iyentuka'sa' para te'tane; miri pe para, ka' winipai iyentusa' pe niri. Apune, v. 7 kanan enki.

4 “Nai kasa si isemo'kaka'sa' ri ka'pon entukap_u kanan iyakon ite'kwa pe?” tukai' Sises ekama'po'p_u iya. “Iyewonkap_u poken p_ura ri sa'ne iyesi t_usan ewan ya' tentuka'to' pe iyakon ite'kwa pe,” ta'p_u iya.

5 Sises uya eik_u'p_u, “I'napairon ekama uya ipi', in_u' ri epa'ka Papa e'to' esa' wann_i pe ya' p_ura iyesi miri tentusa' a'tai riken, tuna miri awonsi'ki iya'kwar_u ke iyepa'ka. 6 Ka'pon entusa' miri t_upun ke t_usanon wini, e'tane iyentuka'sa' kanan iya'kwar_u yau esi miri iya'kwar_u winon pe ri. 7 Kisewansiukai, “Tanporo iyentukap_u kon kanan miri, ta uya pi' ipi'. 8 A'setun uti miri i'se te'to' awiri ri. Imaimu eta auya, e'tane miri wini iyep_u, miyari iti tukai' i'tu auya p_ura ri iyesi. Miri kasa tanporon kon esi miri iyentusa' kon iya'kwar_u wini,” ta'p_u iya.

9 “Nai kasa si seri esi?” ta'p_u Nekutimas uya miri pi'.

10 Sises uya eik_u'p_u, “Eke sa'ne Esuwer_u am_u' ti'saai imiri ko, miri pe' e'tane seri i'tu auya p_ura iyesi? 11 I'napairon ekama uya ipi', ina usaurok_u seri ina ni'tun_u pi', t_unene'p_u kon ekama ina uya, e'tane ina maimu anan_unpai p_ura in_u' ri esi. 12 Uyapuri auya p_ura iyesi seri non pon pi' ayauro'ka tane uya, nai kasa ken si uyapuri auya Ep_un pon pi' ayauro'ka uya yau?

13 “Miripan, in_u' ri kanan enu'sa' p_ura iyesi Ep_un pona, Ka'pon, Papa winon niken Ep_un winon. 14 Mosi' uya karukuri ka'sa' ik_ui pe i'm_u'sa'ka'p_u yai pi' rimono' tau kasa ri mari, Ka'pon, Papa

winon i'mu'sa'kato' pe iyesei, ¹⁵ tanporon kon si apurinin nan uya tiwiri ri uko'man nito' epoto' pe.

¹⁶ “Ipan pe seri non pon kon i'nanka tuuya wenai, Papa uya tikin nan kuru tamu taru'pu tanporo apurinin nan pe te'san uma'ta namai', e'tane tiwiri ri uko'man nito' epoto' pe to' uya.

¹⁷ Papa uya tamu enno'sa' para iyesei seri non pon kon eseru aimenkanin pe, e'tane to' epika'tito' pe iporo. ¹⁸ Inu' ri imu apurinin eseru aimenka pen, apurinin pen eseru aimenkaka'sa' ri nin miri, apune para tikin nan kuru ri Papa Mumu apurisa' iya kasa para.

¹⁹ “Seri kasa si Papa uya eseru aimenka miri: Iweyu uye'sa' non pona, e'tane ka'pon amu' uya ewarupi i'nanka iweyu entai, iri pe teseru kon esi ke. ²⁰ Tanporon kon iri kupu pi' te'san uya iweyu ewaruma'ti. Iweyu winikui' to' uyepu para iyesei, teseru kon usenpoika namai'. ²¹ E'tane kuri ri i'napairon ku'nin uyepu iweyu ya', waku teseru usento' pe Papa eseru awiri,” ta'pu Sises uya.‡

Isaan Pa'tes Usauroku Sises Pi'

²² Seri ton tu'po, tu'poitoru ton pokon pe Sises uti'pu Isutiya pona. Miri yau iko'mamu'pu epa'taisiman nito' kupu pi'.

²³ Isaan niri esi'pu pa'taisiman pi' Inon yau, Sarin piyau, apune para eke pe tuna esi pi' miri yau. Ka'pon amu' utipitu'pu ipiya' inke ri epa'taisimai'. ²⁴ (Seri esi'pu miri Isaan taru rawiri pariki'si ta'.)

3:14 Nonpa 21:9; Ipu'ketu 16:5-7 ‡ **3:21** Imaimu ru'pu u'matu v. 15 airon ite'ma airi. **3:24** Ma'siu 14:3; Ma' 6:17; Uru' 3:19-20

25 Miri a'tai, e'sei'pi'nito' esi'pu Isaan poitoru ton miri awonsi'ki Esuweru§ pokon pe ekorukan nito' pi'. 26 To' uyee'pu Isaan piya', ta'pu to' uya ipi', "Rapai, kuri ri ipiyau ne'taine' Isotan ratoi po mekamataine', kuri ri si man epa'taisiman nito' kupu pi', tanporon kon ka'pon amu' uyepu ipiya'," ta'pu to' uya.

27 Isaan uya to' maimu eiku'pu, "Iri ri eporo ka'pon uya puira iyese, Epu wini riken tarepasa' a'tai eporo iya pe iyese. 28 Imiri'nokon uya eta'pu, 'Kurai* pen uri; iwapiya enno'sa' pe esi,' ta'pu uya.

29 "Temari'masen uri'san esi miri temari'masen warawo' iwano' pe ri. E'tane si ti, temari'masen warawo' tonpa esi ipiyau imaimu eta pi', miripan esi pori' pe imaimu eta tuuya a'tai. Miri kasa si pori' pe e'to' e'seposa' seri, mararon pe puira. 30 Eke pe iyena, aiko pe ena tane.

31 "Kuri ri ka'tapai tuuye'sen esi miri tanporon kon entai ri; kuri ri non winon esi miri non pon pe ri, miri awonsi'ki non pi' niri isauroku. Kuri ri ka'tapai tuuye'sen esi tanporon kon entai.

32 Tunene'pu, miri awonsi'ki tuneta'pu ekama iya, e'tane inu' uya ri imaimu apuri puira iyese. 33 Inu' ri i'napai ri imaimu anamu pi' na'ne', i'napai ri Papa esi tukai' ekama iya miri. 34 Kuri ri Papa nenoko'pu usauroku Papa maimu pi', Papa uya eke pe ta'kwaru taru ipona tupu'ku ke puira. 35 Ikuipanu uya tamu i'nanka, tanporon ni niri tusa' iya itena'.

36 Kuri imu apurito' esa' pe na'ne' uya tiwiri ri

§ 3:25 Esuweru; miri pe puira, Esuweru amu'. * 3:28 Kurai (Kiri' maimu), miri pe puira Me'saya (Ipuru maimu), Papa Nanamu'pu ta e'kwa pe. 3:28 Isaan 1:20 3:35 Ma'siu 11:27; Uru' 10:22

uko'man nito' eporo, e'tane imu apurinin pen uya uko'man nito' ento' oton pen, apune p̄ra Papa uya kota'man nito' uko'mam̄ ipo,"† ta'p̄a iya.

4

Sises Uya Sameriya Pon Uri'san Auro'ka

¹ Pari'si am̄' uya eta'p̄a Sises uya tu'ke kuru t̄poitor̄a ton eporo miri awonsi'ki to' pa'taisimapit̄a iya Isaan entai kuru tawon. ² Sises uya kuru in̄' r̄i pa'taisimasa' p̄ra r̄i iye'tane, ipoitor̄a ton uya r̄iken ni nin ti. ³ Sises uya miri tawon etasa' a'tai, iyenna'po'p̄a Isutiya poi Kiyarari pona.

⁴ Sameriya poro itito' e'ma esi'p̄a. ⁵ Iyee'p̄a pata pona Sameriya pon Si'kar̄a itese', innon kuru pen ni non Seko' nat̄ar̄a'p̄a t̄amu Iose' ena' piyapai. ⁶ Miri yau, Seko' tuna'kwaai yen esi'p̄a, Sises nin si useta'kasa' t̄auti ke r̄i, ereuta'p̄a miri tuna yen piyau. 12 a'k̄ara' pata esi'p̄a.

⁷ Sameriya pon uri'san uyee'p̄a tuna kan, miripan pi', "Ūyuku tuna int̄aki," ta'p̄a Sises uya. ⁸ (Ipoitor̄a ton uti'p̄a esi'p̄a pata pona kiyari ennai'.)

⁹ Miripan eiku'p̄a iya, "Esuwer̄a pon sa'ne imiri ko; uri esi Sameriya pon pe. Nai kasa mairi uyekama'po auya iuku pi'?" ta'p̄a iya ipi'. (Esuwer̄a am̄' esi'p̄a isip̄asaw̄a pokon kon pe p̄ra. *)

† **3:36** Imaimu r̄a'p̄a u'ma'to' pe nesii 30 airon ite'ma airi. **4:5** Iseneses 33:19; Isa'suwa 24:32 **4:9** Es̄ra 4:1-6; Ne'imaya 4:1-2

* **4:9** isip̄asaw̄a pokon kon pe p̄ra; miri pe p̄ra, isitonpa pe p̄ra to' usi'tupi'p̄it̄a'p̄a.

10 Sises uya eiku'pɛ, "I'tunin pe iwesi yau Papa e'repato' ike miri awonsi'ki inɛ' uya iyekama'po tukai', mekama'poi'no, miripan uya iwo'pa'pɛ ne-sii'no to'panɛ'nin tuna ke," ta'pɛ iya.

11 "Itepuru, ipo'ki'tii para iyese; i'nau ya'mu tuna yen esi. Nai yawon to'panɛ'nin tuna eporo auya?
12 Utamokori kon Seko' uya repan nɛ'pɛ ike seri tuna yen, kɛri ri, imunki amɛ' miri awonsi'ki itikan non ni uya tuna ensipitɛ'pɛ iyapai. Kɛri ri entai kuru ri kati eke pe iwesi?" ta'pɛ iya.

13 Sises uya eiku'pɛ, "Inɛ' ri seri tuna ensinin nɛ'pɛ e'tuna'kiripakapɛ kanan miri, 14 e'tane inɛ' ri tɛwo'pa'pɛ uya ensinin nɛ'pɛ e'tuna'kiripa pen ni nin miri. Tuna iwo'pa'pɛ uya ike ena i'napaino ri i'tuna'kwaai pe ri, miripan uya to'panɛ'nin tuna ke irepa, iko'manto' ike ke tiwiri ri," ta'pɛ iya.

15 "Itepuru, uwo'paka'ki ken si miri tuna ke, tuna'kiri' ke esi namai', miri enta' tuna kan ni uyepɛ namai'," ta'pɛ iya.

16 "Ataan'pɛ iki'mata iuye'kapɛ pa kanan seri ya," ta'pɛ Sises uya.

17 "Tɛtaan'pɛ kenan pen uri," ta'pɛ uri'san uya ipi'.

Sises uya eiku'pɛ, "Ipoken ni ausaurokɛ, Tɛtaan'pɛ kenan pen uri,' ta auya a'tai. 18 5 kaisaron kon ya' iyemari'mapi'sa'† man, kɛri ri kanan si ipiyau me'ai'ne' ataan'pɛ kuru pen ni kanan. I'napairi ri iusekayasa' miri," ta'pɛ Sises uya.

19 "Itepuru, pu'kena' pe kinyi'tuyai'.
20 Utamokori kon ipɛremapitɛ'pɛ seri wɛ' po,

† 4:18 iyemari'mapi'sa'; miri pe para, iyewipi'sa'

e'tane si seri pe imiri'nokon Esuweru amu' uya Surusiran kuru miri Papa pi' ipureman pata ta auya'nokon," ta'pu iya.

²¹ Sises uya ta'pu ipi', "Uyapuriki uri'san, iweyu uye'ni pi' man ikupunu pi' ka'pon amu' ipuremato' oton pen seri wu' po miri pe para Surusiran po ri. ²² Imiri'nokon Sameriya pon kon uya i'tu para ri iyese iwipuremato' kon ipi'; e'tane ina ipurema tuni'tunu kon pi', apune para epika'tin nito' uye'pu Esuweru amu' wini. ²³ E'tane iweyu uye'pu, iye'ka'sa' ri, i'napai ri tuwipuremasan ipuremato' oton ikupunu pi', a'kwaru yau miri awonsi'ki i'napairon yau. Pusamoro waraino kon tupa' tuwipuremasan warinpa ikupunu uya miri. ²⁴ Papa esi a'kwaru pe; kamoro ipi' tuwipuremasan ipuremato' pe iyese a'kwaru yau miri awonsi'ki i'napairon yau," ta'pu iya.

²⁵ Uri'san uya ta'pu ipi', "Si'tuyai', Me'saya" (Kurai† tato') "uye'to' oton. Iye'sa' a'tai, tanporon ni ekamato' iya oton miri upi'nokon," ta'pu iya.

²⁶ Sises uya eiku'pu, "Kari ri ri uri, kari ri ri usauro'ni pi' na'ne' ipokon pe," ta'pu iya.

²⁷ Miri a'tai ri, Sises poitoru ton enna'posa' uyee'pu, miripan kon usewansiuka'pu ipan pe ri, uri'san pokon pe isauroku tepose. E'tane inu' uya ri, "I'ri i'se iwesi pi' auro'ka auya?" ta'pu pen ni ipi', miri pe para, "I'rito' pe ipokon pe ausauroku?" ta'pu to' uya pen ni Sises pi'.

²⁸ Miripan uri'san uya tu'tuna'kwaai yen nimi'pu, iyenna'po'pu pata pona, miripan uya

† 4:25 Kurai (Kiri' maimu yau), miri pe para Me'saya (Ipuru maimu yau), asa'ri ri mari iyese, Papa Nanamunu ta e'kwa pe; v. 29 kanan.

ka'pon amũ' pi' ta'pũ miri yau, ²⁹ “Ka'pon entanũ'ti tanporon ni unku'pitu'pũ ekamasa' iya upi'. Kũrai pe pe' si pũse ri esi seri?” ta'pũ iya. ³⁰ Miripan kon uti'pũ pata apai Sises piya'.

³¹ Miri koro'tau, ipoitorũ ton uya Sises pi', “Rapai, § enta'naki,” ta'pũ.

³² E'tane to' eikũ'pũ iya, “Ui'kiyari esi miri moro ini'tunũ kon pen ni,” ta'pũ iya.

³³ Miripan pi' ipoitorũ ton usekama'popitu'pũ, “Inũ' uya ri pe' iti'kiyari nee'pũ pe iyesei?” tukai'.

³⁴ “Ui'kiyari esi, uyenko'nin nũ'pũ maimu awiri e'to' pe iyesei, miri awonsi'ki iturawasooi i'ma'kato' uya pe iyesei intarũ'pũ iku'to' pe uya. ³⁵ Tato' sa'ne ko, ‘Asakiri'ne riken kapũ e'ku'ka'sa' kiyari akũ'pũ rawiri.’ Ta uya ipi'nokon, apũne wakũ pe umi amũ' enpi'ti'. Kiyari akũ'pũka'sa', tanansen pe iyenaka'sa'. ³⁶ Ka'pon, anũmũ pi' te'sen e'ma miri, miripan uya kiyari amũranakũ tiwiri ri uko'man nito' ya'. Miripan nin si, kũri ri ipinnin nũ'pũ miri awonsi'ki anũnnin nũ'pũ epori'mato' pe isi'kaisa ri. ³⁷ I'napairi ri main esi miri, ‘Tikin nan uya ipimi; tũron ni uya anũmũ, tawon. ³⁸ Iyenko'sa' uya 'nokon kiyari akũ'pũsa' anũnse'na, umi iye'turawasoma'pũ kon pen ni yawon ya'. Tũron kon e'turawasoma'pũ miri yau, miripan kon turawasooi otori'pi nin si eporo auya'nokon,” ta'pũ Sises uya.

Tu'kan Kon Sameriya Pon Kon Uya Apuri

³⁹ Tu'kan kon ni Sameriya pon kon miri pata yawon kon uya Sises apuri'pũ, apũne pũra uri'san uya, “Tanporon ni unku'pitu'pũ ekamasa' iya upi',”

§ 4:31 Rapai, Ti'sa ta e'kwa pe

tasa' pi'. ⁴⁰ Miripan nin si, Sameriya pon kon uye'sa' a'tai nin si ipiya', to' uya ekama'po'pɔ̃ ipan pe tɔ̃piyau'nokon iko'manto' pe; miri yau, Sises uko'mamu'pɔ̃ asa'ri wɔ̃i to' piyau. ⁴¹ Tu'kan kon uya ri nin si apuri'pɔ̃ miri imaimu etasa' tɔ̃uyau'nokon pi'.

⁴² Miripan kon uya ta'pɔ̃ uri'san pi', "Ina si n-puriyan, tasa' auya pi' riken pen, e'tane tiwano' kon pe ri etasa' tɔ̃uyau'nokon pi', ina uya si i'tu i'napai ri kuru ri pata pika'tinin pe iyesei," ta'pɔ̃ to' uya.

Sises Uya Kin Poitorɔ̃ Pe Te'sen Mu Epi'ti

⁴³ Asa'ri wɔ̃i ennoko tɔ̃po miri yau, miri tɔ̃nɔ̃se Sises uti'pɔ̃ Kiyarari pona. ⁴⁴ (Sises uya ri, "Pu'kena' namanin pɔ̃n ni ipata'se' yau," tasa' esi'pɔ̃.) ⁴⁵ Kiyarari pona itisa' a'tai, miri yawon kon ka'pon amɔ̃ uya wakɔ̃ pe kuru ereutanɔ̃kɔ̃pɔ̃, apɔ̃ne pɔ̃ra itisa' kon nɔ̃'san pe to' esi'pɔ̃ To' Epoi Iti'pɔ̃ Weyu Ru'pɔ̃ pi' Surusiran pona, miripan kon uya tanporon ni inkupɔ̃nɔ̃ ensa' esi'pɔ̃ miri a'tai.

⁴⁶ Seri riken pe Sises uya Kena, Kiyarari airon ka'kɔ̃ranpa'pɔ̃, tuna koneka'pɔ̃ tɔ̃uyau yau waain pe. Miri yau, ka'pon, kin poitorɔ̃ pe te'sen esi'pɔ̃, takuru'kenan imu Ka'paneyan po. ⁴⁷ Pɔ̃se ri ka'pon uya Sises uye'sa' Isutiya poi Kiyarari pona ta etasa' a'tai, iti'pɔ̃ ipiya' ekama'poi' itito' pe Ka'paneyan pona tɔ̃mu epi'ti', teri'ka'sen ni.

⁴⁸ Sises uya, "Inɔ̃ uya apuri pɔ̃ra ri iyesei eke Papa tɔ̃rawasooi i'tuto' ipikiri miri

awonsi'ki a'kwarupɪ'nin niken e'kupɔ a'tai apuri auya'nokon," ta'pɔ.

⁴⁹ Kin poitorɔ uya, "Itepuru, uya'kiri utɪnpai umɔre erikɔ rawiri," ta'pɔ ipi'.

⁵⁰ Sises uya, "Enta, ɪmu ri uto'pamɔ miri," ta'pɔ ipi'.

Sises maimu tapurii' iti'pɔ. ⁵¹ Ite'matai tɔuye'se, itekare ke ipoitorɔ ton uya eporo'pɔ. "ɪmu uto'pan ni pi' ri man!" ta'pɔ to' uya. ⁵² To' ekama'po'pɔ iya, i'ri a'kɔra' kuru tɔmu uto'pamɔ'pɔ tukai', miripan kon uya, "Ko'mamiyau, 1 a'kɔra' ko'mamɔ pe iye'kii'mato' ereuta'pɔ," ta'pɔ to' uya ipi'.

⁵³ Ikuipɔnɔ uya i'tu'pɔ miri a'kɔra' kuru ri Sises uya, "ɪmu ri uto'pamɔ miri," ta'pɔ rɔ'pɔ. Miri pi' kɔri ri miri awonsi'ki tanporo itonpa ton ena'pɔ apurinin nan pe.

⁵⁴ Seri seri iyakon ite'kwa pe eke Papa tɔrawasooi ti'tuto' ipikiri kupɔ'pɔ Sises uya tɔuyepɔ tɔpo Isutiya poi Kiyarari pona.

5

Epi'tin Iku'pi Mɔre'pɔ Kau

¹ Miri tɔpo, Esuwerɔ amɔ' enta'nato' weyu pi' Sises uti'pɔ Surusiran pona. ² Moro iyesi Surusiran po karimeru mɔra'ta airi, iku'pi mɔre'pɔ 5 kaisaron enkurun nito' itau ton esa'; Ipuru amɔ' maimu yau Pe'sata tato' ipi'. ³ Anpisin ton kuru ri takuru'kena' nan ipirinpi'sa' esi'pɔ miri tau'ne, tenku'na' nan, sekentei'pa' nan ipu'tika'sa' kon ni. (Tuna e'tukai'tukai'ma enupikiri to' enurikɔ, ⁴ apɔne pɔra isipikiri Papa inserɔi u'ti iku'pi mɔre'pɔ ka', miripan uya tuna sokousokouma.

Takuru'kenan si wapiya tautisen iku'pi mare'pu ka' iyesokousokouma'pu tapo usepi'tipitu'pu ti'tui'pura ri te paran kon pe te'sen apai.)* ⁵ Miri yau si ka'pon esi'pu miri takuru'ke iko'mansa' 38 kaisa ri wapiya. ⁶ Sises uya iyipirinkasa' ene'pu miri yau, i'tu'pu iya inke ri takuru'ke iko'mansa', miripan uya, "Isepi'tipai pe' me'an?" ta'pu ipi'.

⁷ Takuru'kenan uya eiku'pu, "Itepuru, inu'pura ri iyese seri yau utanin iku'pi ka' tuna e'sokousokouma a'tai, iti i'se ru'kwu e'tane ika', taron ni utikapu uwapiya," ta'pu iya.

⁸ Sises uya, "E'mu'sa'ka', ayapon tananse enta!" ta'pu ipi'. ⁹ Miri a'tai ri isepi'ti'pu; tapon tananse iti'pu. Seri e'kupu'pu miri Sapa' a'tai.

¹⁰ Miri pi' Esuweru amu' epuru ton uya, "Sapa' seri; waku pe pura iyese Main, Mosi' winon pona ayapon ari pi' me'ai'ne'," ta'pu to' uya ipi'.

¹¹ To' eiku'pu iya, "Kuri uyepi'tinin nu'pu uya, 'Ayapon tananse enta, tasa' upi'," ta'pu iya to' pi'.

¹² To' uya ekama'po'pu, "Inu' pe si kuri ri esi, 'Ayapon tananse enta, tawon ipi'?" ta'pu to' uya ipi'. ¹³ E'tane kuri ri isepi'tisa' ru'pu uya i'tu pura iyese'pu inu' pe iyese tukai', apune pura anpisin pe miri yau to' esi'pu, miripan kon koro'tawiri Sises uti'pu esi'pu.

¹⁴ Miri pata'pu pe, Sises uya eporo'pu use'man nito', ipureman nito' iwu' tau, miripan uya ta'pu ipi', "Apune enki, waku pe si iyenasa' miri. Amakooi inonkaki, isi kuru ri e'kupu namai' ipi' inonka auya pura iyese yau," ta'pu iya ipi'.

* **5:4** Taron ni ton esi 3b miri awonsi'ki 4 airon ite'ma ton pura.
5:10 Ne'imaya 13:19; Iseremaya 17:21

¹⁵ Miripan uti'pɛ Esuwerɛ amɛ' epuru ton pana'tii' Sises uya kenɛ' tepi'tisa' ka'se'na.

¹⁶ Seri wenai, Sises ewa'noma pi' to' e'sara'ti'pɛ, apɛne pɛra usepi'tin ku'sa' iya pi' Sapa' a'tai. ¹⁷ Sises uya to' eiku'pɛ, “Ukuipɛnɛ esi te'tarawasomasen inke ri; uri niri e'tarawasomato' pe iyesi,” ta'pɛ iya. ¹⁸ Seri tawon uya ri Esuwerɛ amɛ' epuru ton kupɛ'pɛ miyari ri inwipai; Main niken Sapa' pi' enupanin i'kwisa' iya pen, e'tane Papa esi tukuipɛnɛ pe kuru tasa' iya pi', seri wini si Papa kaisari ri iye'ku'sa' pi'.

Imu Meruntirɛ

¹⁹ Miri pi' Sises uya to' eiku'pɛ, “Tnapairon ekama uya ipi'nokon: tiwano' pe i'ri ri kupɛ imu uya pen, tukuipɛnɛ nukuipɛnɛ riken ensa' tɛuya kupɛ iya, apɛne pɛra i'ri ri kupɛ ikuipɛnɛ uya a'tai, imu uya ri niri ikupɛ. ²⁰ Ikuipɛnɛ uya imu i'nanka, miripan uya tanporon ni tankuipɛnɛ enpoika itena'. Seri entaino kuru ri enpoika iya miri iku'to' pe iya, miri uya iyewansiukato' oton kon. ²¹ Ikuipɛnɛ iyeri'sa' kon i'mɛ'sa'kayai'ne' nurine to' ku'ai'ne' kasa ri mari, imu uya nurine ri to' e'to' pe to' kupɛ, i'se te'to' ton ni kupɛ iya nurine. ²² Miri riken pe pɛra, inɛ' ri eseru aimenka ikuipɛnɛ uya pen. Tɛmu ena' eseru aimenkato' ike nonkasa' iya, ²³ tanporon kon uya tɛmu namato' pe ikuipɛnɛ nama tɛuya'nokon kasa ri mari. Inɛ' uya ri imu nama pɛra iyesi yau, ikuipɛnɛ nama iya pɛra ri mari iyesi miri enno'nin nɛ'pɛ.

²⁴ “Tnapairon ekama uya ipi'nokon: Inɛ' uya ri umaimu eta a'tai, miri awonsi'ki uyenno'nin

nɔ'pɛ apuri a'tai, kɛri ri uya tiwiri uko'man nito' eposa' miri. Iteseru aimenkato' oton pen ni, iye'kwiri'ka'sa' pe ri iyese uma'tan nito' apai uko'man nito' ya'.

²⁵ “I'napairon ekama uya ipi'nokon: Iweyu uye'ni pi' man, iye'ka'sa' ri, iyeri'sa' kon uya Papa Mumu maimu eta weyu, kamoro nin si etanin nan uko'manto' oton. ²⁶ Ikuipɛnɛ esi na'ne' kasa uko'man nito' esa' pe, miri kasa ri mari tamu konekasa' iya uko'man nito' esa' pe. ²⁷ Miri awonsi'ki tamu repasa' iya eseru aimenka meruntiru ke, apɛne para Ka'pon, Papa winon pe iyese pi'.

²⁸ “Seri pi' kisewansiukatɛ; iweyu uye'ni pi' man tanporon kon iyeri'sa' kon uruwai' yawon kon uya imaimu eta weyu, ²⁹ miripan kon epa'kato' oton tɛuruwasii kon apai: kamoro wakɛ ku'nin nɛ'san e'mɛ'sa'kato' oton tɛuko'manto' kon pe, miri awonsi'ki kamoro iri ku'nin nɛ'san e'mɛ'sa'kato' oton teno'mato' kon ya'.

Sises Eseru Ekama

³⁰ “Uiwano' pe i'ri ri kupɛ uya para iyese. Ka'pon eseru aimenka uya Papa uya uyauro'kasa' awiri. Miri wenai iye'to' awiri ka'pon eseru aimenka uya, apɛne para i'se e'to' kupɛ uya kasa para, e'tane kɛri uyennon'nin nɛ'pɛ e'to' i'se riken.

³¹ “Uri pe ri uyeseru ekama uya a'tai, unekamanɛ esi tapurisen pe para ri. ³² Miri yau, tɛron ni esi uyekamanin i'napai ri uyekama iya tukai' i'tu uya. ³³ Isaan piya' amaimu kon esanon ennoko'pɛ auya'nokon, miripan uya i'napairon enpoika'pɛ.

34 Ka'pon uya uyekama i'se e'tane p̄ra ri, e'tane seri ta uya ip̄i'nokon iyepika'tisa' pe iwesi kon pa.

35 Isaan esi'p̄ra raan'pu tepo'tisen pata weyu pe kasa, miripan weyu yau e'pai iwesi'p̄ra kon aka'ne' pe ri.

36 “E'tane upiyau uiwano' pe ri usekamato' esi Isaan uya ekama'p̄ra na'ne' entaino. T̄rawaso unkuṗ̄ra i'ma'kato' pe uya uk̄ip̄ra n̄t̄ar̄p̄ra, miri ton uya ri ekama ik̄ip̄ra uya uyenno'sa' tukai'. 37 Ik̄ip̄ra uyenno'nin n̄p̄ra usauro'sa' upi', imaimu etasa' auya'nokon p̄ra iyesi, itemu' niri ensa' auya'nokon p̄ra ri niri iyesi.

38 Imaimu ko'man̄k̄a auya'nokon p̄ra niri iyesi iyewan kon yau, ap̄ne p̄ra inennoko'p̄ra apuri auya'nokon p̄ra iyesi ke. 39 Iye'menukasa' itekare pi' iusenupa kon;† tiwiri uko'man nito' esi iyau tukai' iusenuminka kon pi', upi' ri si t̄usauro'sen. 40 E'tane ri, upiya' isi'pai p̄ra iwesi kon iuko'manto' kon epose'na.

41 “Ka'pon am̄u' uya ri uyapuripi'to' i'se esi pen. 42 E'tane ii'tu uya 'nokon Papa i'n̄ankato' auya'nokon p̄ra iyesi iyewan kon yau.

43 “Uk̄ip̄ra ese' yau uye'sa' e'tane uyereutan̄sa' auya'nokon p̄ra iyesi. E'tane t̄aron ni uye'sa' a'tai tese' yau, k̄ari ri ereutan̄k̄a auya'nokon miri. 44 I'ri tukai' apuri auya'nokon itonpa kon wini ayapuripi'to' kon eponin nan pe esii'ma, e'tane i'ri ri kup̄ra auya'nokon p̄ra iyesi ayapuripi'to' kon eporo kon pa tikin nan ni Papa wini t̄aye'sen?

5:37 Ma'siu 3:17; Ma' 1:11; Ɔru' 3:22 † 5:39 iusenupa kon; miri pe p̄ra, iusenupati' wak̄a pe

45 “Kisenuminkatuu uri uya ikuipunu ena' iyaseru'ti kon tukai', Mosi' riken kuri ri iyaseru'tinin kon, kuri ri anapuri'pu kon. 46 Mosi' apurisa' auya'nokon pe iyesei yau, uyapurisa' auya'nokon niri nesii'no, apune para uri pi' imenukasa' iya. 47 E'tane inmenuka'pu apuri auya'nokon para iyesei pi', i'ri tukai' umaimu apuri auya'nokon?” ta'pu iya.

6

5,000 Kaisaron Kon Eweku Sises Uya (Ma'siu 14:13-21; Ma' 6:30-44; Uru' 9:10-17)

1 Seru pata'pu pe, Sises enna'po'pu parau ku'puri Kiyarari (parau ku'puri Taipiriyas tato' ri mari) ratoi pona. 2 Anpin uya kuru ri e'ma'puka'pu, apune para ti'tuto' ipikiri ku'sa' iya pi' takuru'kena' nan pi'. 3 Sises enuku'pu i'kuru pona, miripan ereuta'pu tapoitoru ton pokon pe. 4 To' Epoi Iti'pu Weyu Ru'pu, Esuweru amu' nukupunu e'seporo esi'pu.

5 Sises uya tenu tusa' a'tai, anpin pe kuru ri ka'pon amu' uye'pu ene'pu iya tekare pi', ta'pu iya Piri' pi', “Nai yau pareti enna pasamoro ka'pon amu' ni'ton?” ta'pu iya. 6 (Seru ta'pu iya Piri' i'tupitu pe ri; tukupunu pe te'sen i'tukapu'ma ri.) 7 Piri' uya eiku'pu, “8 kaisaron kapu yau e'tarawasoman nisa' epe'pu* uya eke pe kiyari enna para ri iyesei miri to' nonpa ton nu'kwi ri mara ri,” ta'pu iya.

* **6:7** 8 kaisaron kapu yau e'tarawasoman nisa' epe'pu; miri pe para, 200 kaisaron para pun. Tikin ni miri para pun esi'pu tikin ni wai e'tarawasoman nisa' epe'pu, tenariyas itese'.

⁸ Ipoitoru ton tonpa pe te'sen, Anturu, Saiman Pi'ta akon uya ta'pu ipi', ⁹ "Miri yau warawo' mure man, 5 kaisa ri paretu miri awonsi'ki asa'ron kon aiko ton moro' amu' esi ipiyau. Miri e'tane i'ri pu'ku pona iti tu'kan kon eweku pi'?" ta'pu iya.

¹⁰ "Ka'pon amu' ereutato' pe iku'ti'," ta'pu Sises uya. (Miri yau, wana' e'kwa pe pata esi'pu.) 5,000 kaisaron kon ka'pon amu' ereutapitu'pu. ¹¹ Sises uya paretu anumu'pu, miri awonsi'ki tenki ta'pu iya, miri awonsi'ki itapitu'pu iya iyereutasa' kon ka'pon amu' ena'. Miri kasa ri mari moro' amu' kupu'pu iya.

¹² To' a'wetapi'sa' a'tai, Sises uya ta'pu tupoitoru ton pi', "Ipu'ku ru'pu ton amuranu'ti, itonpa'pu uma'ta namai'," ta'pu iya. ¹³ Miri, to' uta're'ti'pu tonpa'pu amuranaku'pu to' uya 12 kaisa ri pa'siki'ti amu' tupe' ke'ne.

¹⁴ Miri a'tai, ka'pon amu' seri eke Papa tarawasooi i'tuto' ipikiri e'kupu ennin nu'san uya ta'pu, "Inapai ri kuru ri pu'se ri esi Pu'kena'† tuuye'ton ta'pu ipi' pe," ta'pu to' uya. ¹⁵ Sises uya to' uya tanumu tumiri ta'kwarakai' kin pe, tukai' i'tusa' a'tai, iti'pu tikin sari i'kuru pona.

Sises Usari Tuna Puro'po

(Ma'siu 14:22-33; Ma' 6:45-52)

¹⁶ Pata uko'mansa' a'tai, ipoitoru ton uti'pu para- rau ku'piri ka', ¹⁷ miripan kon ekanwa'tisa' uti'pu para- rau ku'piri ratoi pona Ka'paneyan winikai'. Pata ewarumankaa'pu, Sises uye'sa' para ri mari iye'tane to' piya'. ¹⁸ Pana' pe a'setun uyee'pu isi pe sipa'sipa pe tuna tuku'se. ¹⁹ Ipoitoru ton utika'sa'

† 6:14 Pu'kena': Arune Isaan 1:21 enki.

esi'pua kanau yau 3 mayiru, 4 mayiru e'to' airi ri, miri a'tai Sises uyepua ene'pua to' uya tuna para'po. A'ko pe kanau piya' iyepua a'tai, to' etaipitu'pua. ²⁰ E'tane, “Ketui'pitu'u; uri ri,” ta'pua Sises uya to' pi'. ²¹ Miri a'tai, to' uya ikanwa'ti'pua kanau ya, miripan kon uya pata tautito' kon ya'eporo'pua inke para ri.

Ka'pon Amua' Uya Sises Warinpa

²² Miri ema'sa' yau, anpisin ton parau ku'piri ratoi po iye'ninsa' kon uya tikin nan niken kanau uti'pua i'tu'pua. To' uya i'tu'pua Sises uti para iyepua kanau yau tupoitorua ton a'kiri, ipokon pe para to' uti'pua. ²³ Turon ni ton kanau amua' uyee'pua Taipiriyas winipai'ne, miripan e'tekapitu'pua a'ko pe ka'pon amua' anpisin ton uya paretu'pua airi, Sises uya tenki ta tupo. ²⁴ Sises miri pe para ipoitorua ton ene tuuya'nokon kasa para, ka'pon amua' anpisin ton ekanwa'tipi'sa' kanau ton ya' uti'pua Ka'panyan pona, iwarinpa pi'.

Sises Uko'man Nito' A're'

²⁵ Ka'pon amua' uya Sises eposa' a'tai parau ku'piri ratoi po, ta'pua to' uya ipi', “Rapai,‡ i'ri a'tai seri ya' iyee'pua?” ta'pua to' uya.

²⁶ Sises uya to' eiku'pua, “Tnapairon ekama uya ipi'nokon; uwarinpa auya'nokon, apune para eke pe ri paretu'pua auya'nokon pi' i'se iwe'to' kon awiri ri, ui'tuto' ipikiri ku'sa' uya to'ka'nu'sa' auya'nokon pi' pen ni. ²⁷ Aka'nero' ri kiyari pi' ke'tarawasomatuu; e'tarawasomati' tiwiri ri iuko'manto' kon pe iku'nin kon kiyari pi'. Seri kiyari ke Ka'pon, Papa winon uya irepa kon miri.

‡ 6:25 Rapai, Ti'sa ta e'kwa pe

Papa, ikupunū uya enpoikasa' iyena'nokon uri piyau merunti esi," ta'pū Sises uya.

²⁸ Miripan kon uya ekama'po'pū, "I'ri kuru ken kupū ina uya, Papa turawasooi kupū pe ta auya?" ta'pū to' uya.

²⁹ Sises uya to' eiku'pū, "Se seri Papa turawasooi ikupū auya'nokon i'se iye'to'; inennoko'pū apuriti'," ta'pū iya.

³⁰ To' uya eiku'pū, "I'ri eke Papa turawasooi ii'tuto' ipikiri kupū auya ina nenton, ina uya ayapurito' pe? I'ri kupū auya?" ³¹ Utamokori kon uya mana tato' i'pitu'pū rimono' tau, itekare iye'menukasa' nekamayai'ne', 'To' ni'ton pūreti ke to' repapitu'pū iya Epūn poi,' tukai'," S ta'pū to' uya.

³² "I'napairon ekama uya ipi'nokon; Mosi' uya irepa'pū kon na'ne' ike esi'pū Epūn poino pen ni; ukupunū nin kūrī ri i'napairon Epūn poino pūreti ke irepanin kon. ³³ Pūreti, Papa nuturunū nin kūrī ri Epūn poi iu'tisa' pata repanin uko'man nito' ke," ta'pū Sises uya.

³⁴ "Itepuru, tiwiri ri ken si seri pūreti ke ina irepapi'ki," ta'pū to' uya ipi'.

³⁵ "Uri ri esi uko'man nito' a're' pe; kūrī upiya' nūye'ai'ne' e'to' oton pen ni iwan pe; kūrī uya-puri pi' na'ne' e'to' oton pen ni tuna'kiri' ke.

³⁶ Sekamai ko ipi'nokon; uyenka'sa' auya'nokon e'tane uyapuri auya'nokon pen ni. ³⁷ Tanporon kon ukupunū urepayai'ne' ike ton uyepū miri upiya'; inū' ri upiya' tūye'sen nurunpa uya pūra ri iyesi, ³⁸ apūne pūra uye'sa' seri Epūn poi

6:27 Saira' 24:19-22 **§ 6:31** E'sotas 16:4-15; Eren 78:24; Ipu'ketū 16:20-21.

uyenno'nin nᵘ'pᵘ eseru ku'se'na, uyeseru ku'se'na pen. ³⁹ Kᵘrᵘi uyenno'nin nᵘ'pᵘ esi se kupᵘ uya i'se; kamo urepa'pᵘ iya ike ton nonka uya i'se pᵘra iyese, e'tane tanporo to' i'mᵘ'sa'kato' pe uya pata weyu u'ma'sa' a'tai. ⁴⁰ Ukᵘipᵘnᵘ eseru esi tanporon kon imu ennin nᵘ'san miri awonsi'ki apurᵘnin nᵘ'san uya tiwiri ri uko'man nito' epoto' pe; to' i'mᵘ'sa'kato' pe uya pata weyu u'ma'sa' a'tai," ta'pᵘ iya.

⁴¹ Esuwerᵘ amᵘ' e'sara'ti'pᵘ ipi' entarun ni pi', apᵘne pᵘra, "Uri kᵘrᵘi ri pᵘreti Epᵘn poi iu'tisa'," ta iya pi'. ⁴² Miripan kon uya, "Sises sa'ne pᵘse ri ko, Ilose' mu, pen pe'? Ikᵘipᵘnᵘ miri awonsi'ki isan uni'tunᵘ kon. Nai kasa, 'Epᵘn poi u'tisa',' ta iya nin si?" ta'pᵘ to' uya.

⁴³ Sises uya to' eiku'pᵘ, "Iyentarunto' kon e'paka'nᵘ'ti'. ⁴⁴ Inᵘ' ri iyepᵘ pᵘra iyese miri upiya' ikᵘipᵘnᵘ, uyenno'nin nᵘ'pᵘ uya riken iki'ma a'tai upiya' iyepᵘ ri; miripan i'mᵘ'sa'kato' uya oton pata weyu u'ma'sa' a'tai. ⁴⁵ Pu'kena' amᵘ' uya imenukasa', 'Tanporon kon ni ka'pon amᵘ' enupato' oton Papa uya,' tawon.* Miri pi', tanporon kon ikᵘipᵘnᵘ maimu etanin nan miri awonsi'ki iwini tᵘusenupasan uyepᵘ upiya'. ⁴⁶ Seri uya, inᵘ' uya ri ikᵘipᵘnᵘ ene'pᵘ ta pen; kᵘrᵘi Papa winon uya riken ikᵘipᵘnᵘ ene'pᵘ. ⁴⁷ I'napairon ekama uya ipi'nokon; kᵘrᵘi apuripi' na'ne' uya tiwiri ri uko'man nito' eposa'. ⁴⁸ Uko'man nito' a're' pᵘreti pe esi. ⁴⁹ Atamokori kon amᵘ' uya mana tato' i'pitu'pᵘ rimono' tau, e'tane to' eri'pitu'pᵘ. ⁵⁰ E'tane seri nin si pᵘreti Epᵘn poi iu'tisa'; inᵘ' ri

* **6:45** Aisaya 54:13

i'nin nã'pũ erikũ pen ni nin. ⁵¹ To'panũ'nin pãreti pe esi, Epũn poi iu'tisa'. Inũ' uya ri seri pãreti i'sa' yau, iko'manto' oton ni tiwiri ri. Pãreti seri upun, untuton pata uya uko'man nito' epoto' pe," ta'pũ iya.

⁵² Seri uya isi pe Esuwerũ amũ' e'sei'pitu tiwano' kon pe sara'ti'pũ. "Nai kasa tũpun ke uya're'ti iya 'nokon?" ta'pũ to' uya.

⁵³ Sises uya to' eikũ'pũ, "T'napairon ekama uya ipi'nokon; Ka'pon, Papa winon pun pi' auta're'tisa' kon pãra iyesei yau, imãnũ ri ensisa' auya'nokon pãra iyesei yau, uko'man nito' pãra ri iyesei miri ayau'nokon. ⁵⁴ Inũ' ri upun pi' tãuta're'tisen, umãnũ ensinini uya tiwiri ri uko'man nito' eposa' miri, miripan i'mũ'sa'kato' uya oton pata weyu u'ma'sa' a'tai. ⁵⁵ Upun esi pi' i'napairon kuru kiyari pe, umãnũ niri i'napairon tensisen pe. ⁵⁶ Upun pi' tãuta're'tisen ni, umãnũ ensinini ni uko'mamũ miri uyau, iyau niri uko'mamũ. ⁵⁷ Tũuko'mansen ikũipũnũ uya uyeno'sa', kũri ri uriya' uko'mamũ ri mari. Miri kasa ri, upi' tãuta're'tisen uko'mamũ miri uri uriya'. ⁵⁸ Se si esi pãreti Epũn poi iu'tisa'. Iku tũpo atamokori kon amũ' erikũ'pũ na'ne' waraino pen. Kũri seri i'nin uko'manto' oton tiwiri ri," ta'pũ Sises uya. ⁵⁹ Sises uya seri ta'pũ Esuwerũ amũ' usenupato' iwũ' tau to' enupa tũuya a'tai Ka'paneyan po.

Tu'kan Kon Iya'kiron Kon Uya Sises Nimi

⁶⁰ Seri etasa' tũuya'nokon a'tai, tu'kan kon ipoitorũ ton uya, "Sa'man pe kuru se usenupan nito' man. Inũ' uya ri seri anũmũ?" ta'pũ.

61 Inu' uya tɔpana'tii' pɔra ri, Sises uya tɔpoitoru ton entarumu seri pi' i'tusa' esi'pu, miripan uya ta'pu to' pi', "E'nonkapai na'ki seri iku'atuu?

62 I'ri pe iyesi Ka'pon, Papa winon enuku ene auya'nokon a'tai wapiya tesi'pu ya'? 63 Papa A'kwaru uya uko'man nito' taru; se pe ri nin ka'pon meruntiru esi miri. Main ton ayauro'kasa' uya 'nokon na'ne' ike esi, a'kwaru wannu miri awonsi'ki uko'man nito' ku'nin. 64 Miri e'tane moro man itonpa kon amu' apurinin nan pen," ta'pu iya. Sises uya i'tusa' esi'pu iyepiya'ti'pu si'kiri, apurinin nan pen miri awonsi'ki teparanka ton. 65 Miripan uya ta'pu, "Seri pi' sa'ne si kanyauro'kata'tui ko: inu' ri uyepu pɔra iyesi upiya' ikauranu uya riken iye'ku'to' pe iku'sa' a'tai iyepu," ta'pu iya.

66 Miri wui awonsi'ki, tu'kan kon ni ipikiri tautisan enna'po'pu, iya'kiri to' uti pɔra.

67 Miripan pi' Sises uya ta'pu 12 kaisaron kon tɔpoitoru ton pi', "Imiri'nokon si, e'nonkapai ri mari na'ki me'atuu?" ta'pu iya to' pi'.

68 Saiman Pi'ta uya eiku'pu, "Uyepuru, inu' piya' niri ina uti? Ipiyau sa'ne Main esi miri ko, tiwiri ri uko'man nito' pe ku'nin. 69 Ina uya i'tu miri awonsi'ki ina uya apuri imiri esi Waku, Papa iwano'," ta'pu iya.

70 Sises uya eiku'pu, "12 kaisaron kon pe' imiri'nokon anunnin nu'pu pen uri? Miri e'tane, itonpa kon esi makoi pe!" ta'pu iya. 71 (Isutas pi' isauroku'pu, Saiman Eskariya' mu pi'. 12 kaisaron

kon tonpa pe ri esii'ma, Isutas uya teparankato' oton pi'.)

7

Sises Uti Surusiran Pona

¹ Miri tupo, Sises esi'p_u upinin ni pi' Kiyarari awiri. Isutiya pona itipai p_ura iyesi'p_u, ap_une p_ura Esuwer_u am_u' epuru ton esi pi' t_uwini i'se miri yau.

² T_uusiwat_untipi'se Esuwer_u am_u' n_ukup_un_u weyu e'seporo esi'p_u. ³ Miri pi' si, iyakon non uya ta'p_u Sises pi', "Seri t_uninse, Isutiya pona enta, ipoit_uron ton uya eke Papa t_urawasooi kup_u auya ento' pe.

⁴ In_u' uya ri t_unkup_un_u t_ut_urawasooi onam_u p_ura ri iyesi miri ti'tu i'se e'ni yau. Seri ton am_u' kup_u auya pi', tiwi tanporon pata ii'tui'," ta'p_u to' uya.

⁵ Iyakon non uya ri niri apuri p_ura iyesi'p_u.

⁶ Sises uya ta'p_u to' pi', "Uweyu pe kuru te'sen e'seposa' p_ura iyesi. Iweyu kon nin esi miri ti'tui' p_ura ri. ⁷ Pata uya iyewaruma'ti kon p_ura iyesi, e'tane uyewaruma'ti iya, ap_une p_ura iri pe iyaseru man ta uya pi' t_upi'.

⁸ Entanti' t_uku'sen ya'. Miri ya' nin uti p_ura man,* ap_une p_ura uweyu pe kuru te'sen e'seposa' p_ura iyesi pi'," ta'p_u iya to' pi'.

⁹ Seri ta tupo, Kiyarari po iye'nimi'p_u.

Sises T_uusiwat_untipi'se T_uku'sen Yau

¹⁰ Takon non uti'p_u t_uku'sen ya' tupo, Sises ri niri si utikaa'p_u, e'tane ama'ai ri nin iti'p_u, eke pe ti'tui' pen. ¹¹ Esuwer_u am_u' epuru ton uya iwarinpa esi'p_u t_uku'sen yau. "Nai k_uri si?" ta'p_u to' uya.

7:2 Ripaiti'kas 23:34; Isu'taronomi 16:13

* 7:8 Uti p_ura man; miri pe p_ura, uti p_ura man seri a'tai.

12 Mi awiri ri anpisin koro'tawiri etarerun ni pi' to' esi'pu ipi'. “Waku kuru sa'ne,” ta'pu taron kon ka'pon amu' uya.

“Kane,” ta'pu taron kon uya, “Ka'pon amu' ri enku'ti iya,” ta'pu to' uya. 13 E'tane eke pe annau to' usauroku'pu pen ipi', apune para Esuweru amu' epuru ton pi' tenari'namu kon pi'.

14 To' nukupanu e'nonkaku iwa koro'tau ri, Sises ewomu'pu Esuweru amu' use'mato', ipremato' iwu' ta', miripan e'sara'ti'pu to' enupa pi'. 15 Esuweru amu' epuru ton usewansiuka'pu ipan pe ri, miripan kon uya ta'pu, “Nai kasa pu se ri uya eke pe ri i'tu, uri'nokon kasa enupasa' kasa ri?” ta'pu to' uya.

16 Sises uya to' eiku'pu, “Iyenupto' kon uya ike esi uwinon pen ni, e'tane Papa, uyenno'nin nu'pu wini iyepu. 17 Inu' ri Papa e'to' i'se inku'pai na'ne' uya i'tuto' oton kinyenupayatui'ne' esi Papa winon pe miri pe para uiwano' pe ri tukai'. 18 Ka'pon tiwano' pe ri nusauro'ai'ne' esi tapurito' ipikiri ri i'se, kari tenno'nin nu'pu apurito' ipikiri i'se te'sen esi miri, usenku'tin ipi' pen ni. 19 Mosi' uya Main ke irepa'pu kon, pen ni kati? E'tane tikin nan ni iyawiron para ri iyesi. I'ri wenai uwipai iwesi kon?” ta'pu iya.

20 Ka'pon amu' anpisin ton uya eiku'pu, “Ene ri esi miri ayau! Inu' nai iwini i'se?” ta'pu to' uya.

21 Sises uya to' eiku'pu, “Tikin ni eke Papa tarawasooi kupu'pu uya, miripan pi' usewansiuka'pu kon. 22 Mosi' uya ayapiyonti'pu kon imunki kon yun pi'pi puturukapitu kon pa (Mosi' pen ni e'tane atamokori kon amu' uya isara'ti'pu), Sapa' a'tai si warawo' mare yun pi'pi

puturuka auya'nokon. ²³ Warawo' mare yun pi'pi si puturuka yau Sapa' a'tai, Mosi' maimu si e'kwitua namai', i'ri pi' ken si upi' ausakorota kon ka'pon epi'tisa' uya pi' Sapa' a'tai? ²⁴ Kipo'po ri ka'pon eseru aimenkato' auya'nokon ereutanu'ti', i'nairon yai eseru aimenkato' iku'ti'," ta'pu iya.

Sises Pe' Esi Kurai Pe?

²⁵ Miri a'tai, taron kon ka'pon amu' Surusiran pon kon usekama'po'pu, "Puse ri pen pe' iwini i'se to' na'ne"? ²⁶ Apune enti', iye'nama para ri annau isauroku, inu' uya i'ri ta para ri ipi'. Pata epuru ton uya pe', Kurai† ri ta pe iyesi ipi'? ²⁷ E'tane sa'ne, Kurai uye'sa' a'tai, inu' uya ri miri winon tukai' i'tuto' para ri nin iyesi. E'tane i'tu'nokon miri winon pe tukai'," ta'pu to' uya.

²⁸ Esuweru amu' use'mato', iparemato' iwu' tau ka'pon amu' enupai'ma eke pe tumaimu tuku'se Sises uya, "Ui'tu auya'nokon kuru ri si, miri winon tukai' kuru ri niri. E'tane sa'ne uiwano' pe uye'sa' pen, e'tane ri uyanno'nin nu'pu esi ikasima auya'nokon pokena' pen ni. Inituna kon pen ni, ²⁹ e'tane unituna, apune para iwinon pe esi, miri awonsi'ki inennoko'pu pe esi," ta'pu iya.

³⁰ Miripan a'si i'se to' esi'pu, miri e'tane inu' uya ri a'pi'pitu'pu pen ni, apune para iweyu e'seposa' para ri mari iyesi'pu. ³¹ E'tane tu'kan kon anpin tonpa ton uya ri apuri'pu, miripan kon uya, "Kurai uye'sa' a'tai, puse ri nuku'ai'ne' entai kuru niri ken pe' eke Papa tarawasoi ti'tuto' ipikiri ku'to' iya oton?" ta'pu to' uya.

7:22 Iseneses 17:10; Ripaiti'kas 12:3 **7:23** Isaan 5:9 † **7:26** Kurai; miri pe para, Me'saya; v. 27, 31, 41, miri awonsi'ki 42 yau ri niri.

Erasu Ton Ennoko'pɥ Sises A'sise'na

³² Pari'si amɥ uya seri ton pi' ka'pon amɥ etarerumɥ eta'pɥ, miripan kon uya use'man nito' tɥrawasomanin nan epuru ton miri awonsi'ki Pari'si amɥ uya use'man nito', ipɥreman nito' iwɥ erasu ton ennoko'pɥ Sises a'sise'na. ³³ Sises uya ta'pɥ, “Ipɥyau'nokon esi seri mara ru'kwɥ pari, miri awonsi'ki nin si uti miri uyennonin nɥ'pɥ piya'. ³⁴ Uwarinpatō' auya'nokon oton e'tane uyepoto' auya'nokon oton pen, apɥne pɥra iyau e'ai'ne' ya' iuti kon pɥra iyesi,” ta'pɥ iya.

³⁵ Esuwerɥ amɥ epuru ton usekama'po'pɥ tɥtonpa kon amɥ pokon pe esii'ma, “Nai ya' mairi iti eporo poken pɥra? Kiri' amɥ pata'se' airi kati iti Esuwerɥ amɥ na'ne' airi, Kiri' amɥ enupai'? ³⁶ ‘Uwarinpatō' auya'nokon oton e'tane uyepoto' auya'nokon oton pen,’ miri awonsi'ki, ‘Iyau e'ai'ne' ya' iuti kon pɥra iyesi,’ ta iya pi' sa'ne. I'ri ta iya e'kwa pe iyesi?’ ta'pɥ to' uya.

To'panɥ'nin Tuna

³⁷ Tɥku'sen weyu u'matɥ esi'pɥ ipan pe, eke pe kuru te'sen pe. Miri wɥi a'tai, Sises e'soto'kasa' uya ta'pɥ eke pe tɥmaimu tɥku'se, “Inɥ ri tuna'kiri' ke te'sen nɥyerɥi upiya' tɥyuku epose. ³⁸ Inɥ uya ri uyapuri pe iyesi a'tai, iye'menukasa' itekare nɥkayai'ne' kasa ri, ‘Tɥnapaino ri to'panɥ'nin tuna epa'ka miri iyapai,’ ” ta'pɥ iya. ³⁹ Seri ta'pɥ Sises uya miri, A'kwarɥ pi' kamoro tapurinin nan pe te'san nepoton pi'. Miri a'tai, A'kwarɥ e'tɥsa' pɥra

ri mari iyesi'pɛ, apɛne pɛra Sises enasa' pɛra iyesi'pɛ tapuripi'to' ya'.

Ka'pon Amɛ' Epantakapitɛ'pɛ

⁴⁰ Tu'kan kon ka'pon amɛ' anpisin koro'tawon kon uya seri ta iya eta'pɛ, miripan kon uya, “Pɛseri ri esi seri Pu'kena' pe,”[‡] ta'pɛ to' uya.

⁴¹ Tɛron kon uya, “Kɛrai pɛse ri,” ta'pɛ.

Miri e'tane tɛron kon uya, “Kɛrai uye'to' pɛra ri iyesi Kiyarari winipai. ⁴² Iye'menukasa' itekare uya ta, Kɛrai e'to' pe iyesi kin Tepi' pa rɛ'pɛ pe, Pe'teri'en po iyentu, Tepi' uko'mamɛ'pɛ rɛ'pɛ yau,” ta'pɛ to' uya. ⁴³ Miri pi' si ka'pon amɛ' epan-takapitɛ'pɛ kɛri ri uriya'. ⁴⁴ Tɛron kon esi'pɛ a'si i'se, e'tane inɛ' uya ri temiyatɛ tɛrɛ'pɛ pen ipi'.

Apurinin Nan Pen Esuwerɛ Amɛ' Epuru Ton

⁴⁵ Erasɛ ton enna'po'pɛ use'man nitɔ' tɛrawasomanin nan epuru ton miri awonsi'ki Pari'si amɛ' piya', miripan kon uya ta'pɛ to' pi', “I'ri pi' tɛne'se pɛra iwesi'pɛ kon?” ta'pɛ to' uya.

⁴⁶ Miri pi' erasɛ ton uya, “Inɛ' ri usaurokɛ pɛra iyesi pɛse ri kasa,” ta'pɛ to' uya.

⁴⁷ “Iyenku'tisa' iya 'nokon kanan na'ki?” ta'pɛ Pari'si amɛ' uya to' pi'. ⁴⁸ “Itepuru tonpa ton ni miri pe pɛra Pari'si amɛ' tonpa ton ni uya pe' apuri tukai' mi'tuyatɛu? ⁴⁹ Pɛsamoro uya main, Mosi' winon i'tu pɛra iyesi miri; miri wenai, Papa nɛpa'nukɛ'san pe to' esi miri,” ta'pɛ to' uya.

⁵⁰ Nekutimas esi'pɛ to' tonpa pe, wapiya ewarupi nau itisa' rɛ'pɛ Sises piya', ⁵¹ miripan

[‡] **7:40** Pu'kena': apɛne Isaan 1:21 enki. **7:42** 2 Sanwerɛ 7:12; Mai'ka 5:2 **7:50** Isaan 3:1-2

uya, “Main uya, ‘Ka’pon pi’ iri ta p̄ra iyesi eta t̄po p̄ra ri miri awonsi’ki inkup̄p̄ eposa’ pen ni e’tane,’ tasa’,” ta’p̄ iya.

⁵² “Kiyarari pon ni mari pe’ imiri? Iye’menukasa’ itekare pi’ isenupa’; miri a’tai, i’tu auya miri Pu’kena’ uye’to’ p̄ra ri iyesi Kiyarari wini,” ta’p̄ to’ uya.

[Wapiyaro’ iwa ton miri awonsi’ki en yawo’nan penaro’ ton pari yau Isaan 7:53–8:11 p̄ra iyesi.]

⁵³ Miri a’tai, tanporon kon utunta’p̄.

8

Uri’san Iyekuma Koro’tau Eposa’

¹ E’tane Sises uti’p̄ Are’ W̄p̄ pona. ² Miri ema’sa’ yau awanak̄i’ iyenna’po’p̄ Esuwer̄ am̄ use’mato’, ip̄remato’ iw̄ p̄’k̄ ta’. Anpisin pe ka’pon am̄ am̄ra’p̄ iwoi, miripan ereuta’p̄ to’ enupase’na. ³ Main pi’ enupanin nan miri awonsi’ki Pari’si am̄ uya uri’san nee’p̄, iyekuma koro’tau t̄neporo’p̄ kon, miripan soto’ka’p̄ to’ uya tu’kan kon annau, ⁴ miripan kon uya ta’p̄ Sises pi’, “Ti’sa, p̄se ri uri’san eposa’ ina uya eku-man pi’. ⁵ Main yau Mosi’ uya ina pi’ tasa’ kamoro waraino kon uri’sami’si am̄ t̄w̄isan ti’ ke, tasa’ iya. I’ri ken mukayan?” ta’p̄ to’ uya. ⁶ Seri tukai’ to’ uya ekama’po’p̄ t̄musunu kon pe eseru’tito’ t̄uya’nokon ipikiri pe.

E’tane Sises e’timuika’p̄, miripan e’sara’ti’p̄ non menuka pi’ temiyat̄ ke. ⁷ Tekama’popit̄ pi’ ri to’ e’tane, iye’m̄sa’kasa’ uya ta’p̄ to’ pi’, “In̄ ri i’koro’tawon kon esi yau imakooi p̄ra, tiw̄i si

asara'ti' nokon ti' ke iwini pi'," ta'pu iya. ⁸ Miripan e'timuikakaa'pu kanan non menukai'.

⁹ Miri pi', kamoro etanin nu'san e'sara'ti'pu utipi' ni pi' tikin pa'ne, kiyi' amu' wapiya, Sises riken tnonkai', uri'san niken si e'soto'kasa' miri yau pokon pe. ¹⁰ Sises e'mu'sa'ka'pu, miripan uya ekama'po'pu, "Ma'non, nai kamo si? Inu' uya iri ta uya uya iyeno'masa' para ri?" ta'pu iya.

¹¹ "Itepu, inu' para ri man," ta'pu iya.

"Uri uya ri niri si iri ta pe iyeno'mato' para man. Enta si, makoi yau iuko'manto' tnonkai'," ta'pu iya.*

Sises Pata Weyu

¹² Ka'pon amu' auro'kaka'pu tauya a'tai kanan, Sises uya ta'pu, "Pata weyu pe esi. Inu' ri upikiri tauye'sen uya, uko'man nito' weyu eporo miri, miri awonsi'ki ewarupi yau isato' oton pen ni," ta'pu iya.

¹³ Pari'si amu' uya ta'pu ipi', "Miri si iiwano' pe iusekama, makayai'ne' esi miri i'napai ri para ri," ta'pu to' uya.

¹⁴ Sises uya to' eiku'pu, "Uiwano' pe ri si usekama pe iyese yau, ukayai'ne' nin si esi i'napai ri, apune para iwini uye'sa' ru'pu miri awonsi'ki utito' ya' i'tu uya. E'tane nai wini uye'sa', nai ya' uti tukai' i'tu auya'nokon para iyese. ¹⁵ Ka'pon pe kuru ri eseru aimenka auya'nokon; inu' eseru aimenka

8:7 Susana 34 * **8:11** Tu'kan ni imenukapi'sa' miri awonsi'ki pena iwa main enpoikapi'sa' yau seri ton para iyese; taron ni ton yau iyese Isaan 21:24 pikiri; taron ni ton yau iyese Uru' 21:38 pikiri; tikin nan ni imenukasa' yau iyese Isaan 7:36 pikiri. **8:12** Ipu'ketu 7:26; Ma'siu 5:14; Isaan 9:5 **8:13** Isaan 5:31

uya p̄ra nin man. ¹⁶ E'tane in̄' r̄i eseru aimenka uya pe iyesi yau, iyaw̄r̄i kuru iku'sa' uya miri, ap̄ne p̄ra tikin sar̄i esi kasa p̄ra, ik̄ip̄n̄, uyenn̄o'nin n̄'p̄ pokon pe esi. ¹⁷ Iiwano' kon ni Main, Mosi' winon yau iye'menukasa', asa'ron kon ka'pon am̄' uya ekama a'tai i'napai r̄i iyesi tasa'. ¹⁸ Uiwano' pe r̄i si usekama, t̄aron ni uyekamanin kanan esi ik̄ip̄n̄, uyenn̄o'nin n̄'p̄,” ta'p̄ iya.

¹⁹ Miri a'tai, to' uya ekama'po'p̄, “Nai k̄ari ken si ik̄ip̄n̄?” ta'p̄ to' uya.

“Ui'tu auya'nokon p̄ra iyesi, uk̄ip̄n̄ r̄i n̄r̄i i'tu auya'nokon p̄ra iyesi. Ui'tu auya'nokon yau, uk̄ip̄n̄ r̄i n̄r̄i mi'tut̄i'no,” tukai' to' eik̄'p̄ iya. ²⁰ Ser̄i ta pi' Sises esi'p̄ to' enupai'ma Esuwer̄ am̄' use'mato', ip̄remato' iw̄' p̄'k̄ tau, to' use'mato' en ton pata piyau iwa esii'ma. E'tane in̄' uya a'si'p̄ pen ni, ap̄ne p̄ra iweyu e'seposa' p̄ra iyesi pi'.

Iuti Kon P̄ra Iyesi Ut̄iyai'ne' Ya'

²¹ Sises uya kanan takaa'p̄ to' pi', “Ut̄ito' oton miri. Uwarinpat̄o' auya'nokon oton, e'tane amakooi kon yau r̄i auma'tato' oton kon. Iuti kon p̄ra iyesi ut̄iyai'ne' ya',” ta'p̄ iya.

²² Ser̄i uya Esuwer̄ am̄' usekama'po emapu'ti'p̄, “Tiwano' pe pe' iye'w̄ini? Miri pi' pe', 'Iuti kon p̄ra iyesi ut̄iyai'ne' ya', ta iya?” ta'p̄ to' uya.

²³ E'tane miyar̄i r̄i ta'p̄ iya, “Iyo'non winon pe iw̄esi kon, itepoino winon pe e'tane. Ser̄i non pon kon pe iw̄esi kon, ser̄i non pon pe p̄ra e'tane.

²⁴ Auma'tato' oton kon amakooi kon yau ta'p̄ uya,

kuri ri uri, ukayai'ne'† apuri auya'nokon para iyesi yau, auma'ta kon kuru ri amakooi kon yau,” ta'pu iya.

²⁵ “Inu' pe ken iwesi?” ta'pu to' uya ipi'.

“Misi'kiri ri sa'ne kuri ri ukayai'ne' ri,” tukai' Sises uya to' eiku'pu. ²⁶ “Eke pe ri tato' uya man iyaseru kon aimenka pe. E'tane uyenno'nin nu'pu kuru esi i'napairon pe; kuri ri wini uneta'pu nin ekama uya non pon kon pi',” ta'pu iya.

²⁷ To' uya ito'ka'nuku para iyesi'pu tukupunu pi' tauro'ka tane iya 'nokon. ²⁸ Miripan pi' Sises uya ta'pu, “Ka'pon, Papa winon, anansa' auya'nokon a'tai ka'takai', miri a'tai ui'tuto' auya'nokon oton inu' pe esi tukai', miri awonsi'ki i'ri ri kupu uya para iyesi uiwano' pe, e'tane ikupunu uya riken uyenu'pa'pu pi' usauroku. ²⁹ Uyeno'nin nu'pu ri pokon pe esi; tikin sari unonkasa' iya pen, apune para ipori'manin ku'nin pe esi ke,” ta'pu iya. ³⁰ Isauro'tane ri mari, tu'kan kon uya ri apurito' tauya'nokon taru'pu ipi'.

Epura'an Munki Amu'

³¹ Esuweru amu' tapurinin nan pi' ta'pu Sises uya, “Iyenu'pato' kon uya pi' auta'sisa' kon yau, upoitoru ton pe kuru ri iwesi kon miri. ³² Miri a'tai i'napairon i'tuto' auya'nokon oton, miripan uya imo'kasa' pe ikupu kon miri,” ta'pu iya.

³³ To' uya eiku'pu, “Ina kamoro Epura'an payan ton; inu' ri enawon kon ye' pen ni. Nai kasa

† 8:24 Kuri ri uri, ukayai'ne'; miri pe para, Kuri ri uri Esuweru amu' pona, ipan kuru waku' Papa ese' pe “Yawe” esi'pu; tenpoikasen pe “Uri” tukai'. Isaan namenuka'pu itekare yau, “Uri” tawon apuripitu'pu Sises uya kuri ri pe tesi ekamanin pe.

imo'kasa' pe iwe'to' oton kon ta auya?" ta'pɥ to' uya.

³⁴ Sises uya to' eiku'pɥ, "I'napairon ekama uya ipi'nokon; tanporon kon nɥmakoitayai'ne' nan esi makoi poitorɥ ton pe. ³⁵ Ipoitorɥ pe te'sen esi miri tɥtonpa ton koro'tawon pen ni, e'tane imu riken esi miri, miri yawon tiwiro' e' pe ri. ³⁶ Imu uya imo'kasa' kon pe iyesi yau, imo'kasa' pe kuru ri iwesi kon miri. ³⁷ Epɥra'an payan pe iwesi kon tukai' si'tuyai', miri ri e'tane uwini pi' iye'kamasa' kon, apɥne pɥra umaimu pata pɥra ri iwesi kon wenai ayau'nokon. ³⁸ I'napairon ekama uya ipi'nokon; unene'pɥ ikɥipɥnɥ piyau; ikɥipɥnɥ kon wini ineta'pɥ kon kupɥ auya'nokon ni niri miri," † ta'pɥ iya.

³⁹ "Epɥra'an kɥri ri ina kɥipɥnɥ," tukai' to' uya eiku'pɥ.

"Epɥra'an munki pe ri rɥ'san pe iwesi kon yau, inkupɥ'pɥ mɥku'tɥi'no. § ⁴⁰ Na'ne' ri si, uwini pi' iye'kupɥ kon, ka'pon sa'ne i'napairon ekamanin ni ipi'nokon tɥneta'pɥ Papa winon. Epɥra'an uya mɥku'atɥi'ne' waraino ku'sa' pɥra ri iyesi. ⁴¹ Ikɥipɥnɥ kon nakupɥnɥ ri nin kupɥ auya'nokon miri," ta'pɥ iya.

"Pɥrau amɥ' ton pen ni ina, Papa riken kɥri ri ina kɥipɥnɥ," ta'pɥ to' uya.

Makoi Munki Ton

8:33 Ma'siu 3:9; Ƴru' 3:8 † **8:38** ikɥipɥnɥ kon wini ineta'pɥ kon kupɥ auya'nokon ni niri miri; miri pe pɥra, miri pe iyesi pi' ikɥipɥnɥ wini ineta'pɥ kon iku'ti'. Apɥne v. 58 enki niri. § **8:39** Epɥra'an munki pe ri rɥ'san pe iwesi kon yau, inkupɥ'pɥ mɥku'tɥi'no; miri pe pɥra, Epɥra'an munki pe iwesi kon yau, inkupɥ'pɥ iku'ti'.

⁴² Sises uya ta'pɔ to' pi', "Papa esi yau ikuipɔnɔ kon pe, ui'nɔnkɔtɔi'no, Papa winipai uye'sa' pi' serɔ ya'. Uiwano' pe uye'sa' pen, e'tane uyeno'sa' iya. ⁴³ I'ri pe iyese pi' sa'man pe ri umaimu esi ipona'nokon? Umaimu inetapai pɔra iwesi kon pi' iyese. ⁴⁴ Ikuipɔnɔ kon, Makoi munki pe iwesi kon, ikuipɔnɔ kon maimu awiri e'pai iwesi kon. Te'wisen ye' kari ri iyepiya'ti'pɔ si'kiri ri, tɔuta'sisen pen ni i'napairon pi', i'napairon ye' pe pɔra tesi pi'. Kasi pe iyese a'tai, teseru pe ri te'sen kupɔ iya miri, kasi ye' pe tesi pi' miri awonsi'ki kasi ye' ton kuipɔnɔ pe tesi pi'. ⁴⁵ I'napairon ekama tane uya, uyapuri auya'nokon pɔra iyese. ⁴⁶ Inɔ' ri uya tɔmakooi ke ui'tu? I'napai ri usauroku pe iyese yau, i'ri pe iyese pi' uyapuripai pɔra iwesi kon? ⁴⁷ Papa iwano' uya ri, Papa maimu eta miri. Eta auya'nokon pɔra iyese, apɔne pɔra Papa iwano' pe pɔra iwesi kon pi'," ta'pɔ iya.

Sises Usekama'pɔ

⁴⁸ Esuwerɔ amɔ' uya eiku'pɔ, "Ina uya pe' ta pɔn Sameriya pon pe iwesi, iri a'kwarɔ yen pe?" ta'pɔ to' uya.

⁴⁹ "Iri a'kwarɔ yen pen ni uri," ta'pɔ Sises uya, "ukuipɔnɔ nama uya, e'tane unama auya'nokon pɔra iyese. ⁵⁰ Uyapuripi'to' warinpa uya pen, e'tane moro iyese miri iwarinpanin; kari ri kari ri eseru aimenkanin. ⁵¹ I'napairon ekama uya ipi'nokon; umaimu awiron esi yau, iyeri'to' oton pen ni," ta'pɔ Sises uya.

⁵² Miri pi' Esuwerɔ amɔ' uya, "Seri si ina uya i'tu iri a'kwarɔ yen pe iwesi tukai! Epɔra'an eriku'pɔ,

miri awonsi'ki pu'kena' amu' ri niri eriku'pu, miri e'tane si inu' ri esi yau umaimu awiri iyeri'to' oton pen ni ta auya. ⁵³ Eke pe kuru pe' ina kuirunu Epura'an entai iwesi? Iyeriku'pu, miri awonsi'ki pu'kena' amu' ri niri eriku'pu. Inu' pe kuru iye'kupu?" ta'pu to' uya.

⁵⁴ Sises uya to' eiku'pu, "Uiwano' pe utapuripitu yau, utapuri pe para ri iyesi. Ukuirunu, ina e'to' itese' pi' mukayatui'ne' uya nin uyapuripitu miri. ⁵⁵ I'tu tane auya'nokon para ri, i'tu uya nin. I'tunin pen uri ta uya yau, kasi pe esi, akasa'nokon, e'tane i'tu uya, imaimu awiri niri esi. ⁵⁶ Kuirunu kon, Epura'an esi'pu pori' pe uweyu ento' oton tauya pi'; miripan uya ensa' epori'ma'pu," ta'pu iya.

⁵⁷ "50 kaisa ri para ri iwuiyaa man, miri pe' e'tane Epura'an ene'pu auya?" ta'pu Esuweru amu' uya ipi'.

⁵⁸ "Tnapairon ekama uya ipi'nokon; Epura'an entu rawiri ri, uri esi*!" ta'pu iya to' pi'. ⁵⁹ Miri pi', ti' amuku'pu to' uya ipona eno'mapi'to' pe tauya'nokon, e'tane Sises e'so'namu'pu, iti'pu Esuweru amu' use'mato', ipuremato' nono apai.

9

Tenku'ne Te'sen Ka'pon Epi'ti Sises Uya

¹ Sises usari koro'tau, tentu'pu si'kiri tenku'ne te'sen ka'pon ene'pu iya. ² Ipoitoru ton uya

* **8:58** Uri esi—Esuweru amu' pona, ipan kuru waku Papa ese' pe "Yawe" esi'pu; tenpoikasen pe "Uri" tukai'. Isaan namenuka'pu itekare yau, "Uri" tawon apuripitu'pu Sises uya kari ri pe tesi ekamanin pe. "Uri" miri Papa ese' "Yawe" tato' Esuweru amu' uya, ipan kuru waku Papa ta e'kwa pe. Apune Isaan 6:35; 8:24; 9:5; 10:7, 11; 11:25 enki.

ekama'po'pɥ, “Rapai,* inɥ uya makoi kupɥ'pɥ — pɥse ri ka'pon uya pe', isanon uya kati, tenku'ne iyentu temapu'tii'?” ta'pɥ to' uya.

³ Sises uya to' maimu eikɥ'pɥ, “Pɥse ri ka'pon e'makoimasa' pɥra iyese, isanon niri, e'tane Papa tɥrawasooi usenpoikato' pe iyawiri iye'ku'sa' pe iyese. ⁴ Wɥi nai pata esi koro'tau, uyanno'nin nɥ'pɥ tɥrawasooi ku'pai'nokon. Ewarupi naye'an, inɥ' ri e'tɥrawasoma weyu pen. ⁵ Seri non po esi koro'tau, uri esi non weyu pe,” ta'pɥ iya.

⁶ Seri kasa tɥsaurokɥ'pɥ tɥpo, non pona iyeta'ta'pɥ. Tawa koneka'pɥ iya eta' namanka'pɥ ke, miripan tɥrɥ'pɥ iya ka'pon enu pona. ⁷ Ta'pɥ iya ipi', “Ekumi'ta, Sairon ku'piri ka',” ta'pɥ iya. (Sairon tawon main esi miri Enno'sa' ta e'kwa pe.) Miri a'tai, iti'pɥ, iyekumisi'pɥ, iyee'pɥ ennin pe tenai'.

⁸ Miri a'tai, itonpa ton miri awonsi'ki wapiya tenku'ne ennin nɥ'san uya ta'pɥ, “Pɥse ri pen pe' tereutai' eta'kwanɥn ni pi' nɥko'manpi'taine' pen?” ta'pɥ.

⁹ Tɥron kon uya, “Pɥse ri kuri ri,” ta'pɥ.

Tɥron kon uya, “Kuri ri kasa ri mari isene,” ta'pɥ. E'tane, “Uri ri kuri,” ta'pɥ iya.

¹⁰ Miri a'tai, “Iri tukai' iyenu uta'kokasa'?” ta'pɥ to' uya ipi'.

¹¹ To' maimu eikɥ'pɥ iya, “Sises tukai' tesa'sen uya tawa koneka'pɥ. Miri tɥpo, uyenu pona itɥrɥ'pɥ iya. Ta'pɥ iya upi', ‘Ekumi'ta Sairon ku'piri ka'.’ Uti'pɥ ekumi'se'na, miri tɥpo ene'pɥ uya,” ta'pɥ iya.

* **9:2** Rapai, Ti'sa ta e'kwa pe **9:5** Ma'siu 5:14; Isaan 8:12

12 Miri tupo ta'pɛ to' uya ipi', "Nai kari ken si?"
 "I'tu uya pɛra iyesei," ta'pɛ iya to' pi'.

*Pari'si Amɛ' Uya Tenku'nan Nu'pɛ
 Ekama'popitɛ'pɛ*

13 Tenku'ne iko'mansa' rɛ'pɛ nepɛ'pɛ to' uya
 Pari'si amɛ' piya'. 14 Sapa' a'tai Sises uya tawa
 koneka'pɛ, itenu niri a'koka'pɛ iya esi'pɛ. 15 Miri
 a'tai, Pari'si amɛ' uya kanan ekama'po'pɛ nai kasa
 ennin pe iyenasa' tukai'. Ta'pɛ iya to' pi', "Tawa
 nonka'pɛ iya uyenu pona, ikumisi'pɛ uya, ennin
 pe nin si esi seri," ta'pɛ iya.

16 Miri a'tai, taron kon Pari'si amɛ' uya ta'pɛ,
 "Papa winon pe pɛra pɛse ri ka'pon esi, apɛne pɛra
 Sapa' apuri iya pɛra iyesei," ta'pɛ to' uya.

"I'ri tukai' i'tuto' ipikiri kupɛ tamakooikenan ni
 ka'pon uya?" ta'pɛ taron kon ka'pon amɛ' uya,
 miripan kon epantakapitɛ'pɛ. 17 Tenku'nan pi'
 kanan tera'tii', "I'ri ta auya kari iyenu a'kokanin
 nu'pɛ pi'?" ta'pɛ to' uya.

"Pu'kena' pe iyesei!" ta'pɛ iya to' pi'.

18 E'tane Pari'si amɛ' uya apuri'pɛ pen tenku'ne
 iyesei'pɛ tukai', miripan enasa' ennin pe tukai',
 tenku'nan sanon ki'ma tɛuya'nokon pona ri. 19 To'
 uya to' ekama'po'pɛ, "Pɛse ri pe' esi imɛre kon pe?
 Tenku'ne iyentusa' rɛ'pɛ tato' auya'nokon ipi'? Nai
 kasa ken si ennin pe iyenasa'?" ta'pɛ to' uya.

20 Isanon uya to' maimu eikɛ'pɛ, "Ina uya i'tu
 pɛse ri esi ina mɛre pe, iyentusa' rɛ'pɛ tenku'ne.
 21 E'tane i'ri tukai' ennin pe iyenasa' tukai' ina uya
 i'tu pɛra iyesei. Inu' uya itenu a'kokasa' tukai' niri
 ina uya i'tu pɛra iyesei. Ekama'poti'. Eke pe iyesei;
 tiwano' pe tɛusauro'sen pe iyesei," ta'pɛ to' uya.

22 Seri ta'pɔ isanon uya, apɔne pɔra enari'ke' to' esi'pɔ Esuwerɔ amɔ pi', apɔne pɔra Esuwerɔ amɔ e'ku'sa' esi'pɔ inɔ uya ri Kɔrai† pe Sises esi tukai' ekamasa' a'tai, ipa'kato' pe iyese usenupan nitɔ iwɔ tapai tukai'. 23 Miri wenai, “Eke pe iyese; tiwano' pe tɔusauro'sen pe,” ta'pɔ isanon uya.

24 Iyakon ite'kwa pe tenku'nan nɔ'pɔ ka'pon ki'makaa'pɔ to' uya kanan. Ta'pɔ to' uya ipi', “Papa apuripi'ki;‡ pɔse ri nin i'tu pi' ina man tɔmakooikenan pe,” ta'pɔ to' uya.

25 To' maimu eikɔ'pɔ iya tai'ma, “Tɔmakooi ke iyese, miri pe pɔra imakooi pɔra iyese, i'tu uya pɔra iyese, e'tane tikin nan ni i'tu uya; tenku'ne esi'pɔ, e'tane seri pe ene uya!” ta'pɔ iya.

26 Miri tɔpo kanan to' uya ekama'po'pɔ, “I'ri kupɔ'pɔ iya ipi'? I'ri tukai' iyenu a'koka'pɔ iya?”

27 To' maimu eikɔ'pɔ iya, “Ayau'ro'kakaa'pɔ uya 'nokon, etasa' auya'nokon pɔra iyese. I'ri pe iyese pi' inetapai kanan iwesi kon? Ipoitorɔ ton pe niri pe' e'pai iwesi kon?” ta'pɔ iya.

28 Miri tɔpo to' uya ipa'naku'pɔ, “Imiri esi miri ipoitorɔ pe! Ina nin Mosi' poitorɔ ton,” tai'ma.

29 “Papa uya Mosi' auro'ka'pɔ tukai' ina uya i'tu, e'tane nai wini kɔri ri uye'sa' tukai' ina uya i'tu pɔra iyese,” ta'pɔ to' uya.

30 Ka'pon uya to' maimu eikɔ'pɔ, “I'ri pan si ti'tup'i'sen pen ni! Nai wini iye'sa' tukai' i'tu auya'nokon pɔra iyese, e'tane uyenu ton a'koka'pɔ

† 9:22 Kɔrai (Kiri' maimu yau), miri pe pɔra Me'saya (Ipuru maimu yau), asa'ri ri mari iyese, Papa Nanamɔn ta e'kwa pe.

‡ 9:24 Papa apuripi'ki; miri pe pɔra, Papa pi' Tenki ka'ki. Seri seri e'se'ne' pe ta'pɔ to' uya ru'pɔ ipi' i'napai ri isauro'to' pe. Apɔne Isa'suwa 7:19 enki.

iya. ³¹ Papa uya tumakooikena' nan eta para iyese, tukai' i'tu'nokon, e'tane Papa uya tasa' kasa te'sen, iteseru niri kupu'ima eta iya. ³² Non e'sara'ti'pu si'kiri, isetasa' para iyese inu' uya ri tenku'ne iyentusa' ru'pu enu a'kokasa' tawon. ³³ Papa winon pe para puse ri ka'pon uye'sa' a'tai, i'ri kupu iya pen," ta'pu iya.

³⁴ To' uya imaimu eiku'pu tai'ma ipi', "Makoi yau iyentu'pu! Nai kasa ru'kwu ina enupa i'se iwesi!" ta'pu to' uya. Miri tupo, to' uya enpa'ka'pu usenupan nito' iwu' tapai.

Iya'kwaru Yau Tenku'ne E'ni

³⁵ Sises uya to' uya enpa'ka'pu eta'pu. Eposa' tuuya a'tai, ta'pu iya ipi', "Ka'pon, Papa winon pe' mapuriyan?" ta'pu iya.

³⁶ Imaimu eiku'pu iya, "Itepuru, inu' pe iyese?" tukai', ekama'po'pu iya. "Ekamaki, apurinin pe e'to' pe," ta'pu iya.

³⁷ Sises uya, "Ensa' auya miri; kuru ri ipokon pe masauro'ai'ne'," ta'pu.

³⁸ Ta'pu iya, "Uyepuru, ayapuri uya," tai'ma iyepurema'pu ipi'.

³⁹ Sises uya ta'pu, "Eseru aimenkato' wenai seri non pona uye'sa' kamoro tenku'ne te'san uya ento' pe, miri awonsi'ki kamoro ennin nan enato' pe tenku'ne," ta'pu iya.

⁴⁰ Pari'si amu' iya'kiri te'san kon uya seri ta iya eta'pu. Ta'pu to' uya ipi', "I'ri? Tenku'ne niri ina esi?" ta'pu to' uya.

⁴¹ Sises uya ta'pu to' pi', "Tenku'ne iwesi kon yau, imakooi para iwesi kon, e'tane ennin pe iye'kupu kon pi', amakooi kon yau ri iwesi kon.

10

Karimeru Pa'simanin Miri Awonsi'ki Itikun Non

¹ “T'napai ri ta uya ipi'nokon; kuri ri mura'ta awiri para tewonsen karimeru amu' iwu' ta' e'tane taron ni wini tewonsen esi miri ama' e', rapumanin ni. ² E'tane kuri ri mura'ta awiri tewonsen esi miri karimeru amu' esa' pe. ³ Itena' mura'ta tarawasomanin uya mura'ta a'koka, karimeru amu' uya imaimu eta. To' ese' ton yai karimeru amu' ki'ma iya, miripan kon pa'ka iya. ⁴ Tikun non karimeru amu' pa'kasa' iya a'tai, to' wapiya iti, karimeru amu' uya niri e'ma'puka, imaimu i'tu to' uya wenai. ⁵ Ka'kuran e'ma'puka to' uya para iyesi, e'tane to' apurumu ipiyapai, apune para ka'kuran maimu i'tu to' uya para iyesi.” ⁶ Sises uya seri panton ekama'pu, e'tane to' uya ito'ka'nuku para iyesi'pu i'ri ton pi' isauroku tukai'.

⁷ Miri tapo, Sises uya kanan ta'pu to' pi', “T'napairon ekama uya ipi'nokon; uri esi karimeru amu' mura'taai pe. ⁸ Tanporo kamoro wapiya iye'sa' kon esi ama' e' ton, rapumanin nan pe niri, e'tane karimeru amu' uya to' maimu eta para iyesi'pu. ⁹ Uri esi mura'ta pe, uri poro inu' ri ewomu a'tai, iyepika'ti. Iyewomu, miri awonsi'ki iyepa'ka niri ti'kiyari pata'se' epose'na. ¹⁰ Ama' e' uyepu ama'mase'na riken, miri awonsi'ki iwise'na, miri awonsi'ki ima'tanu'se'na. Uri uye'sa' uko'man nito' epoto' pe to' uya, eke pe kuru niri to' uya epoto' pe.

¹¹ “Uri esi waku karimeru amu' pa'simanin. Waku karimeru pa'simanin pe te'sen uya tuku'manto' nonka karimeru amu' iwano' pe.

¹² E'tane k_{uri} ri te'masen pe iye'to' pe ekama'posa', karimeru am_u' esa' pen, karimeru am_u' esi itik_{un} non pe p_{ura}. Ene kaikusi uyep_u ene iya a'tai, karimeru am_u' n_{imi} iya. Iyain_um_u, ene kaikusi uya to' a'si, karimeru am_u' n_{iri} e't_{ur}u'kwa.

¹³ Ka'pon ain_um_u, ap_une p_{ura} te'masen pe iye'to' pe ekama'posa' pe tesi ke, aiko tawon pe p_{ura} iyesi karimeru am_u' pi'.

¹⁴ “U_{ri} esi wak_u karimeru am_u' pa'simanin. Uik_{un} non karimeru am_u' i'tu uya; to' uya n_{iri} ui'tu— ¹⁵ uk_uip_un_u uya ui'tu na'ne' kasa, m_{iri} kasa uk_uip_un_u i'tu uya—m_{iri} awonsi'ki uko'manto' nonka uya karimeru am_u' iwano' pe. ¹⁶ Moro t_uron kon karimeru am_u' esi m_{iri}, ser_i yau p_{ura} ri mari. Kamoro n_{iri} nep_u uya. To' uya n_{iri} umaimu eta, m_{iri} awonsi'ki tikin ni iten to' esi,* tikin ni n_{iri} to' pa'simanin esi. ¹⁷ Uk_uip_un_u uya ui'n_unka, ap_une p_{ura} uko'manto' nonkasa' uya pi', an_unka'to' pe uya kanan. ¹⁸ In_u' ri uya imo'ka p_{ura} iyesi upiyapai, e'tane ur_i pe ri inonkasa' uya. Inonkato' merunti esi upiyau, an_unka'to' uya ri kanan. Ser_i uyapiyo'mato' eposa' uya uk_uip_un_u wini,” ta'p_u iya.

¹⁹ Ser_i ton main pikiri, Esuwer_u am_u' kanan epantakapitu'p_u. ²⁰ Tu'kan kon uya, “Makoi esi ipiyau, iya'kwar_u p_{ura} iyesi. F'ri pe iyesi pi' imaimu eta auya'nokon?” ta'p_u.

²¹ T_uron kon uya ta'p_u, “Makoi esa' maimu ton pen ni ser_i. Makoi uya pe' tenku'nan enu a'koka poken nai?” ta'p_u to' uya.

10:15 Ma'siu 11:27; F'ru' 10:22 * **10:16** to' esi; m_{iri} pe p_{ura}, to' enato' oton

Esuweru Amu' Apurinin Nan Pen

²² Esuweru amu' use'mato', ipremato' iwu' uta'koka'pu Weyu Ru'pu e'seporo'pu Surusiran po. Ikomi' pe pata esi weyu pe iyese'pu. ²³ Sises usari koro'tau Esuweru amu' use'mato', ipremato' iwu' pu'ku tau, Saraman Epa'kato' Iya' tawiri, ²⁴ miri a'tai, Esuweru amu' uyee'pu iwoi. Ta'pu to' uya ipi', "Iri pu'ku pona ina ko'manuku auya usenu-minkan pi'? Kurai† pe iwesi a'tai, waku pe ina pi' isekamaki," ta'pu to' uya.

²⁵ Sises uya to' maimu eiku'pu, "Ayauro'kaka'pu uya 'nokon, e'tane apuri auya'nokon para iyese. Seri eke turawaso siku'ai'ne' ukipunu ese' yau usauroku uiwano' pe. ²⁶ E'tane apuri auya'nokon para iyese, apune para uikan non karimeru amu' tonpa pe para iwesi kon. ²⁷ Uikan non karimeru amu' uya umaimu eta; to' i'tu uya, to' uya niri uye'ma'puka. ²⁸ Tiwiri ri uko'man nito' ike ke to' repa uya, to' uma'tato' oton pen ni; inu' uya to' mo'kato' oton pen uyemiyatu apai. ²⁹ Ukipunu urepanin nu'pu kamoro ke esi eke pe tanporon kon entai ri.‡ Inu' uya ri to' mo'ka para iyese ukipunu piyapai. ³⁰ Ikipunu ya' tikin ni ina esi," ta'pu iya.

³¹ Miri tupo, Esuweru amu' uya ti' ton amuku'pu iwito' pe tuuya'nokon, ³² e'tane Sises uya ta'pu to' pi', "Ikipunu winon tu'kan ni eke turawaso

10:22 1 Ma'kapis 4:36 † **10:24** Kurai (Kiri' maimu yau), miri pe para Me'saya (Ipiru maimu yau), asa'ri ri mari iyese, Papa Nanamunu ta e'kwa pe. ‡ **10:29** Wapiyaro' ton imenukasa' ton yau Ukipunu narepa'pu ike esi tanporo entaino pe, tawon esi.

enpoika'p_u uya iyena'nokon. Nai wenai kuru ti' ke uwini i'se iwesi kon?" ta'p_u iya.

³³ Esuwer_u am_u' uya imaimu eiku'p_u, "Seri ton wenai ti' ke iwini i'se ina esi pen, e'tane isapema auya wenai. Ka'pon pe ri esii'ma Papa pe iye'kup_u," ta'p_u to' uya.

³⁴ Sises uya to' maimu eiku'p_u, "Iye'menukasa' p_ura pe' nai Main yau, 'Ta uya ipi'nokon papa pe'ne iwesi kon,'S tawon? ³⁵ Papa pe'ne to' esa'sa' iya yau, Papa maimu uyee'p_u na'ne' ipiya' ton, Papa Maimu i'kwit_u poken p_ura niri iyese. ³⁶ I'ri pe ken si kari nai, ikup_unan_u nanum_u'p_u tiwano' pe kuru, miripan enno'sa' iya ora pona? I'rito' pe ken iri pe isapema pe t_usauro'sen ta auya'nokon, 'Papa Mumu uri,' ta uya pi'? ³⁷ Uri kasapurit_u, ukup_unan_u tarawasoi ku'tane uya p_ura ri. ³⁸ E'tane ikup_u uya a'tai, uyapuri auya'nokon p_ura iye'tane, eke tarawaso am_u' kup_u uya apuriti', i'tu kon pa apuri kon pa niri ukup_unan_u esi uyau, uri niri esi iyau tukai'." ³⁹ Miri wenai kanan a'si i'se to' esi'p_u, e'tane to' enapai iyemo'ka'p_u.

⁴⁰ Iti'p_u Isotan ratoi pona, Isaan uya epa'taisiman kup_u'p_u pena iwa'ne pata piya'. Miri yau, iko'mam_u'p_u. ⁴¹ Tu'kan kon ka'pon am_u' uyee'p_u ipiya'. Ta'p_u to' uya, "Isaan uya i'tuto' ipikiri kup_u'p_u pen, e'tane tanporon Isaan usauroku'p_u p_use pi' esi i'napai ri," ta'p_u to' uya. ⁴² Tu'kan kon uya Sises maimu apuri'p_u miri yau.

11

Urasaras Eri'to'

¹ Moro takuru'kenan ka'pon esi'p_u Urasaras itese', Pe'tani eke iwa pata pon, Meri miri awonsi'ki Mata pata'se'. ² P_use ri Meri, ipi na'ne' esi'p_u takuru'ke, k_uri ri esi'p_u Sises karapaimanin n_u'p_u, i'ta niri a'munakanin n_u'p_u t_unse' ke. ³ Miri a'tai, ipasi ton uya iki'mai' t_umaimu kon ennoko'p_u, “Itepuru, ipan pe ini'n_unkan_u man takuru'ke,” tukai'.

⁴ Sises uya miri etasa' a'tai, ta'p_u iya, “Seri paran uya eri'n_u'ka pen ni, e'tane Papa meruntir_u usen-poikato' pe, Papa Mumu apurito' pe ipikiri iyesei,” ta'p_u iya. ⁵ Sises uya Mata, itakon, miri awonsi'ki Urasaras i'n_unka esi'p_u. ⁶ Takuru'ke iyesei tukai' etasa' t_uuya a'tai, asa'ri w_ui iko'mam_u'p_u t_usi'p_u yau ri.

⁷ Miri t_upo, t_upoitor_u ton pi', “Isutiya pona kanan utinpai'nokon,” ta'p_u iya.

⁸ Ipoitor_u ton uya ta'p_u ipi', “Rapai,* pena kuru p_ura ri Esuwer_u am_u' esi'p_u iwini i'se ti' ke. Miri pe' e'tane miri ya' iutikap_u kanan?” ta'p_u to' uya.

⁹ Sises uya to' maimu eik_u'p_u, “12 kaisa ri w_ui yau pata weyu p_ura pe' nai? In_u' usari a'tai w_ui nai ita'mo'ka pen, ap_une p_ura a'kwa pe non esi wenai. ¹⁰ E'tane ewarupi yau ka'pon usari a'tai, ita'mo'ka, ap_une p_ura a'kwa pe p_ura iyesei ke,” ta'p_u iya.

¹¹ Seri ton ta t_upo, ta'p_u iya to' pi', “Utonpa kon Urasaras e'n_um_u, e'tane uti enpakase'na iye'n_unto' apai,” ta'p_u iya.

¹² Miri t_upo ipoitor_u ton uya ta'p_u, “Itepuru, iye'n_unsa' pe iyesei yau, ito'pam_u ri miri,” ta'p_u to'

11:1 Uru' 10:38-39

11:2 Isaan 12:3

* **11:8** Rapai, Ti'sa ta

e'kwa pe

uya. ¹³ Sises usaurok_u esi'p_u iyeri'sa' pi', e'tane iye'n_um_u pi' isaurok_u pe to' uya ekama'p_u.

¹⁴ Miri a'tai nin si to' pana'tikaa'p_u iya miri wak_u pe, “Urasaras eri'sa' kuru ri miri, tukai'. ¹⁵ Pori' pe e'ai', imiri'nokon pi', miri yau e'sa' p_ura iyese pi', apuri kon pa. E'tane p_ura utinpai'nokon ipiya,” ta'p_u iya.

¹⁶ Miri t_upo, Tamas (Titimas tukai' tesa'sen) uya ta'p_u t_utonpa ton, ipoitor_u ton pi', “Utinpai'nokon ni niri uma'tan nito' pe ipokon pe,” ta'p_u iya.

Sises Uya Urasaras Pasi R_u'san A'kwar_u Ne'pitu'p_u

¹⁷ Sises uye'sa' a'tai, asakiri'ne wai uruwai' yau iko'manka'sa' eporo'p_u iya. ¹⁸ Pe'tani esi'p_u inni p_ura Surusiran piyapai, 2 mayir_u e'to' airi ri.† ¹⁹ Miri a'tai, tu'kan kon Esuwer_u am_u' uyee'p_u Meri miri awonsi'ki Mata pokon a'kwar_u ne'pi'se'na to' pi pata'p_u yau. ²⁰ Mata uya Sises uyep_u eta pe ri, iti'p_u ite'matai, e'tane Meri esi'p_u iuti tau moro ri. ²¹ Miri a'tai, Mata uya ta'p_u Sises pi', “Itepuru, seri yau iwesi yau, upi n_uma'tai'no pen. ²² E'tane i'tu uya i'ri ri ekama'po auya a'tai Papa pi', Papa uya irepa,” ta'p_u iya.

²³ Sises uya ta'p_u ipi', “Ipi kanan e'm_u'sa'kato' oton,” ta'p_u iya.

²⁴ Mata uya imaimu eiku'p_u, “Si'tuyai' iye'm_u'sa'kato' oton kanan e'm_u'sa'kan weyu a'tai, pata weyu u'ma'sa' a'tai,” ta'p_u iya.

²⁵ Sises uya ta'p_u ipi', “Uri esi i'm_u'sa'kanin pe, uko'man nito' ku'nin pe ri niri esi. Uri yau apurinin esi a'tai, iyeri'sa' pe ri iye'tane, iko'manto' oton ni.

† **11:18** 2 mayir_u e'to' airi—15 stetiya Kiri' maimu yau (3 kilometers e'to' airi).

26 Inu' ri tũuko'mansen uyapuri pi' uma'tato' oton pen. Seri pe' mapuriyan?" ta'pũ iya ipi'.

27 "Ewai', uyepuru, sapuriyai' Kũrai‡ pe iwesi, Papa Mumu pe tũuye'ton seri non pona, tasa' ru'pũ," ta'pũ iya.

28 Seri ta tũuya tũpo, iti'pũ ama'ai takon ki'mase'na. "Ti'sa uye'sa' man, iki'ma iya," ta'pũ iya. 29 Miri eta tũuya pe ri, iye'mũ'sa'ka'pũ, iyee'pũ inke pũra ipiya'. 30 Sises uye'sa' pũra ri mari iyesi'pũ eke iwa pata pona, e'tane Mata uya teporo'pũ yau ri mari iyesi'pũ. 31 Esuwerũ amũ' Meri piyau iye'sa' kon iuti tau iya'kwarũ nepũ pi' uya iye'mũ'sa'ka' ensa' inke pũra, miripan epa'ka a'tai, to' uya e'ma'pũka'pũ, tũuta'kwarũkai' akaranse ti' akasa' uruwai' pe ya' iti pe tekamai'. 32 Meri uya Sises pata eposa' a'tai, ensa' tũuya a'tai, i'ta piyau ita'mo'ka'pũ, "Itepuru, seri yau iwe'sa' yau, upi nũma'tai'no pen ni," tai'ma.

33 Ikaramũ ensa' tũuya a'tai, miri awonsi'ki Esuwerũ amũ' niri iya'kiri iye'sa' kon ukaramũ, ipan pe ipokoita'pũ tewan temo'kai'. 34 "Nai yau inonkasa' auya'nokon?" ta'pũ iya to' pi'.

"Itepuru, entanũ'ki," ta'pũ to' uya.

35 Sises ukaramũ'pũ.

36 Esuwerũ amũ' uya, "Ipan pe i'nũnka iya!" ta'pũ.

37 E'tane tũron kon uya, "Tenku'nan enu a'kokanin nũ'pũ uya ri pe' pũse ri ka'pon erikũ namai' ikupũ pũra iyesi'pũ?" ta'pũ.

Sises Uya Ūrasaras Eri'sa' I'mũ'sa'ka

‡ 11:27 Kũrai (Kiri' maimu), miri pe pũra Me'saya (Ipuru maimu), Papa Nanũmũ'pũ ta e'kwa pe.

³⁸ Pokoi pe kuru ri mari esii'ma, Sises uti'p_u uruwai' piya'. Ti' euta pe iyessi'p_u eke ti' t_usa' im_ura'taai po. ³⁹ "Ti' amati'," ta'p_u iya.

E'tane Mata, eke' pasi uya, "Uyepuru, iki pe ikitaka'sa' seri, asakiri'ne w_ui iko'manka'sa' miri yau," ta'p_u iya.

⁴⁰ Miri a'tai, Sises uya, "Apuri auya yau, Papa meruntir_u ene auya tukai' pe' apana'ti uya p_un?" ta'p_u.

⁴¹ Miripan kon uya ti' ama'p_u. Miri a'tai, kak_ui' tenu t_ut_use Sises uya ta'p_u, "Papai, tenki ukayai' umaimu etasa' auya pi'. ⁴² I'tu uya umaimu etanin pe ri iwesi tiwiri ri, e'tane ta uya ri nin p_usamoro iye'soto'pi'sa' kon na'ne' uya ri nin apurito' pe uyennos'a' auya tukai'," ta'p_u iya.

⁴³ Seri ta t_upo, eke pe iki'pi'n_um_u'p_u, "Urasaras, epa'ka'!" tukai'. ⁴⁴ Iyeri'sa' r_u'p_u epa'ka'p_u, auronpi'sa' pe itemiyat_u ton i'ta ton, pon saai'pi'sa' kusan ton pe epe'kena' pon renen tato' at_u ke, miri awonsi'ki pon at_u item_u woi.

Sises uya, "Iponkati' uruwai' pon apai, tiwi itito' pe," ta'p_u to' pi'.

Sises Wini Pi' To' E'kama
(Ma'siu 26:1-5; Ma' 14:1-2; Uru' 22:1-2)

⁴⁵ Miri pi' si tu'kan kon ka'pon am_u' Meri piya' iye'sa' kon, Sises n_ukup_un_u ennin n_u'san uya apuri'p_u. ⁴⁶ E'tane t_uron kon uti'p_u Pari'si am_u' piya' Sises n_ukup_u'p_u ekamai' to' pana ya'. ⁴⁷ Miri a'tai, use'man nito' t_urawasomanin nan epuru ton eke ton kuru miri awonsi'ki Pari'si am_u' uya t_ukons_ur_uu'i kon mitimu kup_u'p_u.

“I’ri kupu’nokon nai?” ta’pu to’ uya. “Puse ri ka’pon uya tu’ke ri eke Papa tarawasooi i’tuto’ ipikiri kupu. ⁴⁸ Seri ku’tane iya enpi’sa’ yau, tanporon kon uya ri apuri, miri awonsi’ki Roman amu’ uya use’man nito’, ipureman nito’ iwu’ miri awonsi’ki upata kon mo’ka miri,” ta’pu to’ uya.

⁴⁹ Miri a’tai, to’ tonpa, Kaya’pas itese’, use’man nito’ tarawasomanin nan epuru pe te’sen miri wai’piya yau, usauroku’pu, “Ini’tunu kon para ri iyesi miri! ⁵⁰ Ito’ka’naku auya’nokon para iyesi waku iwa pe iyesi ipona’nokon tikin ni ka’pon eri’to’ pe ka’pon amu’ iwano’ pe, tanporon kon ka’pon amu’ ekota’ma entai,” ta’pu iya.

⁵¹ Tumiri pe seri ta’pu iya pen ni, e’tane use’man nito’ tarawasomanin nan epuru pe ri nin tesi pi’ miri wai’piya yau, Sises eri’to’ oton ni nin ekama’pu iya ka’pon amu’ iwano’ pe. ⁵² Kamoro iwano’ pe riken pen e’tane iye’ta’nu’sa’ kon Papa munki amu’ iwano’ pe ri niri, to’ amuranu’nin pe tikin ni to’ tukonekai’. ⁵³ Miri pi’ nin si, iwini pi’ to’ e’kama’pu miri, miri wai awonsi’ki.

⁵⁴ Miri wenai, Sises si usari para iyesi’pu miri Esuweru amu’ annawiri. E’tane ru’ku iyemo’ka’pu rimonota nono winikai’, eke iwa pata E’paren tato’ ya’, miri yau iyesi’pu tapoitoru ton pokon pe.

⁵⁵ Esuweru Amu’ Epoi Iti’pu Weyu Ru’pu e’sepokapu ri a’tai, tu’kan kon ni uti’pu miri pata yapai Surusiran pona, ekorukase’na miri Weyu wapiya. ⁵⁶ Sises ene i’se to’ esi’pu, use’man nito’, ipureman nito’ iwu’ airi te’soto’pi’se’ to’ usekama’popitu’pu, “I’ri tukai’ mi’tuyatu’? Iyepu pen ni pe’ seri Weyu Ru’pu pi’?” ta’pu to’ uya.

⁵⁷ Use’man nito’ tarawasomanin nan epuru ton

miri awonsi'ki Pari'si amu' uya tasa' esi'pu, inu' uya ri Sises esi miri yau tukai' i'tusa' yau, ekamoto' pe iya, a'sito' pe tauya'nokon.

12

Sises Ekarapaima Pe'tani Po (Ma'siu 26:6-13; Ma' 14:3-9)

¹ 6 kaisa ri wai To' Epoi Iti'pu Weyu Ru'pu rawiri, Sises uti'pu Pe'tani pona, Urasaras, Sises nu'mu'sa'ka'pu iyeriku'pu apai pata'se' ya'.

² Iyenta'nato' koneka'pu to' uya miri yau, Mata esi'pu ekamu pi', Urasaras e'tane Sises piyawon kon tateire' kon po tepuru piyau te'san koro'tau. ³ Miri a'tai, Meri uya ten yau ri esukenan natu, epe'kena' po'piyun nee'pu, miripan ma'pu iya Sises pata pona, ikuka'pu iya tanse' ke, miripan po'piyun kitun uya a'po'ne iuti ki'nunpasa' esi'pu.

⁴ E'tane Sises poitoru ton tonpa, Isutas Eskariya', eparanka ton si pona ipoken pura iyese'pu, ⁵ miripan uya, "Iri pe iyese pi' seri po'piyun karupo'pomasa' pura ri iyese, itepe'pu ke entu'manin nan repato' pe? Tikin ni wai'piya yau e'turawasoman nisa' epe'pu e'to' airi ri iyese miri,*" ta'pu iya. ⁶ Aiko tawon pe tesi pi' entu'manin nan pi' seri ta'pu iya pen ni, e'tane ama' e' pe tesi pi'. Parata paikii esa' pe tesi koro'tau, iyawon enno'nin pe iye'pitu'pu i'se te'to' pi'.

⁷ "Tiwi nesii," ta'pu Sises uya. "Inenkurunpa'pu miri po'piyun uwu'na'ti weyu iwano' pe, tasa' iya

12:3 Uru' 7:37-38

* **12:5** Tikin ni wai'piya yau iye'turawasomasa' epe'pu; miri pe pura, 300 kaisaron parata pun, tenariyas itese'. Tikin nan parata pun esi isenupasa' pen nu'kwi e'mato' ike.

ru'pu. ⁸ Inke ri i'koro'tau'nokon te'san kamoro entu'manin nan, e'tane inke ipiyau'nokon esi pen nin," ta'pu iya.

⁹ Miri koro'tau anpisin ton kuru ri Esuweru amu' uya etasa' esi'pu miri yau Sises esi tukai', miripan kon uyee'pu, kari ri pikiri riken pen e'tane Urasaras ri niri ense'na, ini'mu'sa'ka'pu iyeriku'pu yapai.

¹⁰ Miri pi' nin si use'man nito' tarawasomanin nan epuru ton e'kama'pu Urasaras ri niri wini pi', ¹¹ kari ri uriya' tu'kan kon ni Esuweru amu' uya tunonka kon pi' Sises piya' tautito' kon pe miri awonsi'ki to' uya ri apuri pi'.

Sises Epa'ka'pu Surusiran Pona

(Ma'siu 21:1-11; Ma' 11:1-11; Uru' 19:28-40)

¹² Miri ema'sa' yau, anpisin ton kuru ri iye'sa' kon nu'san Iweyu Ru'pu pi' uya Surusiran pona Sises uti etasa' esi'pu. ¹³ Miripan kon uti'pu ite'matai patawa ye' apimu ton itenau'ne, iki'pi'nunpitai'ma,

“Usana!”†

“Pori' pe kari esi miri Itepuru ese' yau naye'ai'ne'!”‡

“Pori' kari ri kin Esuweru amu' epuru!” ta'pu to' uya.

¹⁴ Sises uya isa'ka'si mare eporo'pu, miripan ereuta'pu ipo, iye'menukasa' itekare uya ta awiri ri,

¹⁵ “Kenari'namai, Sayan ensi ru'kwi;
enki, iyepuru, kin uye'ni pi' man,
iyereutasa' isa'ka'si mare po,”§

12:8 Isu'taronomi 15:11 † **12:13** Usana! Ipuru amu' maimu, Pika'ti! ta e'kwa iyenasa' apuripi'nito' yai pe. ‡ **12:13** Eren

118:25-26 § **12:15** Sakaraya 9:9

tawon.

¹⁶ Miri a'tai, ipoitoru ton uya tanporo seri ton to'ka'nuku'pu pen. Sises ri nin enasa' tapuripi'to' ya tupo—iyeri'sa' ru'pu, e'mu'sa'kasa' tupo ri nin—to' uya i'tu'pu seri ton e'menukasa' esi'pu ipi', seri ton ni kenu' si ku'sa' to' uya esi'pu itiwanu' pe.

¹⁷ Anpisin ton si iya'kiri iye'sa' kon nu'san ni esi'pu ekama pi' Urasaras ki'ma'pu iya uruwai' apai, iyeri'sa' apai i'mu'sa'ka'pu iya ri ekama pi'.

¹⁸ Tu'kan kon ni uti'pu seri eke Papa tarawasooi i'tuto' ipikiri e'ku'sa' tetai' ite'matai. ¹⁹ Miri pi' si Pari'si amu' uya ta'pu miri tutonpa kon pi', “Menyatuu, i'ri kupu poken para ri iyese. Enti', tanporo pata yawon kon uti ipikiri!” ta'pu to' uya.

Sises Uya Tuma'tato' Ekama'pu

²⁰ Moro Kiri' amu' tonpa ton esi'pu to' koro'tau ipuremai' itisa' kon nu'san Iweyu Ru'pu pi'. ²¹ To' uyee'pu Piri', Pe'saita, Kiyarari airon winon piya', i'se te'to' kon ekama'poi' ipi', “Itepuru, Sises inenpai ina man,” ta'pu to' uya. ²² Piri' uti'pu Anturu pana'tii'; Anturu miri awonsi'ki Piri' uya nin si Sises pana'ti'pu miri.

²³ Sises uya to' eiku'pu, “Iweyu si e'seposa' man Ka'pon, Papa winon apuripi'to' weyu.

²⁴ Inapairon ekama uya ipi'nokon, a'nai' ena'pi uta'mo'kasa' non pona eri'sa' para iyese yau, tikin ni ri iko'mamu miri, e'tane iyeri'sa' yau, tu'ke ri nin itena'pi epamu miri. ²⁵ Ka'pon tuku'manto' i'nankanin uya inonka miri, kari tuku'manto' ewaruma'tinin seri non po uya ri nin iko'manuku miri tiwiri uko'man nito' iwano' pe. ²⁶ Inu' ri

uyapiyo' pe na'ne' uya uye'ma'pukato' pe iyese; e'ai'ne' yau ri upoitoru ri kanan e'to' pe iyese. Ukuipunu uya ri uyapiyo' pe na'ne' nama miri.

²⁷ “Ekamura uyewan enasa' man, i'ri ken si ta uya? ‘Papai, upika'tiki seri iweyu apai,’ ta uya? Kane, seri pikiri sa'ne seri iweyu pu'ku pona uye'sa' seri ko. ²⁸ Papai, eke pe iyese' e'to' enpoikaki,” ta'pu iya.

Miri a'tai main uyee'pu Epu poi, “Enpoikaka'sa' uya ri man, miri awonsi'ki enpoikakapu uya ri kanan miri,” tawon. ²⁹ Anpisin miri yau te'san uya etasa' uya, “Korame e'turanka,” ta'pu; taron kon uya, “Inseru uya auro'ka,” ta'pu.

³⁰ Sises uya, “Iwano' kon pe seri main esi'pu miri, uri iwano' pe pen,” ta'pu. ³¹ “Seri si iweyu oru eseru aimenkato' yai. Seri oru epuru pe si te'sen ainanpato'. ³² E'tane, uri utanansa' a'tai non apai, tanporon kon ni ki'mato' uya oton upiya,” ta'pu iya. ³³ Seri ta'pu iya, se kasa uma'tato' oton ta tuya ekama pe ri.

³⁴ Anpisin uya ta'pu, “Ina uya etasa' man Main, Mosi' winon wini, Kurai* uko'manto' oton tiwiri ri, miri ken pe' e'tane, ‘Ka'pon, Papa winon utananto' oton,’ ta auya? Inu' puse ri Ka'pon, Papa winon?” ta'pu to' uya.

³⁵ Miri a'tai, Sises uya ta'pu, “Iweyu e'to' oton miri ipiyau'nokon inke ru'kwiri ri mara ri. Ipininti' iweyu esi koro'tau, ewarupi uya iyeporo kon rawiri. Ka'pon ewarupi yau tautisen uya tautito'

* **12:34** Kurai (Kiri' maimu yau), miri pe para Me'saya (Ipuru maimu yau), asa'ri ri mari iyese, Papa Nanamun ta e'kwa pe.

12:34 Eren 110:4; Aisaya 9:7; Isi'kiyeru 37:25; Taniyeru 7:14

ya' i'tu p̄ra ri iyesi miri. ³⁶ Iweyu apuriti' moro ipiyau' nokon iyesi koro'tau, iweyu munki am̄' pe iyena kon pa," ta'p̄a iya. T̄usauro'to' nonkasa' t̄uuya a'tai, Sises uti'p̄a, miripan e'so'nam̄'p̄a to' piyapai.

Apurinin Nan Pen Esuwer̄ Am̄'

³⁷ Seri ton eke ton Papa t̄rawasooi ti'tuto' ipikiri ku'sa' Sises uya e'tane t̄'koro'tau' nokon, to' uya apuri p̄ra ri mari iyesi'p̄a. ³⁸ Seri esi'p̄a pu'kena' Aisaya maimu a'ku'tinin pe:

“Itepuru, in̄' uya ina nekaman̄ etasa';

in̄' ena' Itepuru meruntir̄ usenpoikasa'?”†
tawon.

³⁹ Miri wenai, to' uya apuri p̄ra ri iyesi, Aisaya uya tasa' na'ne' awiri ri:

⁴⁰ “To' enu ri a'kopisa' iya

miri awonsi'ki to' ewan ni sa'mantan̄ pi'sa' iya,

to' uya ene namai' tenu kon ke,

to' uya ito'ka'n̄k̄a namai' tewan kon ke,

to' era'ti namai' to' epi'tito' pe uya,”‡

tawon. ⁴¹ Aisaya uya seri tasa' ap̄ne p̄ra Sises apuripi'to' ipikiri ensa' t̄uuya pi', ipi' isaurok̄a'p̄a.

⁴² Miri ri e'tane miri koro'tau ri tu'kan kon ni itepuru ton uya apuri'p̄a ri. E'tane Pari'si am̄' esi pi', t̄napur̄in̄ kon inekamapai p̄ra to' esi'p̄a. To' uya tenpa'ka kon t̄usenupato' kon iw̄' tapai tukai' to' enari'n̄am̄'p̄a; ⁴³ ka'pon am̄' uya tapurip̄itu kon i'se te'san pe tesi kon pi' Papa uya tapurip̄itu kon i'se tesi kon entai.

† 12:38 Aisaya 53:1 (LXX) ‡ 12:40 Aisaya 6:10

⁴⁴ Miri a'tai, Sises usauroka'pu eke pe, "Ka'pon uya uyapuri a'tai, uri riken apuri iya pe iyese pen, e'tane kari uyenko'nin nu'pu. ⁴⁵ Uyene iya a'tai, uyenko'nin nu'pu ene iya miri. ⁴⁶ Uye'sa' seri pata weyu pe, inu' ri uyapurinin pe na'ne' enkurumu namai' moro ewarupi yau.

⁴⁷ "Kari nin ka'pon umaimu eta pi' na'ne' e'tane, ikupu iya para na'ne', iteseru aimenka uya pen ni, apune para pata eseru aimenkai' uye'sa' pen, e'tane ipika'tii'. ⁴⁸ Moro unurunpanin miri awonsi'ki umaimu ananupaino pen eseru aimenkanin esi miri, miri ri main usauro'ai'ne' uya eno'mato' oton pata weyu u'ma'sa' a'tai. ⁴⁹ Uiwano' pe usauro'sa' kasa para, e'tane ikupunu uyenko'nin nu'pu uya uyapiyo'masa' usauro'to' pe umaimu'tisa' iya ri. ⁵⁰ I'tu uya, seri uya arin tiwiri ri uko'man nito' ya'. Miri pi' si usauro'ai'ne' ikupunu uya upana'ti'pu ru'pu ekama uya," ta'pu iya.

13

Sises Uya Tupoitoru Ton Pata Koruka

¹ To' Epoi Iti'pu Weyu Ru'pu pi' e'nito' rawiri kuru ri, Sises uya i'tusa' esi'pu seri non nito' tauya weyu e'seposa', ikupunu piya' si tautito'. Tiwano' ton pe te'san i'nankakapu tupo, non po te'san, miripan kon ena' nin si ipan pe to' i'nankato' tauya enpoikakaa'pu iya.*

² Ko'maan pe enta'nan nito' utanankaa'pu, Makoi uya Isutas Eskariya', Saiman mu ku'sa'

* **13:1** Miripan kon ena' nin si ipan pe to' i'nankato' tauya enpoikakaa'pu iya; miri pe para, miripan uya to' i'nanka iu'matu pu'ka pona.

esi'p_u isenuminkato' pe Sises eparanka pi'. ³ Sises uya tanporon ni nonkasa' ik_uip_un_u uya tena' tukai' i'tu'p_u; t_uuye'sa' Papa wini, miripan enna'po Papa piya' tukai' ri. ⁴ Miripan e'm_u'sa'ka'p_u tep_uru piyapai, t_upon p_uro'pon mo'ka'p_u iya, miripan uya tower_u e'me'p_u t_uworo'pai pi'. ⁵ Miri t_upo, tuna ma'p_u iya pes_un ya', miripan uya t_upoitor_u ton p_uta kor_ukapit_u'p_u a'munakapit_u'ma t_uworo'pai pokon tower_u ke.

⁶ Miripan uye'kaa'p_u Saiman Pi'ta poi ri, tekama'po ton, "Uyepuru, u'ta si kor_uka auya?" tukai'.

⁷ Sises uya eik_u'p_u, "Ito'ka'n_uk_u auya p_ura iyesi miri siku'ai'ne', e'tane emenn_u'p_u ito'ka'n_u'to' auya oton," ta'p_u iya.

⁸ "Kane, u'ta kor_ukato' auya p_ura ri iyesi miri," ta'p_u Pi'ta uya ipi'.

Sises uya eik_u'p_u, "Ik_urasa' uya p_ura iyesi a'tai, up_u'k_u pe iwesi pen," ta'p_u iya.

⁹ Miri a'tai, Saiman Pi'ta uya eik_u'p_u, "Uyepuru, u'ta riken pen ken si e'tane, uyemiyat_u ton miri awonsi'ki u'pai ri niri ken!" ta'p_u iya.

¹⁰ Sises uya eik_u'p_u, "Ka'pon iyeku'pisa' esi ti'ta riken kor_ukato' iya pe; tanporon nin ipun esi miri wak_u pe. Wak_u pe nin iwesi kon miri, tanporo kuru iwe'tane'nokon p_ura ri," ta'p_u iya. ¹¹ I'tu t_uuya wenai teparanka ton; miri pi' nin si, tanporo wak_u pe iwesi kon pen, ta'p_u iya na'ne'.

¹² To' p_uta kor_uka nonka t_uuya t_upo, iyepontikaa'p_u kanan, miripan enna'po'p_u t_upata'p_u ya'. Miripan uya, "M_uto'ka'n_u'at_uu pe' ipi'nokon siku'ai'ne'?" ta'p_u to' pi'. ¹³ "Ti'sa,' Uyepuru,' tukai' uyesak_u auya'nokon, miri esi

ipoken ni, kari ri ri uri. ¹⁴ Miri si uri, iyepuru kon, iti'saai kon uya a'ta kon korukasa', itonpa kon pata si tukorukase e'ti'. ¹⁵ Ene kon pa iku'sa' uya miri, ikupu kon pa ipi'nokon iku'sa' uya na'ne'. ¹⁶ I'napairon ekama uya ipi'nokon, ipoitoru esi para ri iyese eke pe tesa' entai, miri pe para main anin ni esi para iyese eke pe tenno'nin nu'pu entai. ¹⁷ Seri ton i'tu auya'nokon pe iyese pi', ipurema'nokon miri, miri ton kupu auya'nokon yau.

Sises Uya Teparankato' Ekama

¹⁸ “Tanporon kon imiri'nokon pi' ta uya pen ni; i'tu uya kamo unanumu'san, e'tane seri esi iye'menukasa' itekare a'ku'tinin pe: ‘Upokon pe ri iyenta'nasa' ru'pu enasa' uyewa'nomanin pe,† tawon. ¹⁹ Ekama uya seri ipi'nokon iye'kupu wapiya, iye'kupu a'tai apuri kon pa kari ri pe esi tukai'. ²⁰ I'napairon ekama uya ipi'nokon, inu' uya ri inu' ri unennokonu anumu uya uyanumu ri, miri awonsi'ki inu' uya ri uyanumu uya kari uyeno'nin nu'pu anumu,” ta'pu iya.

²¹ Seri ta'pu iya tupo, ipan pe ipokoita'pu ta'kwaru yau, miripan uya ekama'pu, “I'napairon ekama uya ipi'nokon, itonpa kon uya uyeparankato' oton,” ta'pu iya.

²² Miripan poitoru ton usenpitu'pu, inu' pi' ta iya ta pe. ²³ To' tonpa Sises ni'nunkanu ipoitoru esi'pu ipiyau tuteire' po. ²⁴ Saiman Pi'ta uya kari ri wai'ka'pu ekama'poto' pe iya, “Ekama'po' inu' pi' ta iya tukai',” ta'pu iya.

13:15 Uru' 22:27

13:16 Ma'siu 10:24; Uru' 6:40; Isaan 15:20

† **13:18** Eren 41:9

13:20 Ma'siu 10:40; Ma' 9:37; Uru' 9:48; 10:16

25 Sises pona nin si te'tunkai' ekama'po'pua iya miri, "Uyepuru, inu' si?" ta'pua iya.

26 Sises uya eiku'pua, "Kuri sa'ne paretu piya'pi taki'se itena' situyai'ne'," ta'pua iya. Miripan uya paretu piya'pi kii'pua, miripan taru'pua iya Isutas Eskariya', Saiman mu ena'. 27 Paretu a'si iya pe ri, Se'tan‡ ewomu'pua iya'. "Inkupanu pe te'sen iku'ki inke pura," ta'pua Sises uya ipi', 28 e'tane inu' ri enta'nan pi' te'sen uya ito'ka'nuku'pua pen i'ri pe iyese pi' seri ta Sises uya ipi' tukai'. 29 Apune pura Isutas esi'pua parata esa' pe, taron kon ni nin si usenuminka'pua miri, i'se te'to' kon Iweyu Ru'pua pi' e'ni iwano' pe ri na'ki ennato' pe iya, miri pe pura entu'manin nan irepaki ta iya ri na'ki ta'pua to' uya. 30 Isutas uya paretu a'si pe ri, iyepa'ka'pua nin si. Ewarupi nau seri esi'pua.

Pi'ta Uya Tnonkato' Oton, Ekama Sises Uya

31 Iyepa'ka'pua pata'pua yau, Sises uya ta'pua, "Seri si Ka'pon, Papa winon apuripi'to' ipi', miri awonsi'ki Papa apuripi'to' si ri man iyau. 32 Papa apuripi'to' esi yau, iyau, Papa uya ri niri tamu apuripitu miri tuyau, inke pura apuripitu iya miri. §

33 "Umunki amu', mara ru'kwu kuru inke ru'kwu esi seri ipiyau'nokon, uwarinpatu' auya'nokon oton, Esuweru amu' pi' ukataine' kasa ri ta uya ipi'nokon: Utiyai'ne' ya' iuyepu kon poken pura iyese.

34 "Emenna' main ke irepa uya 'nokon: Itonpa kon i'nunkati'. Hi'nunkasa' uya 'nokon na'ne' kasa,

‡ 13:27 Se'tan—Makoi ese' isakon, Papa eseru ewaruma'tinin ta e'kwa pe. § 13:32 Papa apuripi'to' pe iyese yau, iyau; seri tawon pura iyese miri taron ni yau'ne. 13:33 Isaan 7:34

miri kasa itonpa kon i'nankati'. ³⁵ Tanporo ka'pon amu' uya i'tu miri upoitoru ton pe iwesi kon tukai' itonpa kon i'nanka auya'nokon yau," ta'pu iya.

³⁶ Saiman Pi'ta uya ekama'po'pu, "Uyepuru, nai ya' iuti?" ta'pu iya.

Sises uya eiku'pu, "Utiyai'ne' ya' upikiri iuyepu para iyese, e'tane emennu'pu ri upikiri iuye'to' oton," ta'pu iya.

³⁷ Pi'ta uya ekama'po'pu, "Uyepuru, i'ri pe iyese pi' seri pe uti para iyese ipikiri? Iwenai ri uma'ta miri," ta'pu iya.

³⁸ Miri a'tai, Sises uya eiku'pu, "Uwenai kuru pe' auma'ta? I'napairon ekama uya seri ipi', kiritiki uturumu rawiri, osoruwau ite'kwa kuru ui'tunin pe para iye'ku'to' oton!" ta'pu iya ipi'.

14

Sises Uya Tupoitoru Ton A'kwaru Ne'pitu

¹ Sises uya ta'pu, "Kisewankamatu! Papa apuriti;* uri ri niri apuriti'. ² Tu'ke ri pata wannu man ukupunu iwu' tau; sekamai'no miri pe para iyese yau. Miri ya' uti seri apata'se' kon oton konekai'. ³ Utisa' pe iyese yau apata'se' kon konekai', uye'kapu kanan ayase'na'nokon upiyau iwesi kon pa, e'ai'ne' yau iwesi kon pa. ⁴ Ite'ma i'tu auya'nokon miri utin nito' ya' utiyai'ne' ya'," ta'pu iya.

Sises Esi Ite'ma Pe Ikipunu Piya'

13:34 Isaan 15:12-17; 1 Isaan 3:23; 2 Isaan 5

* **14:1** Papa

apuriti'; miri pe para, Papa apuri auya'nokon.

⁵ Tamas uya ta'pɛ ipi', "Uyepuru, ina uya sa'ne i'tu pɛra iyesei nai ya' iuti tukai'; nai kasa ken ina uya ite'ma i'tu?" ta'pɛ iya.

⁶ Sises uya eiku'pɛ, "Uri ri esi ite'ma pe, miri awonsi'ki i'napairon ni, miri awonsi'ki uko'man nito' ri. Inu' ri uti pɛra iyesei ukɛipɛnu piya' uri poro riken itito' esi. ⁷ I'napai ri kuru ui'tu auya'nokon pe iyesei yau, ukɛipɛnu ri niri i'tu auya'nokon miri. Seri awonsi'ki i'tu auya'nokon, miri awonsi'ki ensa' auya'nokon," ta'pɛ iya.

⁸ Piri' uya ta'pɛ, "Uyepuru, ikɛipɛnu enpoikaka'ki ina ena'; miri riken i'se ina esi miri," ta'pɛ iya.

⁹ Sises uya eiku'pɛ, "Ui'tu auya pɛra pe' iyesei, Piri', ipiyau'nokon ni inke ri uko'manka'sa' e'tane? Inu' ri kari uyennin pe na'ne' uya ri ukɛipɛnu ensa' pe iyesei. Nai pe mairi, 'Ikɛipɛnu enpoikaki ina ena',' ta auya? ¹⁰ Apuri auya pɛra pe' iyesei uri esi ikɛipɛnu yau, ikɛipɛnu niri esi uyau? Main sekamayai'ne' ipi'nokon esi uiwano' pen e'tane ikɛipɛnu, uyau nuko'manyai'ne' uya tatarawasooi kupɛ miri. ¹¹ Uyapuriti', uri esi ikɛipɛnu yau, ikɛipɛnu esi uyau ta uya a'tai; miri pe pɛra, eke Papa tarawasooi amu' kupɛ uya ri apuriti'. ¹² I'napairon ekama uya ipi'nokon, inu' ri uya-purinin esi pe iyesei yau, kari ri uya iku'to' oton miri siku'ai'ne' ri. Miri entaino kuru ri ku'to' iya oton siku'ai'ne' entai kuru ri, apɛne pɛra uti wenai ikɛipɛnu piya'. ¹³ Ikupɛ uya ri inekama'ponu kon uyese' yau, imu uya ikɛipɛnu apuripi'to' ipikiri enpoikato' pe. ¹⁴ Uyekama'po† auya'nokon ni miri

† 14:14 Uyekama'po; miri pe pɛra, Ekama'po

i'ri pi' ri uyese' yau, ikup_u uya ri miri.

Sises Usaurok_u Wak_u A'kwar_u Enno'to' T_uuya Pi'

¹⁵ “Ui'n_unka auya'nokon pe iyesei yau, umaimu awiri ri iwesi kon miri. ¹⁶ Ikuip_un_u ekama'po uya miri, miripan uya Ipika'tinin kon taron ni enno'to' pe, ipiyau'nokon te'ton tiwiri ri. ¹⁷ P_use ri I'napairon A'kwar_u, seri non pon kon nanaman_u pen ni, ap_une p_ura ene to' uya p_ura iyesei, miri awonsi'ki i'tu to' uya p_ura ri iyesei, e'tane i'tu auya'nokon ap_une p_ura ipiyau'nokon iyesei, ayau'nokon ni niri iye'to' oton.‡ ¹⁸ Piyapaino pe inimi uya 'nokon pen; ipiyau'nokon uyep_u ri. ¹⁹ Seri pe ri, seri non pon kon uya uyene p_ura iyena, miri e'tane uyento' auya'nokon oton. Ap_une p_ura uko'mam_u pi', imiri'nokon ni mari uko'manto' oton. ²⁰ Uto'ka'n_u'at_ui'ne' a'tai i'tuto' auya'nokon oton uk_uip_un_u yau esi, imiri'nokon esi uyau, miri awonsi'ki uri esi ayau'nokon. ²¹ In_u' ri umaimu esa' pe na'ne' esi miri iyawiri ri, kari ri kari ri ui'n_unkanin ye' ri. Kari ri ui'n_unkanin i'n_unka uk_uip_un_u uya miri, uri uya ri niri i'n_unka kanan miri awonsi'ki usenpoika ri itena',” ta'p_u iya.

²² Miri a'tai, Isutas (Isutas Eskariya' pen) uya ta'p_u, “E'tane sa'ne Uyepuru, i'ri pe iyesei pi' ina enu ya' usenpoika, seri non pon kon enu ya' p_ura ri?” ta'p_u iya.

²³ Sises uya eiku'p_u, “In_u' uya ri ui'n_unka pe iyesei yau, tenupato' uya awiri ri iyesei miri. Uk_uip_un_u uya i'n_unkato' oton, miripan piya' ina uye'to' oton,

‡ **14:17** ayau'nokon ni niri iye'to' oton; miri pe p_ura, ayau'nokon ni niri iyesei.

iyau tɔpata kon koneka ina uya. ²⁴ Kuri ri ui'nanka iya pɔra na'ne' esi miri tenupato' uya awiri pɔra ri. Seri ton main amɔ' metayatɔ'ne' esi uiwano' pen; uyenko'nin nɔ'pɔ ikɔipɔnɔ iwano' pe iyesi.

²⁵ “Seri ton pi' usauroku miri ipiyau'nokon esi koro'tau. ²⁶ E'tane kuri ipika'tinin kon, Waku A'kwara, ikɔipɔnɔ, uyese' yau nenno'ai'ne' uya iyenupato' oton kon tanporon pi' ri, iyemiya'ponti iya 'nokon ni kanyauro'kapi'ta'tɔine' pi'. ²⁷ Tɔusewankamai' pɔra iwe'to' kon nimi uya seri ipiyau'nokon; uiwano' pe te'sen tɔru uya iyena'nokon. Seri non nɔtɔyai'ne' kasa itɔru uya pen. Kisewankamatɔ, kenari'nantɔ.

²⁸ “Ta uya etasa' auya'nokon, ‘Uti seri, uye'kapu ri mari ipiya'nokon.’ Ui'nanka auya'nokon yau, pori' pe ri iwesi kon miri uti pi' ikɔipɔnɔ piya', apɔne pɔra ikɔipɔnɔ esi eke pe uyentai. ²⁹ Seri eka-masa' uya seri ipi'nokon iye'kupu rawiri, iye'kupu a'tai si ti apuri kon pa. ³⁰ Inke kuru ayauro'ka uya 'nokon pen, apɔne pɔra seri pata epuru uye'ni pi' man. I'ri pe uku'nin pen ni, ³¹ e'tane seri non pon kon uya i'tuto' pe iyesi ikɔipɔnɔ i'nanka uya, miripan uyapiyo'ma'pɔ iya ru'pɔ kupu uya iyawiri kuru.

“I'iti', utinpai'nokon,” ta'pɔ iya.

15

Ite' Miri Awonsi'ki Ipanta Ton

¹ “Uri esi i'napairon ite' pe; ukɔipɔnɔ nin si esi miri imainanpanin pe. ² Upanta tepetasen pen a'tipitu iya, tepetasen pu'kuima iya ikaima pe, miyari ri iyepetato' pe. ³ Ikaimaka'sa' pe iwesi kon

miri main kanyauro'kayatui'ne' ike uriya'. ⁴ Moro uyau iko'manti', moro ayau'nokon niri uko'manto' pe. Ipanta epeta para iyese tiwa ri; moro taye' pi' iko'manto' pe iyese. Imiri'nokon ni niri epeta para iyese miri moro uyau iuko'mama kon para iye'tane.

⁵ "Ite' pe esi; imiri'nokon esi ipanta ton pe. Moro ka'pon esi yau uyau miri awonsi'ki uri niri iyau, tu'ke ri iyepeta miri; uri para iye'tane i'ri kupu auya'nokon para ri iyese. ⁶ Inu' ri esi para iyese yau moro uyau, iyese miri eno'masa', useketasa' ipanta kasa; miri waraino ipanta ton amuku miri eno'mato' pe apo' ya', iyepo'tito' pe. ⁷ Moro uyau iwesi kon pe iyese yau, umaimu ri niri esi moro ayau'nokon, i'se iwe'to' kon ekama'poti', irepa kon ni miri ike. ⁸ Se uya ukupunu apuripi'to' enpoika, tu'ke iyepeta kon, upoitoru ton pe iwesi kon eka-manin pe.

⁹ "Ikuipunu uya ui'nunkasa' na'ne' kasa, miri kasa ii'nunkasa' uya 'nokon. Moro si usi'nunkato' yau e'ti'. ¹⁰ Umaimu awiri iwesi kon yau, usi'nunkato' yau moro iwesi kon miri, ukupunu maimu awiri e'sa' na'ne' kasa kuru miri awonsi'ki moro isi'nunkato' yau e'ai'ne' kasa. ¹¹ Seri ke apana'tisa' uya 'nokon miri pori' pe e'to' pe ipi'nokon miri awonsi'ki pori' pe iwe'to' kon e'to' pe mararon pe para. ¹² Se seri apiyontin nito' uya: Itonpa kon i'nunkati', ii'nunkasa' uya 'nokon na'ne' kasa. ¹³ Inu' ri usi'nunkato' para ri iyese miri eke pe, kari tatonpa ton iwano' pe tauko'manto' tanin entai. ¹⁴ Utonpa ton pe

iwesi kon miri ayapiyo'ma'pɛ uya 'nokon kupɛ auya'nokon yau. ¹⁵ Upoitorɛ tukai' si iyesakɛ uya 'nokon pen seri enta', apɛne pɛra ipoitorɛ kari ri tepuru tɛrawasooi i'tunin pen. E'tane ru'ku, iyesakɛ uya 'nokon utonpa ton tukai', apɛne pɛra tanporon ni usenupa'pɛ ipi' ukɛipɛnɛ wini i'tu kon pa iku'sa' uya pi'. ¹⁶ Uyanɛnsa' auya'nokon pen, e'tane ayanɛnsa' uya 'nokon iuti kon pa epetai', iteperu moro tɛuko'mansen ye' pe. Miri a'tai, ikɛipɛnɛ uya irepa kon i'ri ri uyese' yau inekama'ponɛ kon ke. ¹⁷ Seri seri apiyontin nito' uya: Itonpa kon i'nɛnkati'.

Orɛ Uya Ipoitorɛ Ton Ewaruma'ti

¹⁸ “Orɛ uya iyewaruma'ti kon yau, iyenu kon yau mɛku'tɛi' wapiya uri ewaruma'ti'pɛ iya. ¹⁹ Orɛ iwano' pe iwesi kon yau, ii'nɛnka iya 'nokon miri tiwano' pe iwesi kon pi'. Na'ne' ri nin si, orɛ iwano' pe iwesi kon pen, e'tane ayanɛnsa' uya 'nokon orɛ apai. Miri wenai, orɛ uya iyewaruma'ti kon. ²⁰ Iyenu kon yau main usauroku'pɛ ru'pɛ mɛku'tɛi': 'Inɛ' ri ipoitorɛ esi pɛra iyesi eke pe tesa' entai,' tawon. To' uya ukota'masa' yau, to' uya ri mari ikota'ma kon miri. Uri uya tenupato' kon awiri to' esi yau, to' ri esi miri imiri'nokon uya to' enupa'pɛ awiri ri mari. ²¹ Seri kasa to' uya ikupɛ kon miri uyese' pi' iwesi kon pi', apɛne pɛra to' uya i'tu pɛra iyesi kari uyenko'nin nɛ'pɛ. ²² Uye'sa' pɛra iyesi yau to' auro'kase'na, tɛmakooi ke to' esi pi' iri pe to' nesii'no pen ni. E'tane nin si, miri pi', tɛmakooi kon wapu'tito' uya poken pɛra iyesi. ²³ Kari uyewaruma'tinin uya ukɛipɛnɛ ri

mari ewaruma'ti miri. ²⁴ Inu' nukupu'pu pen ni ku'sa' uya para iyesei yau to' koro'tau, tumakooi ke tesi kon pi' iri pe to' nesii'no pen ni. E'tane si seri eke tarawaso amu' kupu uya ensa' to' uya, e'tane si asa'ri ri mari uri, miri awonsi'ki ukupunu ewaruma'tisa' to' uya. ²⁵ E'tane seri iye'menukasa' Main uta'ku'tito' pe iyesei: 'Iwenai para ri to' uya uyewaruma'ti'pu,' tawon.*

²⁶ "Ipika'tinin kon uye'sa' a'tai, unennoko'pu ikupunu winipaino, i'napairon Akwaru, ikupunu yapai tepa'kasen uya uyekamoto' oton ipi'nokon. ²⁷ Mekamatui' ri niri imiri'nokon upiyau iwe'sa' kon miri iyepiya'ti'pu si'kiri.

16

¹ "Tanporo seri ke apana'tisa' uya 'nokon seri autano'ma kon namai'. ² To' uya iyenpa'kato' oton kon usenupan nito' iwu' tapai; i'napai ri iweyu uye'kapu, iwinin e'ku'to' oton waku kupu tuaya pe tekamai' Papa iwano' pe. ³ Seri rupi ton kupu to' uya miri, apune para to' uya ikupunu miri pe para uri i'tu para iyesei pi'. ⁴ Seri ke apana'tisa' uya 'nokon, iweyu uye'sa' a'tai, apana'ti'pu uya 'nokon e'to' pe iyenu kon yau. Seri ke apana'ti uya 'nokon pun wapiya, apune para ipiyau'nokon esi pi'.

Waku Akwaru Tarawasooi

⁵ "Utiyai' si uyenko'nin nu'pu piya', e'tane inu' uya uyekama'po para man, 'Nai ya' iuti?' tukai'. ⁶ Apune para si seri ton ekamasa' uya pi' upokoitasa' kon nin si. ⁷ E'tane i'napairon ekama uya ipi'nokon: Waku pe iwesi kon pa uti seri.

* 15:25 Eren 35:19; 69:4

Utisa' p̄ra iyesei yau, Ipika'tinin kon uyep̄ p̄ra iyesei ipiya'nokon; e'tane utisa' yau, ennoko uya miri ipiya'nokon. ⁸ Iye'sa' a'tai, or̄ pi' enpoika iya miri ipoken p̄ra makoi pi' iyesei pi', iyawiron pi', miri awonsi'ki eseru aimenkato' pi': ⁹ makoi pi', ap̄ne p̄ra ka'pon am̄ uya uyapur̄ p̄ra iyesei pi'; ¹⁰ iyawiron pi', ap̄ne p̄ra ik̄ip̄n̄ piya' uti pi', miri enta' uyene auya'nokon p̄ra iye'to' ya'; ¹¹ miri awonsi'ki eseru aimenkato' pi', ap̄ne p̄ra seri or̄ epuru si esi pi' eno'masa' pe.

¹² “Eke pe ri tato' uya man ipi'nokon, e'tane a'si auya'nokon poken p̄ra iyesei. ¹³ E'tane k̄ri, i'napairon A'kwar̄ uye'sa' a'tai, ayari iya 'nokon miri i'napairon ya'. Tiwano' pe isauro'to' oton pen, t̄neta'p̄ pi' riken isauro'to' oton, miri awonsi'ki ekamato' iya oton miyari ri t̄uyes̄en. ¹⁴ Uyapur̄pi'to' ipi' nep̄ iya miri uiwano' mo'ka t̄uya wini i'tunin pe iwesi kon pa ikup̄ iya. ¹⁵ Tanporo ik̄ip̄n̄ iwano' pe na'ne' esi miri uiwano' ri. Miri pe iyesei pi' ukayai'ne', Iya'kwar̄ uya uiwano' mo'ka i'tunin pe iwesi kon pa ikup̄ iya. ¹⁶ Seri pe iwa ri miri enta' uyene auya'nokon p̄ra iyena miri, miri awonsi'ki miri t̄po uyento' auya'nokon oton miri,” ta'p̄ iya.

Ipoitor̄ Ton Pokooi Era'tito' Oton Epori'man Pe

¹⁷ Ipoitor̄ ton tonpa ton uya ta'p̄ t̄tonpa kon pi', “I'ri ta iya e'kwa pe iyesei, ‘Seri pe iwa ri miri enta' uyene auya'nokon p̄ra iyena miri, miri awonsi'ki miri t̄po uyento' auya'nokon oton miri,’ miri awonsi'ki, ‘Ap̄ne p̄ra ik̄ip̄n̄ piya' uti pi’, n̄kayai'ne?’” ta'p̄ to' uya. ¹⁸ To' esi'p̄ usekama'popi' ni pi', “I'ri ta iya e'kwa pe iyesei,

‘seri pe iwa ri’ nikayai’ne’? Ito’ka’naku’nokon para man,” ta’pu to’ uya.

¹⁹ Sises uya ene’pu tekama’popai’nokon to’ esi seri pi’, miripan uya ta’pu to’ pi’, “fusekama’popitu kon i’ri ta uya e’kwa pe iyesi, ‘Seri pe iwa ri miri enta’ uyento’ auya’nokon oton pen, miri awonsi’ki miri tupo uyento’ auya’nokon oton ni miri’? ²⁰ I’napairon ekama uya ipi’nokon, iupokoitato’ oton kon, tauta’kwarakai’ aukaranto’ oton kon pata epori’ma tane. Iupokoitato’ oton kon, e’tane ipokooi kon era’tito’ oton epori’man pe.

²¹ Tentusen uri’san utaimerunpa miri e’ne’ pe tesi pi’, apune para taweyu e’seposa’ pi’; e’tane nin si tamare entusa’ a’tai, e’ne’ pe tesi’pu pu’tika’naku iya miri, apune para pori’ pe tesi pi’ mare entunusa’ tauya pi’ oru pona. ²² Miri kasa iwesi kon miri: Iupokoita kon weyu si seri, e’tane iyento’ uya ’nokon oton; miri a’tai, iyepori’ma kon miri, inu’ uya ri pori’ pe iwe’to’ kon mo’kato’ oton pen. ²³ Miri wai a’tai, i’ri pi’ ri uyekama’po auya’nokon pen ni miri. I’napairon ekama uya seri ipi’nokon; ukupunu uya ri irepa kon uyese’ yau inekama’po’pu kon ke. ²⁴ Seri pu’ku pona ri i’ri ri ekama’posa’ auya’nokon para man uyese’ yau. Ekama’poti’; miri a’tai, eporo auya’nokon ni miri, mararon pe para pori’ pe iwe’to’ kon esi miri.

²⁵ “Panton yai ayauro’kapi’sa’ uya ’nokon, e’tane iweyu naye’an seri rupi main yai ayauro’kato’ uya ’nokon weyu pen ni, e’tane sa’man yai para ri ukupunu ekamato’ uya oton ipi’nokon. ²⁶ Miri wai a’tai, uyese’ yau ekama’poto’ auya’nokon oton. Amaimu kon pe ikupunu ekama’poto’ uya oton ta uya pen. ²⁷ Kane, ikupunu uya ri tamiri pe

ii'nanka kon, apune p̄ra ui'nankasa' auya'nokon pi' miri awonsi'ki Papa wini uye'sa' pi' apurisa' auya'nokon pi'. ²⁸ Uyee'p̄ra ik̄aip̄ra winipai seri ora pona; seri nin si ora nimi uya, ik̄aip̄ra piya' enna'po," ta'p̄ra iya.

²⁹ Miri a'tai, ipoitor̄a ton uya ta'p̄ra, "Miri si ausaurok̄a ito'ka'nak̄a poken, panton yai p̄ra. ³⁰ Seri si ina uya i'tu tanporon ni i'tunin pe iwesi miri awonsi'ki inu' uya ri iyekama'poto' i'se p̄ra ri iwesi. Seri uya ina kup̄ra Papa winon pe aya-purinin pe," ta'p̄ra to' uya.

³¹ "Miri si apurisa' auya'nokon iu'mat̄a ya' ri!"* tukai' Sises uya to' eik̄a'p̄ra. ³² "E'tane iweyu n̄aye'an, iye'ka'sa' ri, iye'ta'n̄a'to' oton kon apata'se' kon ya'ne. Tikin sari unonkato' auya'nokon oton. E'tane ri tikin sari esi pen, apune p̄ra uk̄aip̄ra esi ke upiyau.

³³ "Seri ton ekamasa' uya ipi'nokon, uyau iwesi kon pa ewankamanin p̄ra. Seri ora po eke ri iyewankamanin kon esi, e'tane iyewan kon imeruntitan̄a'ti': Ora wapiya'kasa' uya man," ta'p̄ra iya.

17

T̄rapona Sises Ip̄rema'p̄ra

¹ Seri ton ta'p̄ra Sises uya t̄apo, tenu tar̄a'p̄ra iya Ep̄ra winik̄ai', miripan uya ta'p̄ra,

"Papai, iweyu uye'sa' man. Imu apuripi'ki, imu uya niri ayapuripi'to' pe. ² Tanporon kon esa' pe iye'to' pe merunti ke irepasa' auya na'ne'

* **16:31** Miri si apurisa' auya'nokon iu'mat̄a ya' ri; miri pe p̄ra, Seri pe pe' nai apuri auya'nokon?

kasa, tiwiri ri uko'man nito' tuto' pe iya, irepa'pua auya na'ne' nan ena'. ³ Seri tiwiri ri uko'man nito', to' uya i'tuto' pe i'napairon Papa pe iwesi, Sises Kurai niri i'tuto' pe to' uya inennoko'pua tukai'. ⁴ Seri non po ayapuripi'to' ne'sa' uya man, turawaso inturu'pua iku'to' pe uya i'ma'kasa' uya wini. ⁵ Papai, seri pe uyapuripi'ki upiyau iwesi ke ri, pena ipokon pe esi a'tai uyapuripi'taine' kasa non ekoneka wapiya.

Tupoitoru Ton Pona Sises Iparema'pua

⁶ "I'tuto' pe iyenpoika'pua uya* ka'pon amua urepasa' auya na'ne' nan orua apai ena'. Iiwano' pe to' esi'pua; to' tusa' auya uyena', miripan kon uya amaimu apurisa'. ⁷ To' uya niri i'tusa' seri tanporon urepa'pua auya esi iwinon pe tukai'. ⁸ Main urepa'pua auya ike ke to' repasa' uya, miripan anansa' to' uya. To' uya niri i'tusa' iwinu uye'sa' tukai', uyeno'sa' auya tukai' niri to' uya apurisa'. ⁹ To' pona iparema. Orua pona iparema pen, e'tane urepa'pua auya ton pona, apune para iiwano' pe to' esi pi'. ¹⁰ Tanporo upiyau na'ne' niri esi iiwano' pe, tanporo ipiyau na'ne' esi niri uiwano' pe. Kamoro uriya' uyapuripi'to' uye'sa'. ¹¹ Inke seri orua po esi pen, e'tane seri orua po to' esi, miri awonsi'ki uti nin si ipiya'. Waku ikupana, iyese' merunti ke to' iwapu'tiki—itese' urepa'pua auya ike—tikin ni to' e'to' pe, tikin ni e'ni na'ne' kasa. ¹² To' piyau esi koro'tau, to' wapu pe e'sa' man, to' pa'sima pi' miri itese' urepa'pua auya ike ke. Inua' ri utano'masa' para

* **17:6** I'tuto' pe ikupa'pua uya; miri pe para, iyese' i'tuto' pe ikupa'pua uya; v. 26 yau kanan.

man, kəri riken tuma'tasen ye' pe ri iye'ku'sa' rə'pə iye'menukasa' itekare a'ku'tinin pe ri.

¹³ “Ipiya' si uti seri, e'tane seri ton ekama uya seri non po ri mari esi koro'tau, pori' pe e'to' eponin pe to' e'to' pe tuya'nokon. ¹⁴ Amaimu ke to' repasa' uya, miripan kon ewaruma'ti oru pon kon uya, oru pon kon pe pəra to' esi wenai, uri niri esi oru pon pe pəra na'ne' kasa. ¹⁵ İpərema oru apai to' mo'ka pa pen, e'tane to' wapu pe iwesi pa iri namai'. ¹⁶ Oru iwano' ton pe pəra to' esi, oru iwano' pe pəra e'ai'ne' kasa. ¹⁷ Waku pe i'napairon poro to' iku'ki, amaimu esi i'napairon. ¹⁸ Oru pona uyennesa' auya na'ne' kasa, miri kasa ri mari to' enno'sa' uya non pon kon koro'ta'. ¹⁹ To' iwano' pe ekonekasa' waku pe, to' niri ekonekasa' e'to' pe waku pe.

Tanporon Kon Apurinin Nan Pona Sises İpərema'pə

²⁰ “Kamoro riken pona ipərema pen, e'tane kamoro uyapurinin nan pona niri to' maimu wenai. ²¹ Tikin ni tanporo to' e'to' pe, Pəpai, imiri esi na'ne' kasa uyau, uri niri ayau. To' niri e'to' pe tikin ni niri uyau'nokon, oru pon kon uya apurito' pe uyennesa' auya tukai'. ²² Uyapuripito' pe urepa'pə auya na'ne' ke to' repasa' uya, to' e'to' pe tikin ni, tikin ni e'ni na'ne' kasa ri mari: ²³ uri to' yau, imiri niri uyau. To' ekonekato' pe waku pe tikin nan ni yau, uyennesa' auya tukai' oru pon kon uya i'tuto' pe, to' i'nankasa' uya, ui'nankasa' auya na'ne' kasa.

24 “Papai, urepasa' auya ike na'ne' nan i'se esi upiyau e'ai'ne' yau, uyapuripi'to' ento' pe to' uya, urepa'p# auya na'ne' ike, ap#ne p#ra ui'n#nka auya pi', or# ekoneka rawiri ri.

25 “Ipokena' Papai, or# uya ii'tu p#ra iye'tane, ii'tu uya. Uyenno'sa' auya tukai' niri p#samoro uya i'tu. 26 Iyenpoikasa' uya to' ena', miri kup# uya miyari ri, ui'n#nkato' auya e'to' pe to' iwano' pe, uri ri niri si e'to' pe to' yau,” tukai' iwip#rema'p#.

18

Sises A'si'p# To' Uya

(Ma'siu 26:47-56; Ma' 14:43-50; Ur# 22:47-53)

1 T#wip#rema e'nonkasa' a'tai, Sises uti'p# t#poitor# ton pokon pe Kitaron aranta t#ni'kwiri'n#se. Iratoi po are' e'kwa esi'p#, miri ya' t#poitor# ton pokon pe Sises uti'p#.

2 Isutas si, eparankanin oton, uya miri pata i'tu'p#, ap#ne p#ra miri ya' inke ri t#poitor# ton pokon pe t#utipi'sen pe Sises e'pitu pi'. 3 Miri pi', Isutas uti'p# are' e'kwa na', tamu'kuru' tawon kon soisa am# ari pe miri awonsi'ki use'man nito' t#rawasomanin nan epuru ton eke ton kuru miri awonsi'ki Pari'si am# poitor# ton ari pe. To' uya ta'surai' ton, raan'pu ton miri awonsi'ki tepaai kon ari esi'p#.

4 Sises uya tanporon ni t#pi' te'ku'ton i'tu wenai, iti'p# to' ekama'poi', “In# i'se iwesi kon?” tukai'.

5 “Sises, Nasare' pon,” tukai' to' uya eiku'p#.

“Kuri ri uri,” ta'p# Sises uya. (Isutas nin si eparankanin e'soto'kasa' esi'p# miri to' pokon pe.)

⁶ Sises uya, “Kuri ri uri,” ta etasa' tɔuya'nokon a'tai, ta'poi kon ya' to' enna'po uta'mo'ka'pɔ non pona.

⁷ To' kanan ekama'pokaapɔ iya, “Inɔ' i'se iwesi kon?” ta'pɔ iya.

Miripan kon uya, “Sises, Nasare' pon,” ta'pɔ.

⁸ “Kuri ri uri, ukayai'ne ko,” ta'pɔ Sises uya. “Uwarinpa auya'nokon pe iyesei yau, tiwi pɔsamoro ka'pon amɔ' nɔti,” ta'pɔ iya. ⁹ Seri e'kupɔ'pɔ isaurokɔ'pɔ a'ku'tinin pe: “Tikin ni ri urepa'pɔ auya ton tonpa ano'masa' uya pɔra man,” ta'pɔ iya ru'pɔ.

¹⁰ Miri a'tai, Saiman Pi'ta, supara esa' pe te'sen uya imo'ka'pɔ, miripan uya use'man nito' tɔrawasomanin nan epuru poitorɔ pana enwo'ne' winon a'ti'pɔ. (Ipitorɔ ese' esi'pɔ Marɔ'kas.)

¹¹ Sises uya Pi'ta apiyo'ma'pɔ, “Isuparaai emaika! Ukɔpɔnɔ uya pe' uwo'pasa' na'ne' ike ensi uya pen?” ta'pɔ iya.

Anas Piya' Sises Ari

¹² Miri a'tai, tamu'kuru' tawon kon Roman soisaa' amɔ', tepuru kon pokon pe esii'ma, miri awonsi'ki Esuwerɔ amɔ' erasu ton uya Sises a'si'pɔ. To' uya auronpitu'pɔ, ¹³ miripan kon uya ari'pɔ wapiya Anas piya' Kaya'pas tamo, miri wapiya yau use'man nito' tɔrawasomanin nan epuru pe te'sen. ¹⁴ Kaya'pas kuri ri Esuwerɔ amɔ' pi' wakɔ pe iwa iyesei miri tikin nan ka'pon uma'tasa' a'tai ka'pon amɔ' iwano' pe tawon nɔ'pɔ.

Pi'ta Uya Sises Nonka'pɔ

(*Ma'siu 26:69-70; Ma' 14:66-68; Ɔru' 22:55-57*)

15 Saiman Pi'ta miri awonsi'ki taron ni ipoitoru uya Sises e'ma'puka esi'pu. Apune para use'man nito' tarawasomanin nan epuru ni'tunu pe puse ri ipoitoru esi'pu, miripan uti'pu Sises a'kiri use'man nito' tarawasomanin nan epuru iwu' pu'ku ta'.
 16 E'tane Pi'ta esi'pu mura'ta nau itenupikiri e'ni pi'. Taron ni ipoitoru use'man nito' tarawasomanin nan epuru ni'tunu, enna'posa' uyee'pu, miripan uya miri yawon uri'san auro'ka'pu, miripan uya Pi'ta ewonnaku'pu.

17 “Imiri pen pe' kari ri, kari ri poitoru ton tonpa, imiri ri?” tukai' uri'san mura'ta nawon uya Pi'ta ekama'po'pu.

Entakanoma'pu iya, “Uri pen ni kari ri,” tukai'.

18 Komi' pe pata esi'pu, miri pi' to' poitoru ton miri awonsi'ki eke ton ni e'soto'pi'sa' esi'pu a'non pi' apo' piyau. Pi'ta ri niri e'soto'kasa' esi'pu to' koro'tau a'non pi'.

Sises Ekama'popitu'pu

(Ma'siu 26:59-66; Ma' 14:55-64; Uru' 22:66-71)

19 Miri koro'tau, use'man nito' tarawasomanin nan epuru uya Sises ekama'popitu'pu ipoitoru pi' miri awonsi'ki enupan nito' iya pi'.
 20 Sises uya imaimu eiku'pu, “Ama'ai para usauro'sa' man usenupan ku'sa' uya man Esuweru amu' usenupato' iwu' tau, use'man nito', ipareman nito' iwu' tau, Esuweru amu' amurato' yau'ne.
 21 I'ri pe iyesi pi' uyekama'po auya? Uyetanin nu'san ekama'poki. To' uya ri i'tu miri umaimu ru'pu,” ta'pu iya.

22 Seri kasa isauroku a'tai, soisa amu' tonpa iye'mu'sa'kasa' uya temiyatu ke itemu' pi' iwini'pu.

“Miri kasa pe' t̄m̄aimu'sen k̄ari use'man n̄ito' t̄rawasomanin nan epuru?” tai'ma.

²³ Sises uya imaimu eiku'p̄u, “Ipoken p̄ra us-auro'sa' pe iyesei yau, ekama'. E'tane i'napairon pi' usauro'sa' pe iyesei yau, i'ri pe iyesei pi' uwini auya?” ta'p̄u iya. ²⁴ Anas uya ennoko'p̄u auronpi'sa' pe ri mari Kaya'pas piya' use'man n̄ito' t̄rawasomanin nan epuru.

Iyakon Ite'kwa Pe, Itosor̄wano Ite'kwa Pe Sises Nonka'p̄u

(Ma'siu 26:71-75; Ma' 14:69-72; Ɔru' 22:58-62)

²⁵ Saiman Pi'ta e'm̄u'sa'kasa' esi koro'tau a'non pi'. “Ipoitor̄u ton tonpa pen pe' imiri?” ta'p̄u to' uya ipi'.

I'tunin pe p̄ra iye'kuu'p̄u, “Uri pen ni,” ta'p̄u iya.

²⁶ Use'man n̄ito' t̄rawasomanin nan epuru poitor̄u tonpa pe te'sen, Pi'ta nakut̄u'p̄u ipana tonpa pe te'sen uya ta'p̄u, “Imiri pen pe' iya'kiri are' e'kwa nau sentaine' pen?” ta'p̄u iya.

²⁷ Pi'ta kanan e'ku'kaa'p̄u i'tunin pe p̄ra. Miri a'tai ri, kiritiki epiya'ti'p̄u uturun ni pi'.

Sises Ari'p̄u To' Uya Paire' Piya'

(Ma'siu 27:1-2, 11-31; Ma' 15:1-20; Ɔru' 23:1-5, 13-25)

²⁸ Miri a'tai, Esuwer̄u am̄u' uya Sises ari'p̄u Kaya'pas piyapai Roman am̄u' kop̄naai iw̄u' ta'. Awanaku'i' si pata enaka'sa' esi'p̄u, iri pe enapai p̄ra tesi kon pi' Esuwer̄u am̄u' ewom̄u'p̄u pen miri ya', enta'napai tesi kon pi' Itepoi Iti'p̄u Weyu Ru'p̄u a'taino pi'. ²⁹ Paire' epa'ka'p̄u to' piya', “I'ri waraino ke eseru'ti auya'nokon?” tase'na.

³⁰ To' uya imaimu eiku'pu, "Iri ku'sa' iya pu'ra iyesi yau, ina n'neru'i'no pen iyena'," ta'pu to' uya.

³¹ Paire' uya ta'pu to' pi', "Ati' si iteseru aimenka kon pa main, Mosi' winon awiri," ta'pu iya.

Esuweru amu' epuru ton uya ta'pu ipi', "Main, Mosi' winon pe pu'ra ri iyesi inu' ri tuto' pe ina uya iyeri'to' ya'," ta'pu to' uya. ³² Seri e'kupu'pu Sises uya ta'pu ru'pu uta'ku'tito' pe miri kasa eri'to' oton ta'pu iya ru'pu.*

³³ Paire' kanan ewonkaa'pu tiwu' ta', miripan uya Sises ki'ma'pu, miripan uya ekama'po'pu, "Esuweru amu' kin pe' imiri?" tukai'.

³⁴ Sises uya imaimu eiku'pu, "Imiri pe ri pe' seri mukayan, taron kon uya ri kati ayauru'kasa' upi'?" ta'pu iya.

³⁵ Paire' uya imaimu eiku'pu, "Esuweru pe' uri? Itonpa ton, use'man nito' tarawasomanin nan epuru ton eke ton kuru uya itusa' uyena'. Iri kupu'pu auya?" ta'pu iya.

³⁶ Sises uya imaimu eiku'pu, "Seri non po itesa' pe e'to' esi pen. Seri non po itesa' pe e'to' esi yau, upoitoru ton nepanta'mai'no Esuweru amu' uya uya'si namai', e'tane seri po itesa' pe e'to' esi pen taron ni yau ri iyesi," ta'pu iya.

³⁷ Paire' uya ta'pu, "Kin pe ka'si iwesi wa!" ta'pu iya.

18:32 Isaan 3:14; 12:32 * **18:32** miri kasa uma'tato' oton ta'pu iya ru'pu—Sises uya t'utanunse eriku ta'pu, kurusu' po teriku ta iya e'kwa pe iyesi'pu. Roman amu' uya iye'wisa' kon wini eseru esi'pu kurusu' pona to' t'apokapi'se, e'tane miri kasa inu' ri wini Esuweru amu' uya i'se pu'ra to' esi'pu.

Sises uya imaimu eiku'p_u, “Ipoken ni iwesi, kin pe esi mukayai'ne'.† I'nai ri, entu'p_u seri wenai, seri pi' uyee'p_u seri non pona, i'napairon ekamai'. Tanporon kon i'napairon wini na'ne' uya umaimu eta,” ta'p_u iya.

³⁸ Paire' uya ta'p_u ipi', “I'ri miri i'napairon?” Seri ta pe, iti'p_u kanan Esuwer_u am_u' piya'. Ta'p_u iya to' pi', “I'ri imakooi eposa' uya p_ura man. ³⁹ E'tane iyaseru kon esi tikin ni a'sisa' nonkato' pe Itepoi Iti'p_u Weyu Ru'p_u a'tai. Miri wenai Esuwer_u am_u' kin ken pe' nonka uya iyena'nokon?” ta'p_u iya.

⁴⁰ Tuuki'pi'n_um_u kon yau, “Kane, k_uri ri pen. Parapas kuru!” ta'p_u to' uya. Parapas esi'p_u Roman kop_unaai ewa'noma yau iye'sa' r_u'p_u.

19

Sises Tu'ru'p_u Kurusu' Pona Ipokapi'to' Pe

¹ Miri a'tai, Paire' uya Sises an_um_u'p_u, miripan ari'po'pi'to' pe ikup_u'p_u iya. ² Soisa am_u' uya tikukena' e'mepi'tu'p_u aro', k_uron pe, miripan tu'ru'p_u to' uya i'pai pona. To' uya iponti'p_u tutariren ya', ³ miripan ekare pi' to' utipitu'p_u, “Miyari, Esuwer_u am_u' kin!” tapitai'ma. To' uya temiyatu kon ke iwini'p_u item_u' pi'.

⁴ Paire' epa'kaka'a'p_u kanan Esuwer_u am_u' pi' tase'na, “Ap_une enti', enpa'ka uya seri iyena'nokon i'tu kon pa iri pe iyese tato' uya ipikiri p_ura ri iyese,” ta'p_u iya. ⁵ Sises epa'kasa' a'tai, imi'ni si e'mepi'sa' iyarukooi pe miri awonsi'ki tutariren pe si ipon, Paire' uya si ta'p_u to' pi', “P_use ri si!” ta'p_u iya.

† **18:37** Kin pe esi mukayai' sa'ne ko; miri pe p_ura, Ipoken ni miri ta auya miri.

6 Ensa' tũuya'nokon a'tai, use'man nito' tũrawasomanin nan epuru ton eke ton kuru miri awonsi'ki to' poitorũ ton uki'pi'nũnpitũ'pũ, "Kurusu' pona ipokapi'ti'! Kurusu' pona ipokapi'ti'!" tukai'.

E'tane Paire' uya to' eiku'pũ, "Anũnti', kurusu' pona ipokapi'tũ kon pa. Uri nin, iri pe iyesei tato' uya ipikiri pũra nin man," ta'pũ iya to' pi'.

7 Esuwerũ amũ' uya ta'pũ, "Main esanon ina, miri awiri ima'tato' pe ri iyesei, apũne pũra Papa Mumu pe iye'kupũ pi'," ta'pũ to' uya.

8 Paire' uya miri etasa' a'tai, miri uya ri miyari ri enari'pa'pũ, 9 miripan enna'po'pũ tiwũ' ta', miripan uya Sises ekama'po'pũ, "Nai winipai iuye'sa?" tukai', e'tane Sises uya eiku'pũ pen. 10 "Uyauro'kapai pũra si iwesi?" ta'pũ iya ipi'. "I'tu auya pũra pe' iyesei tũmeruntirũ ke esi imo'kato' ike miri pe pũra kurusu' pona ipokapi'to' ike?" ta'pũ iya.

11 Sises uya eiku'pũ, "Uyentai imeruntirũ pũra iyesei ka'tapai irepa'pũ ike. Miri pi' kuri iyena' utũnin nũ'pũ umakoitasa' miri eke pe kuru," ta'pũ iya.

12 Miri si'kiri, Paire' esi'pũ Sises inmo'kapai to' uya iwini namai', e'tane Esuwerũ amũ' uki'pi'nũnpitũ'pũ, "Pũse ri utito' pe iku'sa' auya yau, Sisa tonpa pe pũra ri iwesi miri. Inũ' ri kin pe ne'ku'ai'ne' esi miri Sisa ewa'nomanin pe," ta'pũ to' uya.

13 Seri etasa' tũuya a'tai, Paire' uya Sises enpa'ka'pũ, miripan ereuta'pũ eseru aimenkato' apon po, pata, Ti' Konekasa' tato' yau, (Arami' pe Kapa'ta tato' ipi'). 14 Itepoi Iti'pũ Weyu Rũ'pũ e'ma

ta' ekonekan nito' pe iyesi'p_u, p_ure'po'si e'to' a'tai ri,

“P_use ri si kin, iiwano' kon,” ta'p_u Paire' uya Esuwer_u am_u' pi'.

¹⁵ E'tane to' uki'pi'n_unpi't_u'p_u, “Ati'! Ati'! Kurusu' pona ipokapi'ti'!” ta'p_u to' uya.

“Kin pe' iiwano' kon pokapi't_u uya kurusu' pona?” ta'p_u Paire' uya to' pi'.

“Ina kin p_ura ri man, e'tane Sisa riken ina kin,” ta'p_u use'man nito' t_urawasomanin nan epuru ton eke ton kuru uya.

¹⁶ Iye'nonka pe ri nin si, Paire' uya it_ur_u'p_u miri to' ena' kurusu' pona to' uya ipokapi'to' pe.

Kurusu' Pona Sises Pokapi't_u'p_u To' Uya

(Ma'siu 27:32-44; Ma' 15:21-32; Uru' 23:26-43)

Soisa am_u' uya nin si Sises a'sikaa'p_u miri.

¹⁷ Tiwari ri takurusukuui ari'ima iti'p_u Pu'pi I'p_u Ru'p_u pata'se' ya' (Arami' pe Kor_uko'ta tato' ya').

¹⁸ Seri yau si kurusu' pona to' uya ipokapi't_u'p_u miri, asa'ron kon t_uron kon pokon pe, sen wini'ne Sises si to' aporo' po.

¹⁹ Paire' uya ento' ipi' menukasa' esi'p_u, miripan t_usa' iya esi'p_u kurusu' pi', SISES, NASARE' PON ESUWER_u AM_u' KIN, tawon. ²⁰ Tu'kan kon Esuwer_u am_u' uya seri tawon ene'p_u, ap_une p_ura a'ko pe pata piyau Sises pokapi'sa' to' uya esi'p_u, kurusu' pona ento' ipi' e'menukasa' esi'p_u Arami' pe, Ra'ten pe, miri awonsi'ki Kiri' pe. ²¹ Esuwer_u am_u' use'mato', ip_uremato' t_urawasomanin nan epuru ton eke ton kuru uya ta'p_u Paire' pi', “‘Esuwer_u Am_u' Kin' tukai' k_u'menukai, e'tane p_use ri e'kup_u Esuwer_u am_u' kin pe, tukai' riken imenuka',” ta'p_u to' uya.

22 Paire' uya to' eiku'pɥ, "Imenukasa' uya na'ne' esi miri, imenukasa' uya pe ri," ta'pɥ iya.

23 Sises pokapi'sa' tɥuya'nokon a'tai kurusu' pona, soisa amɥ' uya ipon anɥmɥ'pɥ asakiri'ne tukaisari'nokon to' uya ekamɥ'pɥ, iyo'non niken tɥnonkai'. Seri ipon esi'pɥ to'sa ri ika'sa' tikin nan ni inakapu ponsi'ki ipurakon pɥ'kɥ pona.

24 "Ikarapi'pai'nokon pɥra, apɥne tɥusi'tui' te'wapiya'kai' imo'kapai'nokon," ta'pɥ to' uya.

Seri e'kupɥ'pɥ iye'menukasa' itekare uta'ku'tito' pe,

"To' uya tukaisari'nokon upon ekamɥ'pɥ, miri awonsi'ki tɥusi'tui' te'wapiya'kai' to' uya upon anɥmɥ'pɥ,"*

tawon. Miri si kupɥ'pɥ soisa amɥ' uya miri.

25 Sises kurusukuui piyau isan e'soto'kasa' esi'pɥ, isan pasi Meri, Kɥro'pas no'pɥ, miri awonsi'ki Meri Mataren. 26 Miri yau Sises uya tɥsan ensa' a'tai, miri awonsi'ki tɥpoitorɥ tɥni'nɥnkanɥ e'soto'kasa' a'ko pe, ta'pɥ iya tɥsan pi', "Kɥri ri si imɥre," ta'pɥ iya, 27 miri awonsi'ki tɥpoitorɥ pi', "Kɥri ri si asan," ta'pɥ iya. Miri a'tai ri, ipoitorɥ uya ari'pɥ tɥpata'se' ya'.

Sises Erikɥ

(Ma'siu 27:45-56; Ma' 15:33-41; Ɔru' 23:44-49)

28 Emennɥ'pɥ, tanporon ni enuka'sa' i'tu tɥuya pi', imenukasa' si itekare uta'ku'tito' pe, ta'pɥ miri, "Tuna'kiri' ke e'ai'," ta'pɥ iya. 29 Moro iyesi'pɥ miri yau wai yawon waain peneka, miripan ka' su'pa tuki'se, iyui i'so'pu ye' pi' to' uya inta na' itɥrɥ'pɥ. 30 Miripan ku'kasa' tɥuya a'tai, Sises

* 19:24 Eren 22:18 19:28 Eren 69:21; 22:15

uya, “Nu'ma'tai si,” ta'p_u. Miri pe ri nin si, ti'pai t_upeimai' ta'kwar_u t_ur_u'p_u iya miri.

³¹ Miri si esi'p_u miri ekonekan weyu pe, miri ema'sa' yawon Sapa' esi pi' eke pe kuru To' Epoi Iti'p_u Weyu Ru'p_u pe. Ap_une p_ura Sapa' a'tai eke' am_u' i'se p_ura t_usi kon wenai kurusu' po'ne, Es-uwer_u am_u' uya Paire' ekama'po'p_u to' pisi ton i'kw_i'pi'to' pe iku'to' pe iya, miripan kon ekepu nu'tipi'to' pe kurusu' poi. ³² Miri pi' si soisa am_u' uyee'p_u wapiyaro' pisi ton i'kw_i'pi'se'na Sises pokon pe kurusu' pona ipokapi'sa' ru'p_u, miri awonsi'ki si isakon pisi ton. ³³ E'tane si Sises piya' to' uye'sa' a'tai, iyeri'ka'sa' pe to' uya ene'p_u; miri wenai, to' uya i'si ton i'kw_i'pi't_u'p_u pen. ³⁴ E'tane nin, soisa am_u' tonpa uya apuruka'p_u iteire' airi suparari ke, miripan yai m_un miri awonsi'ki tuna e'kwam_u'p_u. ³⁵ Ka'pon ennin n_u'p_u uya eka-masa', miripan nekama'p_u esi i'napai ri. I'tu iya i'napai ri t_unekaman_u esi tukai', imiri ri niri uya apurito' pe t_ukasimai' p_ura. ³⁶ Seri ton e'kup_u'p_u iye'menukasa' itekare uta'ku'tito' pe, “Tikin ni ri iy_i'p_u e'kw_i'to' oton pen,”† tawon, ³⁷ miri awonsi'ki t_uron ni kanan iye'menukasa', “T_unapuruka'p_u kon enpi'to' oton to' uya,”‡ tawon.

Sises U'na'ti'p_u Isole' Uya

(Ma'siu 27:57-61; Ma' 15:42-47; Uru' 23:50-56)

³⁸ Emenn_u'p_u iwa ri, Isole', Arama'tiya pon uya Sises ekepu ekama'po'p_u Paire' pi'. Isole' esi'p_u Sises poitor_u pe, e'tane ama'ai, ap_une p_ura Es-uwer_u am_u' pi' tenari'n_um_u pi'. Paire' uya ewai'

† 19:36 E'sotas 12:46; Nonpa 9:12; Eren 34:20. ‡ 19:37 Sakaraya 12:10; Isenpoikasa' 1:7

tasa' pi' iyee'p_u Sises ekepu kan. ³⁹ Nekutimas esi'p_u isakon pe, pena iwa Sises piya' ewarupi nau itisa' ru'p_u. Nekutimas uya karapa mir_u isumasa' aro tato' pokon pe nee'p_u, 75 pon e'to' airi ri. ⁴⁰ Asa' ipi' si esii'ma Sises ekepu asa' tuuya'nokon onti'p_u to' uya miri a'po'nan pokon pe, pon renen tato' atu saai'pi'sa' ke. Seri esi'p_u miri Esuwer_u am_u' uya tekepu kon u'na'ti eseru yau. ⁴¹ Pata, Sises pokapitu'p_u to' uya kurusu' pona na'ne' airi iyese'p_u umi, miri umi yau emenna' pe ti' akasa' uruwai' pe esi'p_u in_u' ri emaikasa' ru'p_u pen ni ya'. ⁴² Ap_une p_ura si Esuwer_u am_u' ekonekato' weyu pe iyese'pi', miri awonsi'ki a'ko pe ti' akasa' uruwai' pe esi'pi', miri ya' Sises emaika'p_u to' uya.

20

Iyar_u P_un Ti' Akasa' Uruwai'

(Ma'siu 28:1-10; Ma' 16:1-11; Uru' 24:1-12)

¹ Awanaku' kuru, suntaaka epiya'ti pe, ewarupi pe ri mari pata e'tane, Meri Mataren uti'p_u ti' akasa' uruwai' pe pona, miripan uya ti' utamasa' imura'taai apai ene'p_u. ² Miripan eka'tunsa' uti'p_u Saiman Pi'ta miri awonsi'ki taron ni ipoitor_u, kari Sises ni'n_ukan_u piya', miripan uya ta'p_u, "To' uya Itepuru mo'ka'p_u man ti' akasa' uruwai' pe apai, miripan i'tu p_ura ri iyese' nai ya' ri nawon to' uya ituru'p_u!" ta'p_u iya.

³ Miri pi' si Pi'ta miri awonsi'ki taron ni ipoitor_u ton e'sara'ti'p_u ti' akasa' uruwai' pe pona utin pi'.

⁴ Asa'ri ri to' eka'tum_u esi'p_u, e'tane isakon uya Pi'ta entaka'p_u, miripan uya ti' akasa' uruwai' pe

eporo'pɥ iwapiya. ⁵ Te'timuikai' tenu tɥpɪtɥ'pɥ iya pon renen atɥ saai'pi'sa' kusan pe ene'pɥ iya miri yau, e'tane iyewomɥ'pɥ pen. ⁶ E'tane nin si Saiman Pi'ta, ite'ma'pɥ pe te'sen uyee'pɥ, miripan ewomɥ'pɥ ti' akasa' uruwai' pe ya'. Pon saai'pi'sa' kusan pe renen tato' ene'pɥ iya miri yau, ⁷ eke' on pe kanan te'sen Sises i'pai won nɥ'pɥ. Tɥpona ri e'mepi'sa' esi'pɥ, pon renen atɥ saai'pi'sa' kusan pe pokon pe pɥra. ⁸ Miri awonsi'ki nin si tɥron ni ipoitorɥ, ti' akasa' uruwai' pe eponin nɥ'pɥ wapiya, ri mari ewomɥ'pɥ. Miripan uya tɥnene'pɥ apuri'pɥ. ⁹ (To' uya ito'ka'nɥkɥ pɥra ri mari iyesi'pɥ iye'menukasa' itekare Sises e'mɥ'sa'kato' oton terikɥ'pɥ apai, tawon.)

Sises Usenpoika Meri Mataren Piyau

¹⁰ Miri a'tai, ipoitorɥ ton enna'po'pɥ tɥpata kon ya', ¹¹ e'tane Meri, e'soto'kasa' esi'pɥ ti' akasa' uruwai' pe piyau ukaran ni pi'. Akaramɥi'ma te'timuikai' tenu tɥpɪtɥ'pɥ iya ti' akasa' uruwai' pe ya', ¹² miripan uya asa'ron kon aimu'nan ipon ton inserɥ amɥ' ereutapi'sa' ene'pɥ, Sises ekepu pata'pɥ yau, i'pai pata'pɥ airi miri awonsi'ki i'ta pata'pɥ airi isakon. ¹³ To' uya ekama'po'pɥ, “Ma'non, i'ri pi' aukaramɥ?” ta'pɥ to' uya.

“To' uya uyepuru ari'pɥ, nai ya' ri nawon to' uya itɥrɥ'pɥ,” ta'pɥ iya. ¹⁴ Tai'ma iyera'ti'pɥ, miripan uya Sises ene'pɥ iye'soto'kasa' miri yau, e'tane Sises tukai' i'tu iya pɥra iyesi'pɥ.

¹⁵ “Ma'non, i'ri pi' aukaramɥ? Inɥ' warinpa auya?” ta'pɥ iya ipi'.

Umi t̄rawasomanin pe ri nin si tekamai', "Ap̄ne ken, ar̄i'p̄u auya pe iyese yau, ekamaki nai ya' it̄ur̄u'p̄u auya, ikan ut̄ito' pe," ta'p̄u iya ip̄i'.

16 "Meri," ta'p̄u Sises uya ip̄i'.

Iyera'ti'p̄u Sises win̄ik̄ui' iki'pi'n̄um̄ui'ma Arami' pe, "Raponai!" (Ti'sa ta e'kwa pe).

17 Sises uya ta'p̄u, "Up̄i' kata'sii, ap̄ne p̄ra enna'posa' p̄ra ri mari man ik̄uip̄an̄u piya'. E'tane, enta ru'ku uyakon non piya', to' pana'tii', 'Ut̄iyai' uk̄uip̄an̄u piya', miri awonsi'ki ik̄uip̄an̄u kon piya', itese' pi' e'to' piya', miri awonsi'ki itese' pi' iwe'to' kon piya', " ta'p̄u iya.

18 Meri Mataren nin si ut̄i'p̄u miri itekareei esa' pe ipoitor̄u ton piya', "Itepuru ene'p̄u uya," ta'p̄u iya. Tauro'ka'p̄u iya ke to' pana'ti'p̄u iya.

Sises Usenpoika'p̄u T̄upoitor̄u Ton Piya'

(Ma'siu 28:16-20; Ma' 16:14-18; Ɔru' 24:36-49)

19 Miri ri suntaaka e'sara'ti ko'mamiri pe, a'sam̄ut̄u yau ipoitor̄u ton esi a'tai, m̄ura'ta ta'kop̄i'se Esuwer̄u am̄u' pi' enari'ke' pe tesi kon pi', Sises uyee'p̄u, miripan e'soto'ka'p̄u to' koro'tau, miripan uya, "Miyari'nokon!" ta'p̄u to' pi'. 20 Seri ta t̄upo, temiyat̄u miri awonsi'ki t̄uteire' enpoika'p̄u iya to' ena'. Ipan pe ri ipoitor̄u ton epori'ma'p̄u itepuru ensa' t̄uuya'nokon a'tai.

21 Sises uya kanan takaa'p̄u to' pi', "Miyari'nokon! Ik̄uip̄an̄u uya uyenne'sa' na'ne' kasa ri, iyennoko uya 'nokon seri," ta'p̄u iya to' pi'. 22 Miri tai'ma to' pona ise'netu'ka'p̄u, "Wak̄u A'kwar̄u an̄anti'," tai'ma. 23 "Ɔn̄u' mako'i ton pi' ri iusentu'ma yau, ip̄i' ri usentu'man; miri

ton pi' iusentu'ma p̄ra iyesi yau, miri ton pi' ri usentu'man p̄ra iyesi miri," ta'p̄a iya.

Sises Usenpoika Tamas Piya'

²⁴ Tamas nin si (Titimas tato' ipi'), 12 kaisaron kon tonpa p̄ra iyesi'p̄a, t̄atonpa ton koro'tau Sises uye'sa' a'tai to' piya'. ²⁵ T̄aron kon nin si ipoitor̄a ton uya, Itepuru ensa' t̄uuya'nokon n̄u'p̄a ekama a'tai, ta'p̄a iya, "Tui' i ru'p̄a itemiyat̄a pokon, miripan ya' uyemiyat̄a t̄asa' uya a'tai, miri awonsi'ki iteire' ya' uyemiyat̄a t̄asa' uya a'tai kuru nin apuri uya miri," ta'p̄a iya.

²⁶ Tikin ni suntaaka pata'p̄a pe, ipoitor̄a ton kanan esi'p̄a iuti tau, Tamas nin si esi'p̄a miri to' piyau. M̄ura'ta ri uta'kosa' e'tane, Sises uyee'p̄a to' koro'ta' e'soto'kai', miripan uya ta'p̄a, "Miyari'nokon!" ta'p̄a iya to' pi'. ²⁷ Miri a'tai, ta'p̄a iya Tamas pi', "Iyemiyat̄a it̄uki se ya'; uyemiyat̄a ton enki. Iyemiyat̄a tinkai' uteire' ya' it̄uki. Ikasimato' auya t̄anonkai' apuriki," ta'p̄a iya.

²⁸ Tamas uya ta'p̄a ipi', "Uyepuru miri awonsi'ki Papa, itese' pi' e'to'!" ta'p̄a iya.

²⁹ Miri a'tai, Sises uya ta'p̄a ipi', "Ap̄ane p̄ra uyensa' auya pi', apurisa' auya; pori' pe kamo esi miri ene t̄apo p̄ra ri apurinin nan," ta'p̄a iya.

³⁰ Sises uya tu'ke ri eke Papa t̄arawasooi ti'tuto' ipikiri kup̄u'p̄a t̄apoitor̄a ton uya entane, e'tane seri kareta pi' iye'menukasa' p̄ra iyesi. ³¹ E'tane seri ton e'menukasa' apuri kon pa,* Sises esi

20:23 Ma'siu 16:19; 18:18 * **20:31** Seri ton e'menukasa' apuri kon pa; miri pe p̄ra, Seri ton e'menukasa' miyari ri apuri kon pa

Karai,† Papa Mu, miripan apuri auya'nokon wini iuko'manto' kon eporo kon pa itese' yau.

21

Sises Usenpoika Tupoitoru Ton Tonpa Ton Piya'

¹ Miri pata'pu pe, Sises kanan usenpoikakaa'pu tupoitoru ton piya', Taipiriyas* ku'puri piyau. Se kasa iyesi'pu: ² Saiman Pi'ta, Tamas (Titimas† tato' ipi'), Na'taniyeru, Kena, Kiyarari yawon winon; Sepiti munki amu', miri awonsi'ki asa'ron kon taron kon ipoitoru ton esi'pu a'samatu yau. ³ “E'saponka seri moro' amu' a'sii,” ta'pu Saiman Pi'ta uya to' pi', miripan pi', “Aya'kiri ina uti seri,” ta'pu to' uya. Miripan kon utisa' ekanwa'tipitu'pu kanau ya', e'tane miri ewarupui tau, moro' amu' a'si'pu to' uya pen ni.

⁴ Awanakui' kuru, Sises e'soto'kasa' esi'pu tuna e'pi po, e'tane ipoitoru ton uya ito'ka'naku para iyesi'pu Sises pe. ⁵ To' ki'pini'npa'pu iya, “Utonpa ton, moro' amu' pe' a'sisa' auya'nokon para nai?” ta'pu iya.

“Kane!” ta'pu to' uya.

⁶ “Ipunweru kon eno'mati' kanau enwo'netu winikui'; miri a'tai, to' ri eporo auya'nokon miri,” ta'pu iya. To' uya iku'sa' a'tai, to' uya ipi'siku poken para ri to' punweru esi'pu, apune para tu'ke ri moro' amu' esi ke.

⁷ Miri a'tai si, ipoitoru Sises ni'nankanu uya Pi'ta pi', “Itepuru pe man!” ta'pu miri. “Itepuru

† **20:31** Karai (Kiri' maimu), miri pe para, Me'saya (Ipuru maimu)

Papa Nanamu'pu ta e'kwa pe. * **21:1** Taipiriyas; miri pe para, Kiyarari † **21:2** Titimas—Esimunui' ta e'kwa pe. **21:3** Uru' 5:5

21:6 Uru' 5:6

pe man,” ta iya etasa' tɔuya pe ri, Saiman Pi'ta uya tɔpon pɔro'pon e'me'pɔ tɔwoi (imo'kasa' iya esi'pɔ), miripan e'sanɔmɔ'pɔ tuna ka'. ⁸ Tɔron kon ipoitorɔ ton uya nin si e'ma'pɔka'pɔ miri kanau yau, tu'kan kon moro' amɔ' en punwe tewa'tii' to' uya ipi'siku'pɔ, apɔne pɔra inni kuru pɔra ri 300 pi'‡ e'to' airi ri tuna e'pi piyapai tesi kon ke. ⁹ To' e'te'kasa' a'tai, enkena' pe apo' e'simikasa' ene'pɔ to' uya moro' e'puru ipo, miri awonsi'ki pɔreti esi'pɔ.

¹⁰ Sises uya, “Moro' amɔ' si seri pe kuru ma'sitɔune' inne'ti',” ta'pɔ miri to' pi'.

¹¹ Saiman Pi'ta ekanwa'tisa' uya nin si punwe pi'siku'pɔ miri makɔi'. Tu'ke ri, 153 kaisa ri eke ton moro' amɔ' esi'pɔ, e'tane punwe ekaraka pɔra ri iyesi'pɔ. ¹² Sises uya, “Isi'ti', enta'natanɔ'ti',” ta'pɔ to' pi'. Ipoitorɔ ton uya, “Inɔ' imiri?” ta pɔra ri iyesi'pɔ ipi'. Itepuru pe to' uya i'tu'pɔ. ¹³ Sises uyee'pɔ, pɔreti tanɔnse to' repa'pɔ iya, miri kasa ri moro' ke to' repa'pɔ iya. ¹⁴ Seri si seri itosorɔwano ite'kwa pe Sises usenpoika'pɔ tɔpoitorɔ ton ena', teriku tɔpo te'mɔ'sa'kasa' a'tai.

Sises Uya Pi'ta Eri'to' Ekama'pɔ

¹⁵ Tenta'na kon e'nonkasa' a'tai, Sises uya ta'pɔ Saiman Pi'ta pi', “Saiman, Isaan mumu, ui'nɔnka auya kuru ri pe' pɔsamo entai?” ta'pɔ iya.

“Ewai', uyepuru, ii'nɔnka uya ri i'tu auya,” ta'pɔ Pi'ta uya.

Sises uya ta'pɔ ipi', “Uikɔn non karimeru munki amɔ' ken si ewe'ki,” ta'pɔ iya ipi'.

‡ 21:8 300 pi'; miri pe pɔra, 200 kiyupi' amɔ'; 90 mi'ta e'to' airi.

16 Sises uya kanan takaa'pɛ ipi', "Saiman, Isaan mumu, ui'nɛnka auya kuru ri pe'?" ta'pɛ iya.

Eiku'pɛ iya, "Ewai', uyepuru, ii'nɛnka uya ri i'tu auya," ta'pɛ iya.

Sises uya, "Uikɛn non ken si karimeru amɛ' ipa'simaki," ta'pɛ ipi'.

17 Itosorɛwano ite'kwa pe Sises uya ta'pɛ ipi', "Saiman, Isaan mumu, ui'nɛnkayan pe'?" ta'pɛ iya.

Pi'ta ena'pɛ pokoi pe, apɛne pɛra Sises uya tekama'posa' pi' osorɛwau ite'kwa, "Ui'nɛnkayan pe'?" tukai', miripan uya, "Uyepuru, tanporon ni i'tu auya; ii'nɛnka uya ri i'tu auya," ta'pɛ.

Sises uya, "Uikɛn non ken si karimeru amɛ' ewe'ki. 18 I'napairon ekama uya ipi'; moine pe iwa iwesi a'tai, iiwano' pe ri iyepontipitu'pɛ miri awonsi'ki iutipitu'pɛ i'se iwe'to' ya'; e'tane iukii'pansa' a'tai, iyemiyatu ton inka auya miri awonsi'ki ka'pon uya nin si iponti miri, miripan uya ayari itipai iwe'to' pen ni ya'," ta'pɛ iya ipi'.

19 Sises uya seri ta'pɛ Pi'ta uma'tato' eseru ekama tɛuya pe Papa apuripi'to' ipi' pe, miripan uya, "Upikiri isi'ki!" ta'pɛ ipi'.

20 Pi'ta uya tenu ra'ti'pɛ, miripan uya ipoitorɛ, Sises ni'nɛnkanɛ uyepɛ tɛpikiri'nokon ene'pɛ. (Pɛse ri kɛri ri Sises pona iye'tɛnkasa' ru'pɛ to' enta'na a'tai, "Uyepuru, inɛ' uya si iyeparankato' oton?" tawon nɛ'pɛ.) 21 Pi'ta uya ensa' a'tai, ekama'po'pɛ iya, "Uyepuru, pɛse kanan si?" ta'pɛ iya.

22 Sises uya eiku'pɛ, "Iko'mamɛ i'se esi yau enna'po pona ri, i'ri pe miri esi ipona? Hisiri, upikiri

isi'ki," ta'pua iya ipi'. ²³ Miri si etasa' tauya'nokon tukai' itonpa ton esi'pua miri, puse ri si ipoitorua erikua para iye'to' oton, tukai'. E'tane Sises uya iyeri'to' oton pen tasa' para iyesi; "Iko'mamua i'se esi yau enna'po pona ri, i'ri pe miri esi ipona?" tasa' iya riken esi.

²⁴ Puse ri si kari ri ipoitorua ekama pi' na'ne' imenukasa' iya ri na'ne'. I'tu i'napai ri inekamanua esi.

²⁵ Sises uya tu'ke ri taron ni ton ni niri kupua'pua. Tanporo ri iye'menukasa' pe iyesi yau, si'tuyai', seri non po imenukapi'sa' kareta ton pata para iyesi.

Wakɔ Itekare: Emenna' Pe Ekonekan Nito' New Testament in Akawaio (GY:ake:Akawaio)

copyright © 2010 Wycliffe Bible Translators, Inc.

Language: Akawaio

Translation by: Wycliffe Bible Translators, Inc.

Akawaio

ake

Guyana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Akawaio

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

PDF generated using Haiola and XeLaTeX on 21 Feb 2024 from source files dated 29 Jan 2022

0a50da4e-768d-5472-9dd1-d9747ff5918f